


*C.*  
C.  
I. M. E. T. E. R.



I  
LIBRARY

Division of Manuscripts  
Beinecke Library



1. *Lamia* *luctuosa* *luctuosa*  
2. *Lamia* *luctuosa* *luctuosa*

3. *Lamia* *luctuosa* *luctuosa*  
4. *Lamia* *luctuosa* *luctuosa*  
5. *Lamia* *luctuosa* *luctuosa*

6. *Lamia* *luctuosa* *luctuosa*

---

*Januarii 2. 1677.*

In Concilio *Regie Societatis*, *Londini*  
ad Scientiam Naturalem promoven-  
dam institutæ.

**T**rac*tatus cui Titulus Martini Li-*  
*ster Historiæ Animalium Angliæ*  
*Tres Tractatus, &c. Imprimatur à*  
*Johanne Martyn dictæ Societatis Ty-*  
*pographo.*

J. Williamson, P. R. S.

---

MARTINI LISTER

E

SOCIETATE REGIA

LONDINII

HISTORIÆ

ANIMALIUM ANGLIÆ

TRES TRACTATUS.

UNUS DE

ARANEIS.

ALTER DE

COCHLEIS

Tum Terrestribus tum Fluvialibus.

TERTIUS DE

COCHLEIS MARINIS.

*Quibus adjectus est Quartus de Lapidibus ejusdem Insulae ad Cochlearum quandam imagine et figuratis.*

Memoria & Rationi.

---

LONDINI,

Apud Joh. Martyn Regiae Societatis Typographum, ad insigne  
Campanæ in Cœmeterio D. Pauli, 1678.



## LECTORI S.

**D**ecennium est, ex quo plurima nostræ Insulae Insecta descripsi; atq; ex iis cùm Araneos, quâ ferè nunc sunt methodo, disponuisse, eorum specimen non ita diu pòst publici juris feci. At nè animi quidem impetum in has res celabo: etenim, cùm olim otio idoneo fruebar, in agrum Lincolnensem me contuli; ubi non horas tantùm, aut dies aliquot, sed menses benè multos in harum minutarum bestiolarum investigatione totus impendi. Harum autem descriptiones per proximam hyemem recensui. Cùm verò Aranearum genus & specierum numero, & vita ratione præ cæteris insigne mihi visum est, illud in primis selegi; & quantum per negotia liceret, in hunc usq; diem subinde aliquid novi adjiciendo adauxi. Reliquas autem Notas ferè neglexi, universo Cochlearum genere excepto; quod in eandem methodum similiter compedi, atq; illi subjungendum esse putavi, ut simul ederentur. Atq; hæc quidem de Operis origine.

Ilud autem in hoc Opusculo præcipue insti-  
A 2 tui;

## Ad Lectorem.

tui; nimirūm singulorum Generum Bestiolās, quām accuratissimē in species diducere; cuius illa certe singularis utilitas esse possit; ut, si quæ in posterum præclara experientia de his Animalibus aliorum industria confecerit, ea tuto hoc referri possint, suisq; quæq; locis rectè disponantur. Mibi interea illud satis supérq; est, ea primūm nostra Animalia seculo indicāsse rerum Naturæ studiosissimo. Qui verò simile opus aggressi fuerint, ii tandem intelligent, quantum sudavimus, résq; adeò minutas, vel extremā linea certò cognoscere, esse aliquid.

Cum autem pleraq; quæ hīc habentur, ad fidem sensūs referri possint, in id maximē incubui, nè ipse primūm deceperis, posteros in errorem ducerem. Summam sanè diligentiam adhibui, ut veras species distinguendo, non multiplicando citra necessitatem, singulas, minutissimis licet, fidissimis tamen Observationibus, quæ ad animalium mores vitāmq; spectarent, exornarem.

Alicui foris in Descriptionibus nimius esse videbor; nam reliquas Notas quod attinet, eæ in singulis speciebus omnino propriæ & peculiares sunt. At ea fateor multo plura fuerunt, quām nunc sunt; siquidem multa à me præcisa & repurgata sunt: quæ verò supersunt, non utiq; videntur omittenda, aut supervacua.

Scribendi

## Ad Lectorem.

Scribendi autem rationem quod attinet, scire licet, eam ipsis rebus non extrinsecam esse & arbitriam, sed à propriis earum naturis desumptam, iisq; maximè convenientem, atq; adeò memoriae rationiq; summopere utilem.

Præterea illud de Araneis monere debemus, universas sc. descriptiones ad fœminarum Exemplaria factas esse. Nam & hæ multo sàpiùs occur-  
runt, quam mares; & in his notæ characteristi-  
cæ, ob summam picturæ elegantiam, maximè illu-  
strantur.

Rursus omnium ferè Animalium figuræ coram  
me delineandas curavi; ut optimus artifex, non  
snum tantum conceptum, ut fieri solet, exprimeret;  
sed, quòd facilius acciperet, quæ uniuscujusq; spe-  
ciei maximè depingendæ essent Notæ, eas primùm  
digito indicavi. Nam in his hominibus, quæ a-  
liæ laudabilis, nunc nè concedenda quidem licen-  
tia est; siquidem non hîc quid in positu, aut ani-  
malis figura jucundius; sed quid ei vivo simil-  
limum sit, & quo promptius rectiusq; à reliquis  
discriminetur, præcipue desideratur. Id quod ma-  
xima ex parte præstitum esse confido. Aliquot, fa-  
teor, & me malè habet, è multis Picturæ desunt;  
quòd ipsa animalia, cùm Pictor mecum adfuit,  
habere non potui: at eæ admodum paucæ sunt, sc.  
asteriscis in Tabulâ notatæ.

Postremò,

## Ad Lectorem.

Postremò, etiamsi libri Titulus Araneos Coch-  
leásq; Angliæ ferat, nolo tamen aliquis existimet,  
aut horum generum Bestiolas omnes nostras omnino  
me conscripsisse, aut illas esse nostras tantùm, atq;  
huic Insulæ peculiares, ac si non alibi terrarum  
inveniantur. Illud tamen audacter affirmo, ne-  
minem apud nos ullam novam speciem à me non  
descriptam temerè invenire posse: quo verò di-  
ligentiam nostram effugerint, alii videant. Item  
illud alterum propriis ipse oculis aliqua ex parte  
didici, ex nostris sc. bestiolis aliquas species  
cum transmarinis Europæis communes esse; imò  
nullus dubito, quin bonam etiam partem hujus  
generis animalium totius Europæ comprehendat.  
Atq; ea Latinè evulgari idcirco volui.

---

ARANE-

# ARANEORUM ANGLIÆ

## L I B. I.

### *De Araneis in genere.*

#### C A P. I.

##### *De Araneorum partibus tum externis tum internis.*

I. **A**lis, ab ipso ore procedentibus, universi <sup>712.</sup> Aranei donantur; at ea duorum, sicut ipsi aranei, generum sunt: vel enim ex duobus spiculis in modum forcipis hamatis constant, ut omnibus Octonoculis; vel ex duobus brachiis forcipatis, sive in binos digitos ductis, more Cancerorum marinorum, ut Binoculis: ab illis verò ictus venenatus & perniciosus, quod iis tela admodum tenuia & angusta sint, & quæ facillimè in corpus penetrant & altè insideant; ab his fortè innocuus morsus, quod ea obtusa & vix ad ictum inferendum nata.

Eorum autem, cujuscunq; generis sint, substantia ferè crustacea & fragilis est.

Maribus binocularum Tela in acuta genicula eminent. Utriusq; generis maribus Tela & majora & validiora sunt, duplaremq; iis usum præstant, ad vim inferendam, ut in arripiendis & occidendis Muscis, aut illatam vim repellendam ulciscendámve.

*Cornicula.*

2. Item universis Araneis binæ Antennæ sive Cornicula sunt; hæc proximè supra Tela capiti inserta; hæc, perinde ut pedes, è quibusdam juncturis constant.

In feminis Octonoculis & utriusq; sexū Binoculis ferè æquali crassitie sunt; in maribus verò Octonoculis ea extrema velut quibusdam capitulis sive nodis turgent; in maribus autem Phalangiis iidem nodi latiores & magis depresso.

In universis certè ad blandè palpandum data; an verò aliis eorum usus sit, me non satis perspicere fateor. Ut uterq; Penis sit, vel è quo penis exeritur in maribus Octonoculis, & alternatim in coitu adhibitus, aliquando existimavi; an rectè id quidem, alii mecum videant.

*Capit.*

3. Ipsum a. Caput nullâ incisurâ ab humeris pectoréve discernitur; in plerisq; verò Octonoculis ipsis humeris inseritur in modum literæ Romanæ V, cuius basis frontem indicat.

*Oculi.*

4. Oculorum, magnitudinem quod attinet, multiplex differentia est; at his numerus tantùm vel octonarius vel binarius, an senarius in ullo inveniatur, multùm dubito; certè in Phalangiis id minimè verum est.

In nonnullis omnes oculi æqualis magnitudinis sunt; in aliis in triplicem ferè diducuntur.

Eorum etiam situs maximè diversus est, ut aliam atq; aliam figuram constituant.

Item his color non unus; qui tamen ferè niger, interdum purpurascens, rufescens aut viridis.

Horum autem usus non ad prædam tantùm commodiùs discernendam, sed in reticulis etiam conficiendis insignis est.

*Pedes.*

5. Octo pedes pectori inseruntur; horum verò longitudinem quod spectat, multiplex varietas, neq; in hac recessidunt oculis. Nam ex his alii priores pedes, alii postremos, alii secundos longissimos habent: deinde in aliis pri-

mi



mi & postremi quatuor intermedios ; in aliis quatuor primi totidem posteriores longitudine superant : rursus in nonnullis alternatim disponuntur, ut secundi primos, & quarti tertios excedant. Quorsum hæc inquies ? respondeo, eadem Muscas & reliqua insecta capiendi necessitas pro victu, in varios modos Naturam coëgit.

In omnibus araneis internodia terna in cruribus.

6. Alvis notabili incisurâ à pectore dividitur ; neq; id *Alvus.* tamen perpetuum est : nam binoculi aranei excipiendi sunt ; quorum corpus integrum esse videtur.

At alvi figura supra omnia accidentia in maximam va-  
rietatem discriminatur ; ejusq; pictura innarrabili ele-  
gantiâ delineatur.

7. Ani appendices non obliviscendæ ; quæ an Fistulæ *Ani appendices.*  
sint ad multorum filorum simplicium simul commodiorem  
emissionem, vel ad Telarum tantum artificium, (nam huc  
illuc, dum ab ano deducitur, iis impulsu rectumq; vidi-  
mus) an ad utrumq; conducant, adhuc incertus sum.

8. Alii aranei ferè glabri sunt, alii pilis contecti : alii *Pili.*  
cutem molliorem, alii ferè crustaceam habent. *entis.*

Atq; hæc hactenus de partibus Araneorum externis :  
quæ verò sit partium internarum configuratio, ut certò  
explicem, animalium extrema parvitas prohibet.

9. Nonnulla autem conjecturalia proponam : ut de U- *Uterus.*  
tero, qui vel unicâ cellâ constare imaginandus est, in his  
sc. qui semel ova sua cuncta pariunt ; aut in duas plurēsve  
cellulas distingui, quibus sc. partus multiplex & tempore  
inæqualis est ; duosq; plurēsve Folliculos ovis repletos sub-  
inde conficientibus.

10. Item Intestina non similiter in omnibus configurari ; *Intestina.*  
nam alia existimanda sunt in Octonoculis, quibus sc. ex-  
crementa liquida, & alia in Binoculis, quibus eadem fi-  
gurata & dura sunt ; siquidem idem utriusq; generis ara-  
neis ferè promiscuum victimus genus è muscis aliisq; insectis.

*Fili conceptaculum.*

11. Porrò Fili conceptaculum in aliquibus deesse videatur, ut in Binoculis: in Octonoculis vero vel duplex est, vel datur etiam filum uterinum. Nam à multis araneis duplex filum, & colore & aliis accidentibus planè distinctum procedit; huic autem posteriori sententiæ illud fidem facit, quod ferè circa partum hoc alterum prodit observandum.

De iis autem visceribus, quæ in Pectore insunt, nè suspicandi quidem locus datur.

## C A P. II.

### *De generatione Araneorum.*

**A**RANEI omnes ovipari sunt. Coitu fœcundas fieri nihil dubii est; siquidem sius cuique fœminæ mas sub partûs tempore adeat, vitamque tum quasi conjugalem degunt; at id copulandi tantum, neutquam nidificandi, aut Araneolos nutriendi gratiâ fit. Etenim Coitu peracto discedit mas, nec unquam aut certè admodum raro postea conspicitur cum fœminâ; etsi multiplicem quidem partum ex certis & non brevibus intervallis illa saepius per æstatem edat.

Aranei non pariunt, donec ad justam magnitudinem perveniant; quod ferè sit intra annum aut plurimum biennium. Illud certè in singulis speciebus sub partûs tempore observare licet; quod, qui nidificant, cujuscunq; species sint, ferè omnes ejusdem magnitudinis sunt, nec maiores facilè reperiantur uspiam.

Ferè minimi aranei pauca ova pariunt; majusculis vero admodum numerosus partus; ex his certè quibusdam possint esse ultra *mille ova* in una æstate. Ova

## De Araneis in genere.

3

Ova universis araneis sphærica & perfectæ rotunditatis sunt.

Ovis cortex mollis, membranaceus, pellucidus : intus humor unicolor in ejusdem speciei araneis ; at diversicolor in diversis eorum speciebus ; qui etiam cis corticem apparet ; eiq; ferè albidum, interdum subluteum, aut pallidè cœruleum, aut pallidè purpurascens colorem dat.

Magnitudine multùm inter se discrepant ova ; in paucis æquant sinapi semina ; in plerisq; verò ferè ad papaveris albi semina accedunt.

Ova pauca aut nulla à partu nudè & sine omni tegmine relinquuntur : sed alia membranacei sive linteoformes Folliculi includunt ; aliis verò laxiora fila ad modum lanæ carminatæ circuminjiciuntur : item alia inter se cohærent in modum pilulæ, ferè ad lupini figuram depresso ; in his verò unus ovorum ordo alteri superinjicitur, firmitérq; inter se tota ovorum compages conglutinatur : alia ruptis membranis disfluent.

Aranei ovis non incubant ; neq; enim eorum tactus, ut in pennigeris animalibus, tepifactivus est ; his extremam cutem frigescere, more serpentum, existimandum est : ex his tamen nonnulli sunt, qui assiduè eorum ovis inhærent, aut aliàs secum ea gestant ; sed ea fætus cura, non fotus aut incubatio est.

Tempus ab ovorum partu ad araneolorum exclusionem in plerisq; ad vigesimum primum diem extenditur : id tamen non est perpetuum : nam ex his sunt, qui ad Septembrem mensem parti, per brumam ad primum usq; ver, & in aliis nonnullis paulo tardiùs, in ovis permanent. Verùm in his posterioribus non satis constat, quot diebus opus sit, à maturationis momento ad fætum edendum ; an pluribus, vel totidem tantùm, quot jam numeravimus : mihi sancè durum est existimare, ova per tot menses continententer maturescere.

\* Hist. Animal. lib. I. cap. 27. Ut autem ipsa Ova vermiculi sint, ut vult Aristoteles \*; aut ipsi araneoli intus aliquando sint in ovis in formâ vermiculorum, minus verisimile est: ex ovis certè illi integri eduntur, & in singulis membris sibi similes.

## C A P. III.

*De Fili natura, ejusq; emittendi ratione.*

**A**RANEIS proprium est, etiam statim ac nati, filum ab anno emittere: at non omnibus; nam de Binoculis id ita esse nondum mihi certò constat: id autem affirmare videtur Mouffetus noster; & mihi levis suspicio est, quod in fætus curâ ita esse possit: illud tamen maximè obstat, ipsos binoculos nullâ injuriâ excitari posse, ut filum ostendant, perinde ut fit in octonoculis omnibus.

Mares quoq; non aliter quam fœminæ, licet id multo rariùs, & fila projiciunt & interdum reticula texunt.

Fila autem emittendi ratio veteribus ferè incognita est; & à me, quantùm scio, primùm observata, & ante aliquot annos Anglicè evulgata est in \* Transactionibus Philosophicis dictis Clarissimi Dni Oldenburgh. Illud tamen non sileendum duxi, esse apud ipsum Aristotelem non leve hujus rei indicium, quod tamen adeò obscurum est, ut id multos etiam doctissimos interpretes non parùm exercuerit. Verba ejus hæc sunt, \* "Aranei statim cùm editi sunt, fila mittunt, non intrinsecus tanquam excrementum, ut Democritus ait; sed extrinsecus de suo corpore, veluti corticem, aut more eorum, quæ villos suos ejaculantur, ut Hystricis. Ita Plinius \* ea verba transtulit Latinè. Operis materia Uterus (i. e. alvus sive venter, ut rectè F. Redi) aranei sufficit: sive id ita corrupta alvi natura

\* Hist. Animal. lib. 62. p. 2103.

\* H. N. lib. 21. cap. 24.

tura stato tempore, ut Democrito placet, sive est quædam intùs lanigera fertilitas. Ut alios multos interpretès recentiores omittam, sic nuper F. Redi in hunc locum.  
" Erravit Aristoteles contradicens sapientissimo Democri-  
" to, cùm in eâ opinione fuit, Araneos telam suam non  
" deducere ex partibus Uteri internis, sed externis totius  
" corporis, ac si materia fili lanugo quædam esset, corporis  
" exteriora per modum corticis ambiens.

Quicquid sit, licet hæc verba valdè obscura sint, si de loco aut fili materia interpretentur; in iis tamen filum mittendi modum rectè explicuisse videtur summus Philosophus. Nam aranei quidem fila sua non aliter, quam Hystricæ villos de suo corpore vi quâdam ejaculantur: in eo differunt, quòd cùm illi ab hystricis corpore omnino soluti è longinquò ferantur; araneorum fila, etiamsi longissima emissâ, adhuc tamen intra ipsius bestiolæ anum adhærent, ut radii ad solem. Atq; ad eundem modum non tantùm araneoli; sed omnes omnium ætatum, specierum, certè ex octonoculis, & sexûs fila emittunt.

At non unum tantùm & simplex filum, ut ante nos expositum est, ab ano emitunt; sed sæpius plurima simplicia fila simul ejaculantur, velut totidem micantes radios ad Cometæ caudam. An ipsius ani Appendices in aliquibus araneis, velut Tubuli, huic multiplici filo aliquid faciant, aliàs videndum est.

Filum autem quodq; singulare omni ferè pilo tenuius & exilius est: illud tamen non simplex & planum, sed ramosum & carminatum esse vult P. Blancanus apud F. Redi. Fortè multiplex filum pro ramoso sumpsit: mihi certè unumquodq; filum & læve & tersum videtur.

Filorum una continuitas est, sive ea ejaculatione spontè emittant, sive vi & nolente animali manu educantur. Ea autem modò abrumpunt ipsi aranei, modò in exiguos globulos niveos, prioribus sc. pedibus celeriter supra caput

\* *D. Gener. In-  
sæt. Editionis  
latinæ pag. 177.*

## De Araneis in genere.

put circumactis, recolligunt. A priore illâ ratione penè infinita illa filorum simplicium multitudo, ubiq; per terram sparsorum, oritur.

Sed quod omnem fidem superat ; & de quo omnino nulla mentio apud antiquos aut recentiores est, Araneolos, aut mediæ certè ætatis & magnitudinis, nam adultos in aëre me nunquam observâsse memini, fili auxilio se committere leni auræ, ascensumq; in aërem pérq; summas nubes moliri : Illud certè verissimum est, eas longè extra conspectum meum evectos fuisse, etiamsi supra celsissimam Turrem aliquoties de industria contemplarer.

Ad Octobrem verò mensem hanc exercitationem maximè frequentant; quamvis per totum annum, etiam mediâ brumâ, si quando per id tempus sol clarè splendescat, & tranquillus aër sit, hujus quidem ejaculationis non paucos effectus per agros pérq; sépes non raro animadverti.

Item illud addam, in istis longissimis filis aëreis, jam in funes crassiores, sed inæquales implicatis, à longis fortasse in aëre ventionibus, Muscas casu an de industriâ irretitas me sèpiùs notâsse.

Filorum a. validâ ejaculatione jam cognitâ, facilè intellegimus modum, quo aranei inter duas ex longo intervallo distantes arbores, aut trans amnem aliquem reticula suspendere possint. Id quod antea quâm difficile erat expli- catu : vide apud Mouffetum & F. Redi.

Est etiam alia non minùs admiranda Proprietas, nimirum quòd Aranei, quæ emiserint fila, ea intùs reducere possint: de quo vide Experimentum infrá. Itaq; his in posterioribus duplcam dari potestatem videtur, illi pulmonis in sanguineis animalibus, qui motu reciproco spiritum attrahunt & emittunt, haud dissimilem. In quæstione verò, ubi quæritur, an filorum materia intùs sit, veluti liquida visci massa, aut fili jam figurati conglomeratio? Huic quidem posteriori sententiæ faveret ista fili reciprocatio.

At

At fili materialm ejusq; Conceptaculum quod attinet, equidem id succum corporis singularem esse existimo, suoq; ferè proprio vase contineri, ut in Erucis.

Filum a. ex aqua communi coctum, non liquefit ; ut, ne igne quidem, si torreatur. Flammam non concipit ; sed gummi instar glutinosam retinet naturam.

Fila quidem recenter educita viscida esse videntur, aut certè viscido quodam humore infici ; an verò denuò illinatur, ut vult Moufetus noster, dubito. Illud quidem rectè exposuit, eorum materialm esse lentam, glutinosam, se-quacem ; nec siccitate nec humore ea tenacitatem suam amittere.

Filo autem non unus color ; ferè aëreus & pellucidus, quo facilis incutæ Muscæ fallantur ; est etiam ei subpurpleus, subcæruleus, subviridis. Neq; verò fili una natura est ; nam quod molle est, quod asperum, quod tenuerunt, quod crassius vidi : idq; quod magis miror, ab eodem araneo sub partus tempore ; an ideo alterum ab utero, alterum è proprio Conceptaculo exeat ; aut idem humor in diversis partibus ejusdem Ductus alium atq; alium colorē & naturam obtineat ?

De diversâ Textrinæ ratione aliàs infrà fusiùs acturi sumus ; neq; ut hîc ea jam memorem, opus est. Illud tantum reprehendendum est in Moufeto aliisq;, ubi asserit, Araneolum quemq; nendi & texendi rationem à parentibus edoceri, & cum ætate peritiam acquirere majorem. Cùm hæc pedum fatalis scientia, hic naturalis instinctus sit, nihil dubii est. Certè donec cum matre in nido permanent, nihil texunt ; & præter victum nihil curant aut animadver-tunt.

Araneolos è nido desumptos fila emittere verum est, præcipue si quâ injuriâ lacescantur : at id non reticuli conficiendi causâ, sed ut effugiant, fieri consuevit.

Illud autem perpetuum est, Araneolorum retia æquè C elegantia

*De Araneis in genere.*

elegantia atq; natu majorum sive adulorum, unoq; eodemq; ipsissimo artificio & formâ confici per singulas omnium æstatum species. In eo verò discriminem, quod fortè Mousfeto imposuit, ab araneis parvis parva reticula fieri, à senioribus & majoribus ampliora, atq; ita secundùm corporis incrementum, retia quibuslibet proportionari. At hoc verum est tantùm de ejusdem speciei araneis; nam sunt è mediocribus, quibus retia longè ampliora sunt, quàm è majusculis ulli.

---

## C A P. IV.

*De Vernalionem exuendi ratione.*

**S**enectutem exuere araneos omnes Antiqui prodiderunt, & nostra observatio abundè testatur. An verò id soli octonoculi faciant, aut etiam binoculi, mihi nondum satis constat.

Illam verò quotannis sæpiùs, immo singulis mensibus, si benè pasti fuerint, exuere, ut Mousetus noster perhibet, minùs verisimile est: siquidem his eadem ratio esse videatur in senectute exuendâ, atq; avibus in plumis aut quadrupedibus in pilis & cornubus: illis verò cunctis ea semel in anno cadere satis est.

Araneoli quidem, paucos post dies à Nativitate, cuticulam exuunt: Et si deinde aliam atq; aliam cuticulam, secundùm eorum incrementum, imò eò usq; donec ad justam eoram magnitudinem pervenerint, sc. intra aliquot menses aut annum exuere putemus; ut in Erucis fieri notum est; hoc fidem Mousfeto eatenus tantùm dabit: id verò in adultis ita fieri, haud libenter concedo.

Illud.

Illud autem perpetuum est ex nostrâ observatione ; nimirum sub initium novi victus vernalis unicam vernationem in singulis Telis reperire licere ; & si per plures menses in eâdem Telâ permaneant, quod plerisq; speciebus mori est, vix & ne vix quidem secundam invenies.

Integrali cuticulam exuunt, etiam Telis non exceptis, quæ ferè crustacea sunt, ut jam dictum est ; per pedus autem ea finditur, sed quo usq; attendendum.

Omnes Cuticulas, quas per totam vitam exuturi sunt, iis subesse à prima statim generatione, verisimillimum est.

---

### C A P. V.

#### *De Araneorum victu & venandi ratione : ubi etiam de vespis Ichneumonis araneorum hostibus.*

Plerisq; araneis, retium certè & telarum Textoribus, ferè promiscuus victus est, ex omnigenis Muscis, si quidem eorum venatio & præda fortuita est.

Attamen ex his etiam sunt, quibus hæc, quâm illa magis grata est Musca : ideoq; loca telis frequentant, ubi id genus muscae facilè reperiantur. An verò Venatorii aranei, ut lupi & phalangia, hoc vel illud muscarum genus præcipue insectentur, mihi nondum observare contigit.

Cibo sui generis utuntur, ut rectè Aristoteles ; atq; adeò possint etiam Lacertas aliósve serpentes interficere, ut Plinius perhibet : sed nostrorum araneorum, quod scio, tantus animus non est.

Illud verissimum est, eos quaslibet muscas occidere, non inermes & imbellis tantum ; sed vespas etiam & prægrandes quascunq; Apes, Tabanos, aliáq; insecta perniciofa, ut Scolopendras.

Item ex his sunt, qui araneorum ova depascunt; ipsos quoq; araneos vel sui vel alterius generis arripiunt; etiam cùm sui juris sunt, & liberè venantur, & non custodiâ vexati.

Araneus quisq; suo victitat labore; mas suo, suoq; fœmina.

Solo muscarum succo, si illarum cadavera rejecta inspicias, vesci videntur: fin autem eorum excrementa quoq; probè examines, in iis etiam particulæ corticum muscarum non paucæ insunt: duriorq; crusta, commune Muscarum tegumentum, in causâ ex parte esse possit, cur non ex toto id devorent, quod edunt. In Cancrorum certè marinorum & Locustarum ventriculo infecta marina integra devorata vidi; ipsæ autem hæ bestiolæ, ex insectis sunt; & ad araneorum genus quâm proximè accedunt.

Aranei nihil recondunt, quòd diu sine cibo vivere posunt; per hyemem verò ex toto abstinent, & ne viictum quidem quærunt; ipsiq; ut plurimùm per id tempus tellis involuti conquielsunt; at non torpidi interim, sed æquè agiles, ac cùm foras prodeunt venatum.

Omní etiam anni tempore jejunium diutinum ferre posint; calidis quoq; regionibus etiam per æstatem, non solùm cùm hyems eos necessariò cogat. Araneos, inquit F. Redi, tam masculos quâm fœminas vasis vitreis excepti; longitudinem vitæ sine alimento inter alia observavi; non nullis à 15 Julii, quo die capti erant, in finem usq; Januarii producentibus.

At Aranei non omnibus Muscis (ut id obitèr hic notem) adeò terribiles sunt; quin ex Muscis aliquæ sunt, quæ ipsos etiam araneos interficiant; ut quædam Vespa à veteribus *Ichneumones* dictæ; à Mousfeto autem nostro cædem *Muscæ tripiles* appellantur; quòd ex iis pleræq; ab anno perpetuò exerto aculeo, inter duas appendices, vaginalæ usum præstantes, medio, insigniuntur.

Quòd

Quòd autem id genus Muscæ araneorum ova depa-scunt, inq; ipsis eorum Folliculis ideo suum fætum pari-unt, in altero libro non uno sub Titulo demonstravimus. Quæ quidem observatio malè intellecta, Vesparum Ich-neumenon Fabulæ, apud veteres adeò decantatæ, benè locum dare potuit. De quâ re ita Aristoteles \* ‘Vespæ Ichneumones nuncupatæ, minores quam cæteræ sunt, lib. I. cap. 20. Phalangia perimunt, occisiq; ferunt in parietinas, aut aliquid tale foramine pervium; deinde illinunt luto, atq; ex iis incubando suum procreant genus.

At araneorum Ova non tantum id genus Vespis victui sunt, dum in Vermiculo; sed ipsis etiam aranei ab iisdem vespis insectantur, ut recte Aristoteles: Quod egomet non sine summâ admiratione & delectione observavi, a q; alii mecum recentiores viri, hujus rei idonei testes.

Goedartius Batavus sic. \* ‘Musca hæc, cuius figuram \* Hist. Insect. damus, inquit ille, acerrimus est araneorum hostis, & singulari antipathiæ eos persequitur, atq; occidit; cum reliquæ muscæ araneorum reticulis strangulari soleant, iisq; pro cibo inservire. Expertus sum muscas prædictas, dum aranei muscarum capturæ student, in medio reticulorum suorum muscas advolaturas expectantes, eas medias arripere, & lethali vulnere afficere. Quod ubi animadver-tunt aranei, subito se in terram, filo quodam appensos dejiciunt; sed sequuntur muscæ & singulos arancorum pedes ordine quodam confringunt, tandem plenâ jam adeptâ victoriâ, cum gaudio corpus aranei ambiunt aliquoties, præ gaudio quasi exultantes. Id factum ter obser-vavi, posteaq; muscam cum araneo jam mortuo avolantem vidi. Hæc Goedartius.

Illa autem observatio de araneis retium textoribus facta est; at Bellonius apud Aldrovandum etiam de Phalangio similem refert. ‘Animalculum est è vesparum genere, quod Ichneumon Vespa appellatur: bellum internecinum ha-

bet cum phalangio ; cum verò eorum pugnam vidimus,  
 ipsam commemorare libuit. Insecti genus est, sanguinis  
 expers, formâ Apis sive Vespa, vel magnæ formicæ alatæ  
 perquam similis, vespâ tamen minus, in terra etiam suum  
 latibulum quemadmodum Phalangium faciens. Superat  
 Phalangium quandocunq; id extra suum latibulum inveni-  
 re potest ; at si in latibulo id adoriatur, sèpenumero re  
 infectâ redit. Accedit, ut Ichneumon Vespa Phalangium  
 è suo latibulo egressum corriperet, atq; post se traheret,  
 quemadmodum formica tritici granum ; idq; quò volebat,  
 impelleret, tametsi non sine magnâ difficultate. Nam Pha-  
 langium pedum uncis obvia quæq; apprehendens, quan-  
 tum poterat, renitebatur. Ichneumon verò suo aculeo,  
 quod instar apis exerit, variis in locis ipsum pungebat. De-  
 fessus autem istâ pertractione avolavit hæc illâc ober-  
 rans ad balistæ ferè jactum : deinde suum phalangium re-  
 quirens, nec quo reliquerat loco inveniens, ejus vestigia  
 sequebatur, quasi illa odoraretur, non minùs quam canes  
 leporum vestigia. Deinde inventum plûs quam quinquagies  
 aculeo pupugit, rursumq; pertrahens, quò voluit, perduxit,  
 isticq; planè consecit. Hæc Bellonius.

---

## C A P. VI.

*De Araneorum veneno.*

**A**nglia, ut opinor, frigidiorēsq; regiones minùs ter-  
 ribiles araneos edunt. At nobis nostra etiam phalan-  
 gia sunt ; quorum utiq; atq; universorum quoq; cætero-  
 rum oœtonoculorum morsus perniciosi habendi, pertime-  
 scendiq; sunt.

Illud

Illud experimentum Clarissimo Harvæo nostro debemus. \*“ Ipsemet, inquit ille, aliquando experiendi causa, manum acu pupugi; mox eandem acum Aranei dente confricans, manum alio loco perforavi, nec potui quicquam discriminis inter duas has punctiunculas internoscere: erat tamen in cute, quod discerneret, quippe eodem loco ubi venenata punctio contigerat, subito sese in Tuberculum contraxit, induitq; mox ruborem, calorem, atq; inflammationem; tanquam ad pugnam & nocentis mali expugnationem se roboret & accingeret.

\* De generat. animal. exer-  
cit. 57.

Aranei verò intra stomachum recepti, sive is humanus sit, de quo insigne testimonium perhibet Mouscus \*; sive *De Insect.* alijs cujuslibet animalis, non similiter nocivi; ut non gustu pp. 227. 237. quidem sed in vulnere noceant. Aviculis certè pleriq; in deliciis sunt; etenim hæ omnigenos araneos indiscriminatim arripiunt; cuius rei observandæ causâ aviculas in Caveis nutrivi. Quòd verò alvum aviculis moveant, eamve liquidorem reddant, quantùm nos observavimus, minùs verum est; summam sanè alacritatem post id genus victum semper demonstrarunt.

Ex parte id quoq; eorum innocentiam probat, quòd ad recentia vulnera araneas i. e. eorum fila adhibuerunt antiqui. Glutinat vulnus (inquit Celsus) si levis plaga est, aranea: Recentiores etiam ad idem humorem ex eorum corporibus stillatitium pro secreto habuerunt; adeò proficuus existimatus est.

Item illud accedit, eorum ova etiam à delicatulis Stomachis frequentissimè devorari innoxie, scil. cum ceraso fructu aut alijs in quovis olere; inscienter tamen, ut infrà ostendam.

De morsu verò Tarantulæ sive Phalangii Apuli, reliquorūmq; omnium araneorum exoticorum nostri non est instituti aliquid scribere. Adde quòd iste effectus, ejusq; curandi ratio, ut merum figmentum, à doctissimo indigenâ:

\* Philosop.  
Hist. s.  
83. p. 4056.

digenā \* ex toto rejicitur. At si qua res sit, illud tantum quero, an ista nociva bestiola Phalangium sit nec ne ex nostris notis characteristicis diligenter examinatum: si sit, hominem morsum continenter saltandi desiderio affici non adeò miranda res est, siquidem iste ingrediendus est id genus araneis; similiter homines à canibus rabbiosis mortis velut canes latrare proditum est. Atq; adeò istud saltandi desiderium, si quando torpeat, à musicâ excitari verisimile est; & per accidens sudorem vehementer movendo, ad curationem multum facere possit.

---

## C A P. VII.

*Vbi nonnulla de Araneis in genere habentur à veteribus & recentioribus tradita, quæ partim dubia, partim falsa sunt.*

1. Araneos lanis inclusos Tinearum generationem augere. Aristot.
2. Aversis cluibus araneos copulari. Arist. Plin.
3. Araneos quosdam unicum colore niveo Ovum parere, portareq; sub ventre, & per vices incubare, mare subinde fœminam juvante. Mouf. N. B. prius verum est, si de folliculo intelligatur; posterius omnino fallsum.
4. Quemq; Araneolum propriam Telam texere discere à matre: Item alibi, nendi & texendi rationem à parentibus edoceri: Item, omnes araneos retiarios telariosq; cum aetate peritiam acquirere majorem. Mouf.
5. Ovis per triduum incubare, mensēq; lunari prolem perficere. Aristot. Plin.
6. Lacertas & serpentes occidere.
7. Araneos

7. Araneos interimi à suis liberis. Arist. Plin.
8. Ova ab initu intra septem dies consummari & concrescere. Arist.
9. Vespas Ichneumones ex Phalangiis mortuis suum incubando procreare genus. Arist.
10. Aranei pariunt Vermiculos ovis similes. Arist. Plin.
11. Pedes posteriores primis semper breviores habere. Mouf.
12. Sereno, quando volant Muscæ, non texunt, ut aucupio videntur. Mouf.
13. Conjugio vicarias operas subire. Mouf.
14. Phalangiorum paucos, fortè nullos, textrinam exercere. Mouf. quod eatenus falsum est, quod omnes ad hyberna telas conficiunt.
15. Araneum minutum coccineum sex tantum pedes habere. Mouf.
16. Nullis filis per transversum actis, ex arctissima quadam villorum in longum continuitate spissam Telam cinnare quosdam araneos. Mouf.
17. Araneos, ut adoleverint, matrimonia contrahere, nunquam nisi morte interitura. Mouf.
18. Senectutem singulis mensibus exuere. Mouf.
19. Generari araneos aliquot ex seminibus aëreis situ & corruptione putrefactis. Mouf.
20. Hiberniam & Angliam non videre, aut non diu sustentare Phalangia. Mouf.
21. Araneos Angliae permultos intus devoratos nocere, morsus tamen eorum veneni expertes, & nemini lethales, ut omnium Phalangiorum. Mouf.
22. Araneos domesticos morsus inferre inanes, titillationi quam dolori propiores.
23. Gallas araneos producere. Matthiol.

## C A P. VIII.

*De Medicamentis ex Araneis.*

1. **E**x quovis humore maceratos Febres arcere.
2. Aranei ex oleo vel rosâ cocti ad aurem dolentem.
3. Idem ad oculorum albugines & fluorem.
4. Ceratum ex araneis umbilico adhibitum, ad uteri suffocationem.
5. Idem ad lienis dolorem tumoremq;. Plin.
6. Item ad Furunculos impositum araneum.
7. Ex rosâ ad lactis coagulationem.
8. Item ad podagram & serpiginem ex emplastro.
9. Araneas strictè alligatas vulneri, sanguinem fistunt. Cels. Plin.
10. Item ulcerâ curant, conglutinant, sanie prohibent, inflammationem arcent.
11. Item ad narium hæmorrhagiam, ad menstrua intùs forisve datæ.
12. Quidam cinere Telarum ad eadem uti malunt.
13. Ova araneorum ex oleo nardino denti dolenti adhibita. Galen.
14. Eadem ad Tertianam propinata.

*Araneorum Angliae Tabula.*

Aucupes à me dicti ; qui scilicet Muscas capiendi causâ tendunt

Aranei

Otonoculi

Reticula

Scutulata Antiquis dicta ; scil. universis maculis in eodem plano dispositis in modum Scuti sive Orbitæ. *Numero X.*

Conglobata ; scil. maculis crebris in omnes in circuitu dimensiones procedentibus. *Num. VI.*

Telas linteoformes ; scil. reticularum filis densè inter se contextis in modum Veli sive Panniculi. *Num. VIII.*

Vcnatorii, qui aperto marte muscas insectantur ; cum tamen aliàs texere possunt ; nimirum telas ad nidificationem & ad hyberna.

Lupi, propriè sic dicti. *Num. IV.*

Cancriformes. *Num. II.*



Phalangia, sive Aranei pulces assūltim ingredientes. *Num. IV.*

Binoculi, ferè longipedes, Opiliones quibusdam dicti, tellis digitatis sive forcipatis, cancrorum marinorum more armati. *Numero IV.*





## Tab 1






Tab

1



2



5



6



7



8



10



11



12



13



21

# ARANEORUM ANGLIÆ

## LIB. II.

### P A R S I.

#### *De Araneis Octonoculis.*

---

### S E C T I O I.

*De Araneis Muscarum prædatoribus in Reticulis.*

---

### M E M B R U M I.

*De Araneis reticulorum scutulatorum Textoribus.*

---

### C A P. I.

*De Araneis Reticula scutulata texentibus in genere..*

**I**IS Araneis, qui cæteris excellunt in Retium eleganti opere, primum locum meritò dandum existimavi. Quoniam autem ferè similis est Textrinæ ratio in singulis hujus generis Araneis, eam, quantum adhuc mihi observare contigit, paucis præfabor.

Itaq; scire licet hos Araneos, vel oriente, vel occidente sole, retia sua ordiri; quanquam eos etiam ad meridiem opus instituisse sèpè animadverti. Primum autem stamina aliquot circa spatum, quod iis est in animo occupare, latè ducunt; ea verò sunt ad suspendendum rete, atq; plura fila in funes crassiusculos coalescunt: mox itidem alia stamna simpliciora sive radios directos in omnes in circuitu partes per medium ducunt; quod cùm exactè ceperint, in eo demittunt lanuginis cuiusdam floccos velut bucceas quasdam, haudquaquam dissimiles ipsis filis, nisi quòd ea sint in parvos glomerulos implicata: Tum verò è medio quoquoversum excurrunt, alia atq; alia stamna deducendo; donec eorum justum numerum expleverint; atq; hactenus reticulum Carri cuiusdam Orbitam quām proximè repræsentat. Jam demum ad aliud opus sè accingunt, *Maculas* intelligo; quas fèrè primùm circa medium necunt ad quatuor aut circiter earum ordines: deinde ad extrema sè recipiunt (intermedio Reticuli spatio aut rarissimis macularum ordinibus intertexto, aut iisdem prorsus vacuo) ubi eandem rem factitant summâ celeritate: ut verò venerint descendendo prope reticuli centrum, ab isto opere tanquam supryacaneo prorsus desistunt, et si totum spatum non utiq; impleverint macularum ordinibus. Postremò floccos, quos suprà demonstravimus in ipso reticuli centro sub initium laborandi implicatos fuisse, jam decerpunt, ibiq; quasi vestibulum sive foramen patulum sibimet ipsis aperiunt, quo prædam speculentur; quid ni etiam hæc ratione, tanquam ultimâ manu adhibitâ, stamna magis æqualiter disponant, duriusq; restringant, arctentq;?

In ipso autem opere confiendo hæc præterea notavi; nimirum, quòd tūm in laborando tūm in speculando semper se continent post aut extra rete: quòd in plerisq; nec stamna nec macularum ordines temerè excedant trigesimalium

mum numerum, utcunq; grande aut parvum spatium velint occupare: quòd tūm macularum subtegmina, tūm ipsa stama paribus intervallis inter se distant; subinde à medio ad circumferentiam crescentibus: quòd fila circumducunt modò à dextrâ in sinistram, modò contrâ: quòd dum bestiola transit ab uno stamine in aliud, filum per se sequitur à ventre remisum, nullóq; pede deductum restumve: quòd ubi pervenerit egregius artifex ad stamen, cui filum adnecti debet, altero pede ultimo illud prehendit, altero spatium fortasse in stamine metitur; nam illud perpetuò advertere licet, quòd ubi pes ille alter restiterit, ibi, aut valdè propè, an citrâ paululùm, etiam indissolubilis nodus maculæ implicatur: quod an is nodus rectè dicendus sit, dubito; illud certò scio, subtegmen singulis maculis ita firmiter adglutinari, ut ipsius animalis ejusq; prædæ pondus, haud aliquando ita leve, aut etiam vis adhibita, id è loco dimovere non potest citra rupcionem: immo verò aliud observavi, à motu ipsius animalis nimirùm animal singulis staminibus aut ubicunq; nodo opus sit, eo uti tanquam sigillo ad filii materiam veluti liquidam jamq; in aëre prodeuntem, firmandam: insuper quòd prioribus tantùm pedibus ad progrediendum utitur, posteriorésq; operi expeditos habet: postremò retia resciſſa ex aliquâ parte aliquando ad polituram resarcit.

Antiqui hujusmodi Opera Reticula *scutulata*; nos verò *Orbiculata* à figurâ eorum circinatâ appellamus.

Horum autem artifices decem in Anglia vidimus.

Hæ verò sunt notæ quædam communes Retiariorum Orbiculariorum. 1. Habere oculos octo æquali magnitudine; quorum quatuor medii ponuntur in figurâ quadrangulâ, extimi per paria ferè conjunctim in parùm obliquâ lineâ. 2. Habere pedes priores omnium longissimos, tūm secundos, proximè his quartos, brevissimos tertios. 3. Esse ferè glabros. 4. Foliaceâ picturâ in summis clunibus exornari.

C A P.

## C A P. II.

*De Araneis retiariis in specie: deq; iis imprimis, qui in mediis reticulis prædam assidue speculantur, quibus nec Domicilia nec Nidi, juxta positi temerè obseruentur.*

## TITULUS I.

*Araneus subflavus, alvo præcipue in summâ sui parte & circa latera albicante, plenâ oculis nigris pellucidis in capite albicante.*

*descriptio.*

**I**S autem in mediocribus numerandus est; pedes præcipue priores habet satis longos, non nimium tenues, leviter maculosos, cæterum subflavos; in iisdem etiam pili rigidiusculi veluti spinulæ, & qui sub nudos oculos facile cadunt; iiq; à longitudine ita ordinantur; primi sc. omnium longissimi; tūm qui proximi ab his; tertii omnium brevissimi; nam ultimi post secundos numerari debent. Os humeri; pedibus concolores sunt, & ferè pellucidi; in fronte octoni ocelli, nigri, etiam nudis nostris oculis haud difficulter conspicui, in media sc. fronte quatuor, in formâ quadrangulâ positi ex æquis intervallis; juxtāq; eos ad singulos frontis *superiores* angulos alii bini, ferè conjunctim, certè valde vicini in lineâ parùm obliquâ. Proximè ab humeris alvus five *clunes* admodum pleni; deinde paulatim in acumen retusius pretenduntur; suprà verò delineatur quoddam folium vestigiis admodum obscuris; per alvi tamen medium it recta lineola satis conspicua, velut

velut medius folii nervus; item proximè ab humeris alvus & ad ejus latera utrinq; ferè insignitur pæcipuo candore; cæterū vel inaurantur vel lutescunt, aliquando ex cinerio aut rufo variantur.

Certè hic & reliqui, (quod sæpiùs dictum nolumus) pro ætate, aut anni tempore, aut cuticula noviter exutâ, colore uno haud sibi constant; à figura tamen cæterisq; notis bestiola quæq; facilè agnoscenda est. Medius venter nigricat, circùm luteolus. Hic autem araneus est glaber, & velut squamosus mihi certè proximè per vitrum intuenti visus est.

Hic verò Araneus frequentissimus est à Calendis Maiis *Locus.* ad medium Octobrem, & aliquando tardiùs multo, inter Urticam, Genistam, & in silvis. Sin autem circa Octobrem tempestas incidat valdè pluviosa, intra domos & sub tecta se recipiunt.

Ex his verò qui hyemant circa rivulos montosos, ferè alii videntur; adeò nigricant, illisq; qui in planicie, longè maiores sunt.

*Mares* multò strigiosores & tenuiores sunt; item magis rufescunt, quam foeminae; item iis extrema cornicula tuberculis ferè rotundis, interdum planioribus intumescent; quæ longè certissima nota sexûs masculini tūm in hoc, tūm in aliis quibuscunq; Araneorum octonocularum generibus.

Illud autem singulare est in Textrinâ hujus bestiolæ; quòd ubi semel aliquot circinata subtegmina sive maculas ad medium retis adnexuerit, inde mox alia grandibus intervallis figit, quæ postea implet, ab extimis descendendo. Item illud alterum perpetuum est, nec ullis aliis hujus Familiæ speciebus commune; nimisq; quòd crassiusculum filum extrà subtérq; planum ipsius reticuli deducit, illudq; unâ extremitate reticuli centro, alterâ sub cavam ripam, aut alibi uspiam, quòd se tutò recipiat, adfigere solet. Atq;

hac solâ notâ cùm primùm rete videris, & hunc araneum ejus authorem esse, & ipsum araneum certò investigare possis. Nam si absit retis centro, sub ripam juxta funiculum resedit ; at nudè tamen & sine ullo domicilio nidóve, quod usquam hactenus observare potuerim.

De araneâ fœminâ illud addo, eam, ineunte mense Septembri, gravescere : Item in multis iisdem reticulis, jam tûm marem cum fœmina adfuisse. (Et si marem quoq; proprium rete texentem non semel vidi.) Imò duos trésve mares eandem fœminam circumstetisse, eam tamen se perpetuò continuissime in ejus centro tanquam & solum authorem & venatorem sui reticuli ; dum illi, velut totidem proci, ad extima stamina manerent.

Matutino tempore fortè in jucundissimum spectaculum incidi ; nimirum binos mares strenuè pugnâsse, per capita se mutuò mordicùs tenentes, pedibúsq; inter se miris modis implicatis : hos autem separare volui ; utrosq; è rete, ubi unâ aderant cum fœmina, in manus meas recipiendo ; atq; ita quidem eveniebat ; at momento temporis, explicatâ manu iterum concurrebant ad pugnam.

A Calendis Octobribus hujus speciei aranearum alvos incidi ; idq; in viginti & amplius fœminis factitavi ; verùm in omnino nullâ jam tum ova réperi, quòd paulò antè omnes peperissent ; omnibúsq; adeò clunes jam detumuisserint.

Illud quoq; notandum, qui nunc mares inveniantur, exeunte sc. Octobri (atq; adhuc quidem multi tûm mares tûm fœminæ in reticulis suis venantur) jam multò contractiore alvo sunt, puta, quòd à coitu celebrato, vernationem exuerant ; idq; ita fuissé, etiam à teneritudine pendum conjicio.

Ex his autem aranéis aliquot gravidas sub vitra non semel diligenter servavi ; at semper ante partum mortuæ sunt.

sunt. Tandem verò aliâ ratione fæturam didici; fortè, exeunte Aprili, ad pedem grandium quercuum in plurimos ovorum folliculos, intra muscum repositos, incidi: hi autem folliculi erant rotundi, è laxioribus filis albidis ad magnitudinem pisí vulgaris; ex his autem aliquot in thecis ligneis servavi, & circa medium Maium hujus speciei Araneolos editos non difficulter cognovi: Postea verò alibi in fenestris domi & in genistâ spinosâ foras eosdem folliculos sæpiùs inveni, agnoviq;: fieri tamen potest, ut aliquot ex his ovis excludantur ante brumam (nam nisi mea fefellit observatio, ex his juvenes minutissimos vidi circa Calend. Novembres filorum ejaculatione sese obstantes) sed multò maxima eorum pars per totam hyemem, sub initium usq; æstatis, in ovo permanent.

Illud quoq; observatione dignum est, tūm in hoc, tūm in aliis nonnullis Araneis, quòd adulti pleriq; vel pereunt per hyemem, vel eorum corpora admodum extenuantur ob diuturnam famem; nam vix unum è millenis exeunte Aprili, aut sub initium Maii invenies, qui non sit valdè exilis pro ratione molis, quam, appetente Autumno, habuerunt: huic autem posteriori sententiae libenter fidem do, quòd idem in Limacibus infrà narrabitur: hi siquidem famem tam diu vix & ne vix quidem sustinent penè enecati: atq; hæc unica ratio Vernationis exuendæ esse videtur in fœminis; nam maribus etiam Venus potest esse in causâ.

Tam hic quām alii quicunq; Octonoculi aranei excrementa liquida ejiciunt.

Araneos in ipso morsu venenum suum demittere, ideo mihi verisimile est; quòd ab unâ aliquâ hâc bestiolâ à me lacescitâ, lymphæ purissimæ similes guttas exiguae decies & amplius intra breve tempus respersas notavi; idq; toutes factitavit, quoties mordere voluit: in corio tamen mortuo propter securitatem periculum feci, de meo certè

Iudere nolui; ut an veneficus & quatenus sit ipse latex,  
mihi adhuc incompertum est.

---

## TITULUS II.

*Araneus rufus, sive avellaneus, cruciger, cui utrinq; ad  
superiorem alvi partem quasi singula tuberculæ emi-  
nent.*

*Descriptio.*

**H**IC autem araneus è majoribus est; unum certè & alterum ex his vidi, qui nucis majusculæ è corylo magnitudinem facilè implerent.

Color ei rufus, aut qualis in avellanâ maturâ.

Pedes crassiusculi, nec nimiùm breves, maculis rufis disticti; idem eorum ordo quoad longitudinem, qui in superiori.

Atq; idem dictum volo & de numero & de situ oculorum.

Porrò ei rari pili, iiq; maximè per humeros cani.

Alvum autem plenam habet; suprà planam; atq; ad folii cujusdam imitationem depictam. Medios clunes distinguit alba lineola recta, & transversè ducitur altera ad figuram quandam Crucis; item ei proximè ab humeris aliæ aliquot maculæ exiguae albæ: ex utroq; alvi latere, ubi magis in latitudine patet, quasi singula Tubercula aut anguli eminent, maculis quoq; subalbidis disticta; atq; ea cum extremâ alvo figuram triangularem ferè æquiangularam formant: ad verò latera multæ maculæ obliquæ, rufæ, undatae: in ventre verò binæ maculæ lunatae.

In dumetis & ad sepes non ita rarus circa Cantabrigiam: in rupibus autem, maceriis, Torrentiumq; alveis Angliae borealibus admodum frequens araneus.

Circinata retia tendit amplissima, atq; adeò conspicua valde.

Mihil

Mihi autem jam abundè satisfactum est, masculum araneum etiam suum quemq; Reticulum texere; quòd in eunte Junio ex his plures mares in propriis reticulis speculantates vidi. Ac tum fortè, dum ipse diligenter eos inspicerem, unus & alter Mas, muscam, quæ incidunt in rete, arripuit, maculisq; coram me suspendit; id quod antè fecerant de aliis aliquot Muscis à se captis.

Mediis reticulis affixi diligenter & assiduè totas dies muscis insidiantur; quippe Recessibus certè artificiosis carent.

De hoc autem aliisq; nonnullis araneis sèpissimè notavi, quòd dum reticuli medio insidunt, illud tremulo atq; admodum citato motu aliquoties vibrant; an ut pulvrem è reticulis succutiant, aut si quæ fortè capta sit in iis, explorent; aut quâ de aliâ causâ me latet.

E maximis supradictis alteram gravidam sub vitro ultra mensē servavi: muscas tamen à me victui oblatas noluit, & tandem mortua est: adeoq; frustrà fuit experimentum de fætura sive partûs ratione.

Maio exeunte, interdum citiùs, horum fæturam innumerablem in dumetis vidi nuper exclusam, & instar racemi cohaerentem multis filis à se ipsis circumductis ad defensionem sui; matrem autem minimè tantùm juxta oras vorum cortices notavi: horum verò araneolorum tum clunes albidi, attenuatam aliis notis facilè cognoscibiles.

In Torrentium alveis Regiunculæ *Craven* dictæ ex his plurimos minutissimos incipiente Augusto observavi, radiculæ semina vix æquantes; suóq; quemq; reticulo, corporis moli pari, insidentem.

Ex his autem aliquot nuper editos thecâ ligneâ inclusi, póstq; aliquot dies eos omnes cuticulam exuisse notavi: an singulæ araneorum fæturae idem faciant, & quoties, ut de plerisq; Erucis notum est, inquirendum restat.

## TITULUS III.

*Aranens ex viridi inauratus, alvo longiuscula, prætenui.*

*Magnitudo.*

**H**IC autem Araneus è mediocribus est, si corporis tantum molem respicias; at habitâ etiam pedum longissimorum ratione, nullis facilè cedit; præcipue ii, quos in sylvis invenias.

*Color.*

Ei verò pedes, humeri, cornicula & tela omnia subflava sunt & ferè pellucida: habet autem alvum ex viridi inauratam, leviterq; depictam foliatim.

*Oculi.*

Hujus octo oculi nigri facilè à quovis numerari possunt, etiam sine conspicillo, idq; propter dilucidum caput: eorum autem ordo non æquè visibilis; nam ex dupli serie atq; æqualibus intervallis per medianam frontem disponi videntur; cùm reverè superiorum normam rectè sequuntur; quæ est, cùm quatuor medii in figurâ quadrangulâ, reliqui extimi utrinq; per parum obliquè positi sint.

*Pedes.*

Ei verò Pedes omnium hujus generis facilè longissimi, tenuissimiq; sunt; item leviter hirsuti: horum primi, ut in superioribus, reliquos longitudine superant, tum qui ab his proximi, tertii omnium brevissimi, postremi ad secundos propriè accedunt.

*Alvi.*

Alvus subteres, nisi quòd ab humeris aliquantulum emineat, retusa, prælonga; color alvi in superiore ejus parte ex viridi flavescit, velut inauratus, nec nimirum obscuris vestigiis picturæ foliaceæ distinguitur; certè si per vitrum simplex eam intuearis, velut squamulis aureis correcta esse videtur more serpentum.

*Venter.*

Ipse autem Venter infuscatur, quem extrà ambiant luteolæ lunulæ.

*Tela.*

Item Tela hujus aranei longiuscula.

Hujus

Hujus autem generis araneorum qui sylvicolæ sunt, férè *sylvicole quæs.*  
altero tanto majores sunt campestribus, ut videantur alia  
species, cùm non sint. An fortè ibi tutiores ab aviculis, vi-  
támq; adeò in plures annos prolongant, dum corpora  
majora interim incrementa sumant; illud certè, quod su-  
prà de primo araneo monticolâ narravimus, cùm hâc ob-  
servatione satis bene convenit.

Reta tendit satis ampla è rarioribus maculis ad antra *locis.*  
ferè & in fossis, & præcipuè rivulos amat, nec sylvas hor-  
ret; suis certè locis à primo vere frequens est, ac si quis  
alter.

Ad Calend. Maias eum Vernationem exuere fortè sum-  
mâ cum voluptate vidi; cuius exuendi rationem aliàs plu-  
ribus demonstravi.

Maio autem exeunte, i. e. circa vigesimum quintum di- *coitus ratio-*  
em circa solis occasum hujus generis plurimos araneos ip-  
so coitu mihi observare contigit: illi verò filis suis demissi,  
subq; reticula in aëre suspensi, ventre unius alterius ven-  
tri adhibito inter se copulati sunt: at mas etiam fœminæ  
inferior erat, ejusq; alvus rectâ protendebatur, dum fœ-  
minæ alvus curvabatur supra ipsum marem: ipse autem  
fœminæ anus maris ventris superiorum partem tetigit;  
Atq; non aliud equidem maris penem discernere potui,  
quām è corniculis unum tuberculo insignem; quæ illum  
perpetuò fœminæ ventris superiori parti adhibuisse mihi  
visum est; idq; alternatim. Interea utriusq; pedes & tela  
miris modis inter se implicati sunt.

Junio medio eodemq; mense exeunte ex his aliquot *ova.*  
gravidas sub vitris servavi; ubi brevi ova pallidè lutea  
pepererunt; eaq; valdè exigua. Hæc autem ova *follicu-*  
*lis.* laxioribus involuta sunt, ad magnitudinem grani pi- *Folliculi.*  
peris majusculi; ipsorum autem Folliculorum quod pro-  
ximè Ova filum ex viridi cæruleum, cùm in eorum exti-  
ma superficie id erat paulò obscurius; multisq; hi minu-  
tisq;

tisq; globulis seu glomerulis inæquales & quasi asperi.

Ipsum autem idem de ovis sylvestrium prægrandium itidem expertus sum.

Porrò non semel inveni eosdem Folliculos juncis aliarumq; herbarum foliis affixos.

Reticuli centro insidendi modus huic araneo planè singularis est ; qui fit, pedibus sc. 4. prioribus rectâ protensis conjunctisq;.

Inter muscas ab hoc araneo captas etiam cestros aliquoties observavi ; tantus animus est in hac bestiolâ. Illud præterea de natura feroci hujus animalis addam, duas majusculas Fœminas in eâdem thecâ ligneâ inclusi unâ ; atq; una alteram illicò interfecit, eâmq; suo more depasta est : neq; è thecâ excussa occisam libenter amittere voluit ; sed quæsitam rursus avidè arripuit.

Illud quoq; non silendum duxi, me fortè, memoriae & observationis causâ circiter decem araneorum genera, recenter captorum, acubus defixis alteri parti seu valvæ thecæ ligneæ ; quos cùm noctu in conclavi apertâ thecâ negligenter reliquissem, manè ad unum omnes devoratos, puta à muribus, animadverti, præter tres hujus generis omnino intactos integrósq;.

## TITULUS IV.

*Araneus cinereus, sylvaticus, alvo in mucronem fastigiatâ, seu triquetrâ.*

*Descriptio.*

S autem inter minores hujus generis araneos numerandus est.

Ei color cinereus maculis nigricantibus varius ; idq; maximè in pedibus.

Iudem breves, crassiusculi ; atq; hoc ipso ordine longitudinem

gitudinem quod spectat, quo in superioribus expositum est.

Humeri valde infuscantur, si non planè nigricant; idemque admodum pusilli sunt; quo sit, quod oculorum magnitudo, ordo, & numerus, non nisi conspicilli ope discerni possint: at omnino se habent, ut in superioribus, quatuor sc. in mediâ fronte in figurâ quadrangulâ, aliq; ex utraq; parte bini ferè conjunctim in paululum obliquâ lineâ.

Huic Tela ex atro rubent.

Alvi verò figura rara, planeq; singularis est; nimirum resima, id est, plenior versus anum, supra quem quasi rursus reflexa eminet; ac si in mucronem esset fastigiata, seu alvo triquetrâ; item eadem foliacea quâdam picturâ per bellè exornatur.

Venter nigricat; atq; in eo quoq; sunt istæ lunatae maculæ, in singulis superioribus notatae: item ibidem sunt maculæ quædam rufæ aut miniatulæ.

Extra altas & umbrosas Sylvas non temerè reperitur; *locus.* ubi eum tūm in agro Cantabrigiensi, tūm circa Eboracum frequentem inveni.

Amplissima retia tendit inter ramos alicujus arboris; imò nonnunquam longè supra contactum meum.

Junio ineunte sanè pulcherrimum est animalculum, quod tūm fortè novissimè cuticulam hyemalem exuit.

Oriente sole eum texentem vidi; in hujus autem opere aliquando numeravi, (nisi me fallit memoria) supra 40 macularum ordines: atq; hoc quidem singulare esset in hac bestiolâ, si perpetuum.

Mense Julio Tineas exiguae sylvestres inter reliqua ei victui esse notavi.

Illud autem multò rarius, & planè mirandum, prædæ sc. suspensio, sive ejus reservandi modus atq; ordo; in quo certè est quædam Venationis gloriola. Habetis enim

ipsum araneum in Reticuli centro, velut in insidiis, assiduum speculatorum; ejus verò prædam directâ lineâ superâ infrâq; se dispositam; atq; illud sanè ostentationem præ se fert, singulas nimirùm muscas ad singula macularum internodia implicari. Idq; perpetuum esse hujus aranei morem, jam plurimis observationibus exploratum habeo.

---

## TITULUS V.

*Araneus viridis, caudâ nigris punctis utrinq; ad marginem supernè notatâ, ipso ano croceo.*

*Descriptio.*

**M** Ediæ magnitudinis est. Oculi ejus nigricant in capite pellucido; itaq; planè ordinantur, ac in superioribus dictum est.

Ei pedes breviores; neq; tamen de eorum ordine dubitandum est, quin idem sit, qui in superioribus.

Alvum autem gramineam habet, plenam, paululùm inflexam, retusam, qualem in Titulo primo descripsimus: in extimis verò alvi oris utrinq; ternas, quaternas, aut plures exiguae maculas nigras numerare licet, easq; simplici serie, velut totidem puncta, calamo scriptorio depictas.

In utroq; verò sexu ipse anus croceus est.

Mas etiam viridescit; is multò tamen gracilior est; ei pedes paulò longiores, iiq; ex viridi infuscantur.

Hunc araneum non ita rarum inveni in vepribus & dumetis; item in sylvis umbrosis, inter urticam etiam, & alibi, sub mensem Maium.

*Reticulum.*

Reticulum omnium minimum, pro corporis sui proportione texit; quod perpetuum esse, multoties observavi in sylvis & alibi.

*Illud*

Illud etiam non prætereundum existimavi; eorum sc. reticula super corylorum folia ferè extendi plano situ sive ad lineam horizontalem; quod huic quoq; speciei propriè convenit; nam reliqui raro retia sua disponunt ad eundem modum; sed plerunq; in perpendiculo aut parum obliquo situ.

Quotquot ex his vitris parvis, fortè 5 aut 6 unciarum aquæ capacibus, citrāq; quatuor digitos latis, servavi (servavi autem multos; nam in plerisq; experimentum feci) ii omnes reticula sibi tantis angustiis confecerunt; eorumq; centris sedulò inhærendo muscas omnigenas, etiam œstros, in vitra injectas avidè ceperunt, non aliter quam si foras in sylvis & sui juris essent: huic autem rei commoditatem dat illa altera proprietas jam nunc memorata; ipsa sc. reticula pro consuetudine animalis perexigua.

Exeunte Maio ex his unam, mihi gravidam visam, vitro crystallino servavi: ovāq; ibidem non ita diu pòst peperit, vitrōq; firmiter affixit. Ipsa autem ova inter se tenaciter conglutinata sunt, ad figuram & magnitudinem pisí vulgaris; supráq; multum filum pro Folliculo laxius injectum, coloris ex viridi flavescentis. Illud etiam in hoc filo setoso singulare, quòd & crassius multo & rigidiusculum inter digitos sentitur, atq; asperum; cùm molle sit illud alterum Reticuli, tenuius & album. Post decimum verò & octavum diem ab ovorum partu, nescio quâ temeritate ductus, folliculum incidi, ovāq; adhuc integra inveni: horum autem nonnulla papyro illisa eam jam infecerunt colore purpurascente; quod indicium erat maturessentis Embryonis. Ipsa autem Fœmina post partum multò gracilior facta, circiter 14 dies sine cibo vixit.

ovas.

Filum.

Marem aliquando cum fœminâ sub eodem vitro inclusi: post biduum verò marem illa occidit exsuxitq;: deinde Reticulum ibidem confecit, diūq; à muscis, quas dedi, vixit.

Septembri exeunte in majusculos juvenes hujus speciei incidi; quos tamen facile à punctulis nigris cognovi; nam iis color erat subrufus.

Araneorum species singulas in *spiritu vini* dicto immersas conservare soleo; neq; ab illo multùm mutantur aut colore aut picturâ; hoc uno excepto, qui viriditatem hâc ratione amisit, & subflavus factus est.

### C A. P. III.

### De Retiariis alteris Orbiculatis, quibus domicilia sive Nidi juxta reticula ponuntur.

### TITULUS VI.

*Araneus cinereus alvo admodum plenâ, ejusq; picturâ in plures partes quasi divulsâ.*

*Descriptio.*

**H**IC autem inter maximos ponendus est. Ei color cinereus: humeri quasi incani.

Pedes crassi & non nimirum longi, hirsuti, maculosi; eorumq; ordo idem, qui in superioribus.

Item ejus oculi octoni eundem positum observant; vix nisi conspicillo discernendi.

Alvus lata, plena, retusa; picturâ foliacea supernè distinguitur; at ea haud integra est, sed in plures partes cicuter quinq; quasi divulsa, lineamentis sc. sive interruptis, sive partim obliteratis.

Venter fuscus; duabúsq; lunatis maculis subflavis, quartum cornua intùs spectant, insignitur.

Mari.

Mari extrema cornicula tumida ; & pedes & Tela lón-<sup>Mas.</sup>  
giora, & alvus gracilior est.

In ericetis altissimorum montium partium Angliæ bo-<sup>Locus.</sup>  
realium, non ita rara bestiola : in australibus verò à primo  
vere inter genistam spinosam admodum frequens : item in  
herba quâlibet procerâ, puta in Acanthio, Stephanino, &c.  
sæpiùs etiam ad rivulos, supra quos retia transversim ten-  
dit.

Per hyemem autem latet interdum in ipsis cavis cau-<sup>Hyberna.</sup>  
libus plantarum suprà dictarum ; nonnunquam in ma-  
ceriâ ; sed ubiq; per id tempus Folliculo è telâ candidâ  
perpetuò involutus.

Amplissima & valdè conspicua Retia tendit : ex unâ <sup>Reticulum.</sup>  
verò parte reticuli 38 macularum ordines aliquando nu-  
meravi, ex alterâ non ultra quindecem ; quod ideo fit,  
ut reticulum loco aptetur.

Præterea juxta reticulum Cubile sive Domicilium sibi <sup>Nidus.</sup>  
conficit, suprà arcuatum, infrà apertum, & eundem Ni-  
dum futurum : quæ quidem nidificandi ratio longè com-  
modior est adversus pluvias & solis ardores, quâm illa quæ  
in Avicularum plerarumq; nidis observatur ; quorum fi-  
gura cùm sit eadem, tamen in his nostris bestiolis positus  
inversus est. Domicilii autem materia velut linea est ; è  
telâ sc. candidâ, mollíq;.

Mares autem in summitatibus Graminis alicujus nidu-  
lari & simplicibus maléq; dispositis filis venari non semel  
observavi.

Muscis viçtitat parvísq; scarabæis ; ex quibus posterio-<sup>Victus.</sup>  
ribus plurimos in eorum nidis inveni ; item ipsâ suâ spe-  
cie & sexu : nam fœminam unam aliam æquè magnam in-  
terficere & exsugere sæpiùs expertus sum. Item araneos,  
Opiliones dictos, de quibus infrà, libenter foras in  
suis reticulis capiunt ; siquidem hos inter muscas suspensos  
non semel vidimus..

Cvta.

Duas id genus araneas gravidas cepi; atq; observandi causâ singulas sub singulis vitris mox inclusi: eas autem non ita diu servaveram, quâm ova subflava peperere: altera verò id egit ad XVII, atq; altera ad XV Calendas Sextiles. Ipsa autem ova firmiter inter se conglutinata sunt, multoq; filo Folliculorum more suprà injecto: singuli autem Folliculi ad vitrum quisq; suum affixi sunt, omnemq; propiorem ad ea aditum etiam ipsis araneis matribus fuisse præclusum; densis circum circa filis prætensis, ut eas incubare, aut ova sua sinu fovere non rectè dicere posses; etiamq; primos quidem à partu aliquot dies proximè, quod poterant, astitire.

Fætus autem exclusus est in ovis superioris araneæ Nonis Sextilibus; propioris verò ad VII Idus Sextiles; ut à partu ad fætum editum intercesserint plurimùm dies unus & viginti. Illud addo, me de industria hæc vitra servâsse in conclavis mei angulo, à lumine & sole maximè remoto; & præterea dicam, quod ressit, alterum è vitris, ab aliis infectis priùs sub eo curatis, humidum multoq; situ fuisse obductum. Ante diem autem primum supra vigesimum omnia, quoad res externas immutata; tum verò primùm ovo rum ordines paululum relaxari; atq; è singulis extimis corticibus primò prorupere singuli araneoli; atq; ita de cæteris deinceps.

Ipsæ autem araneæ Matres post paucos ab exclusione dies, ambæ mortuæ sunt; ea prima quæ primò perit, mox altera; tamen mihi curæ fuisse jam ut antè, iis victum non defuisse; quem tamen eas unquam gustâsse certò scire non potui.

Vigesimo autem secundo Maii, ut nos computamus, mas unà cum foemina in eodem Reticulo aderat; idq; de reliquis omnibus, quos illo die observare licuit, verum erat.

Vigesimo quarto ejusdem mensis in plerisq; nidis ova jam

jam primūm vidimus ; superiori sc. Nidi parti affixa, validāq; velut membranā präclusa. Ipsa autem ova subrufa sunt ; atq; ita firmiter inter se compaginata, uno eorum ordine alteri superinjecto, ut non facilē resolvi numerarive possent. Tota autem Ovorum compages magnitudinem lupini implet, neq; dissimili figurā depresso, rariūs rotundiori ; circum circa verò superinducitur multum filum pallidē luteum, rigidius & quasi asperum, cùm ipsius nidi filum planè aliud sit ; nimiūm lāve, molle, & album : an fortasse è diversis corporis partibus oriantur, ut ab utero illud proveniat, hoc ab intēstinis ; aut si quod aliud sit proprium fili conceptaculum, ut in Erucis, quod ore eructatum certuimus.

Undecimo Junii duos folliculos ovis repletos, magnitudinēq; æquales, in uno eodēmq; Nido inveni ; at adhuc ambo integri, nulliq; araneoli exclusi. Alter autem Folliculus propriā certè membranā seclusus est ab altero.

Porrò primo Augusti alterum Nidum aperui, inibiq; *trinum fætum* inæqualem notavi ; sc. primus ex araneolis constabat parentum similibus, secundus nuper exclusus & adhuc subflavus, tertius adhuc in Ovo. Aliis autem annis eundem Partūs numerum vel exeunte Junio observare licet.

Maio exeunte ex his aliquot gravidas in hortulum nostrum è vicinis agris transtuli ; ut observationi magis effsent opportunæ ; atq; hæc præterea didici.

Hanc certè, si non omnes hujus generis araneas, ubi semel ova peperit, ibi plures menses subsistere ; nec prädandi aut habitandi causā aliò migrare. Etenim hortenses nostri inter rosæ folia viridiæ primò Nidum conseruunt ; deinde reticulum. De quo illud expertus sum ; nempe mihi curæ fuit, ut reticulum quotidiè, quadraginta minimum dies, defringerem, penitusq; avellerem, Nido interim-integro relicto & intacto : attamen nova indies

indies reticula ad solis ortum refecta & perpolita inveni: nisi tempestas nimirum pluviosa impediret; nec aliás quidem operi vacabant. At non locus tantum, sed & perpetuus idem reticuli positus, non obstantibus quotidianis injuriis. Cujus rei causa patet, quod ibi ova, summum amoris pignus, deposuerunt, non alibi amovenda.

Quidni huc etiam referamus in aërem volatum Autunnalem; donec sc. partus cura ex toto finiatur; quod fit circa mensē Septembrem.

In Nido autem altero divulso triplicem, ut suprà dictum est, fætum observavi. Inter primum verò partum sex aderant parvæ Chrysalides sive Thecæ teretes, solidæ, utrèq; extremitate retusæ, sublividæ, id sc. genus, è quibus Muscæ triples, à Mousfeto nostro sic dictæ, antiquis verò *Ichneumones* vespæ appellatæ, excludi solent. Ex ipsis autem Araneolis natu majoribus, qui sc. horum vermiculorum voracitatem, dum in ovo, effugerant, quotquot à me aëri expositi, protinus fila ejaculando avolavere; non injucundo sanè spectaculo!

Ipsa autem trini fætus mater, priore nido sublato, ipsissimo die alterum Nidum eodem frutice confecit; & post biduum quartum partum edidit; reticulumq; mox si bi conficiendo, diu apud nos permanxit.

## T I T U L U S VII.

*Araneus pullus, glaber, cruciger, alvo plenâ ovali.*

*Descriptio.*

**M**Ediæ magnitudinis est: ci color ferè ater; aut qui in pomì seminibus permaturis.

Pedes non nimirum graciles, breves, maculosi; atq; ita ordinantur, nimirum eorum primi omnium longissimi, tum qui ab his proximi, post illos ultimi: nam tertius pedum ordo brevissimus est.

Humeri

Humeri exigui, fastigati fastigio sc. subrotundo, ex atro rubent resplendētq; ; quo sit ut *oculos* ægrè discernere licet vel optimo Microscopio adhibito : tamen mihi certò constat de eorum numero, æquali magnitudine & positu, quòd eadem illa omnia sunt, perinde ut suprà in aliis exposuimus. Sin autem sit aliqua varietas, hæc est ; quòd qui in superiore lineâ figuræ quadrangulæ, ferè paucò conjunctiores esse videntur, quam qui in inferiore.

Alvus ei plenior, retusa, & quodammodo ad similitudinem ovi gallinacei facta, ita tamen ut æqualem ferè dimensionem servet ab exortu ad infimam ejus partem, nisi media ejus pars tibi paulo plenior videatur duabus extremis : alvo color est ex atro rubens sive pullus ; it verò rectâ per medios clunes insignis lineola alba ; quam aliae circiter tres transversim secant, in modum costarum obliquarum ; item paulò infra eas versus imum anum aliae circiter tres quoq; breviores lineolæ albæ itidem primariam lineolam secant, sed magis ad angulos rectos : hinc Crucis multiplex similitudo. Ad alvi verò latera color subalbidus.

Venter infuscatur, nisi ubi duabus lunatis maculis insignitur.

Ex frequentissimis Araneis est ; sed rarò alibi inveni- *Locus.*  
tur nisi inter juncos & in pratis uidis.

Prodit ex hybernis Maio incipiente ; quo tempore in herbarum summitatibus Telam pro Nido orditur albam tenuémq;

Sub idem tempus Vernationem quoq; exutam reperire licet in ipso Nido.

Medio verò Maio, si faveat tempestas serena, reticula orbiculata conficiunt prope Nidos.

In Reticulis autem multigenas Muscas suspensas vidi- *Victus.*  
mus ; inter quas etiam scarabæos quosdam exiguos observare licet ; id præcipue in Nidis à pullorum exclusione.

Maio autem exeunte, Folliculum ova continentem in plerisq; Nidis reperies; ovis verò ipsis exiguis color subluteus, perfectæ rotunditatis, ut reliquis universis araneis: ipse autem Folliculus, qui proximè ova involvit, albus, figurâ lenticulari; suprà verò injicitur filum aliud laxius ex atro purpurascens; etiam ipsis Nidi filo solito fuscus, si illud benè attendas.

Medio verò Junio in plerisq; Nidis jam bini Folliculi sunt; in nonnullis etiam Nidis eorum neuter adhuc exclusus est; in plerisq; verò ex iis unus partus in pullo, alter adhuc in ovo; in aliis quidem paucis unicus tantùm Folliculus, qui vel exclusus vel integer.

Ad Calendas autem Quinctiles numerosum fætum in Nidis notavi, quos neq; mater adhuc teneros deseruerat; at victum iis usq; providebat.

Multos id genus centenos araneos in quodam prato sylvestri nidulantes mense Junio observavi; at mihi redenti circa finem Julii vix unus è multis repertus est; an forte quòd Aviculis sylvæ vicinæ gratissimi fuerant?

### TITULUS VIII.

*Araneus flavus, quatuor insignibus maculis albis, aliasq; multis exiguis ejusdem coloris in picturâ clavium foliaceâ notatus.*

Descriptio.

**I**S autem præcipuæ Magnitudinis est, nulliq; Anglicano Araneo facile cedit; ex his certè nonnullos vidimus magnitudinem nucum majuscularum corylorum æquantes.

Ei color vel flavus vel subrufus.

Pedes crassi, longi, spinosi, insigniter maculosi: quorum primum par reliquos exceedit longitudine; deinde secundum; tūm quartum; brevissimi sunt tertii.

Oculorum

Oculorum ordo hic est ; quatuor sc. medii in figura quadrangulâ æquali distantia positi sunt ; juxta hos utrinq; par unum, ferè conjunctim collocatum ; omnes æquali magnitudine sunt.

Ei alvus admodum plena ; supra quam foliacea quædam pictura delineatur, in extimis oris undata ; in superiore picturæ parte sunt quatuor insignes maculæ albæ, in figura quadrangulâ, at non æquilaterâ, positæ ; etenim quæ propiores anno duæ maculæ magis inter se distant, quam superiores alteræ duæ ; plures etiam aliæ exiguae maculæ albæ, hîc & illâc, interspersæ sunt ; it autem rectâ per medium picturam lineola alba.

Hic rarer est araneus in aliquibus locis ; tamen in se-  
pibus agri Hartfordiensis aliquoties eum inveni sub  
mensem Augustum : item circa Eboracum admodum fre-  
quenter in genistâ spinosâ, & in *Craven* regione montosâ.  
Eo à tempore spectabilis magnitudinis sunt.

In summis herbis fruticibusve domicilium sive Nidum  
juxta amplissimum reticulum collocat : est etiam huic ara-  
neo commune filum à reticuli centro ad Nidum usq; per-  
petuò pertensum, per quod itq; reditq;.

Medio Augusto, ex his aliquot ventre tumidas disse-  
cuimus ; inibiq; magnam copiam spermatis cujusdam sub-  
flavi notavimus ; quod tamen partui adhuc immaturum  
fuisse, à granulorum quibus constabat, nimiâ parvitate,  
existimavi.

Nidi filum albissimum ; at quod circuminjicitur ovis,  
lutescit.

Exente Septembri ex his aliquot gravidas thecâ ligneâ  
inclusi ; quarum una mox ova peperit, binis placentulis  
inter se distincta, at eodem folliculo ambo inclusa sunt ; è  
laxiori sc. at rigidiori & flavescente filo confecto.

Araneorum cutis non adeò facile disruptur, hinc al-  
vo vehementer expressa, ipsa integra erumpit, quòd alia

atq; alia subsit Cutis, quâ continentur viscera : Neq; alienum est credere universas Cuticulas in toto vitæ cursu exuendas, cum bestiolâ natas fuisse.

In liquido & subalbido stercore hujus aranei, plurimas particulas nigras observare licet ; sc. Scarabæorum Muscarumve inutiles cortices & difficulter concoctibiles : adeò non verisimile est, has bestiolas merâ suctione cibum sumere, sed ejus bonam partem etiam vorare.

### TITULUS IX.

*Aranens nigricans, capite quadrato sive Phalangio-for-  
mi, clunibus ad similitudinem querni folii depictis.*

*Descriptio.*

**H**I C omnium maximus est Araneus.  
Ei color fuscus aut fuligineus.

Caput & humeri depresso, frons lata & quasi quadrata, eâ sc. figurâ, quâ sunt Phalangia infrâ describenda.

Octoni oculi nigri, æquali magnitudine; eundem verò situm observant, qualem in superioribus exposuimus.

Tela eorūmq; brachia nigricant præcipuo quodam nitore.

Præterea ei cornicula, pedesq; crassi, maculosi ; at ubi istis maculis non infuscantur, soli obversi rufescunt ; hirsuti, nec nimium breves, maribus præcipue ; de eorum verò ordine, quo alii alios longitudine excedant, vide in superioribus.

Alvus ingens, plana interdum ad latitudinem ferè unguis digiti medii ; ea verò ubi ad majorem, quod subito fit, latitudinem devenerit, iterum paulatim minuitur in retusum anum ; in ejus autem parte supinâ est quædam pictura, ambitu sinuoso sive undato ad quandam imitacionem querni folii ; intra picturæ verò ambitum infuscatur,

tur, ubi circiter quatuor nescio qui sinus exigui, tam in hoc quam in aliis araneis subsidunt; extra eandem picturam alvus paulo coloratior.

Item venter nigricat; nisi ubi duæ lunatae maculae subflavæ ejus medium occupant; quarumque cornua intus spectant.

In australibus Angliae partibus frequens; nec rarus in *Loci.* septentrione, sub cortice annosarum arborum ferè latet, & ad maceriam ruderave maximè extra aedificia.

Per hyemem verò Folliculo è candidâ Telâ diligenter *Hyberna.* involvitur.

Amplissima retia tendit; sed quibus rariores maculae: *Ratis.* hujus aranei paulo vetustius rete valde inelegans est ob nimium frequentem refarcinationem. Ferè prædam observat è specu sive domicilio, juxta posito.

Raro interdiu conspicitur hic araneus; etiamsi muscas tunc quoque frequenter impingant in ejus rete; de nocte verò prodit & vescitur: id quod hujusmodi experimentum didici: ex his unum & alterum in vitris seorsim servavi, plures his muscas vivas manè subministrando; at per totum quidem diem muscis huc illuc discurrentibus, velut torpidi ac immobiles aranei permanserunt; proximâ verò luce muscas occisas & exsuctas perpetuo notavi.

Ipsum autem Rete multâ oneratur prædâ, at nullo certe *Victus.* ordine disposita: hic muscas omnigenas, scarabæos, & non raro majores multipedas *Felos* dictas occidas suspensoque observare licet.

Medio mense Septembri fortè sub non nimium obscuram noctem incidi in marem pedibus prælongis corniculisq; turgidis insignitum cum foemina in Reticulo ludentem; hinc conjecturam facio id genus animalia rem venereum ferè per noctem agere.

Ex his aliquot araneas foeminas dissecui, ineunte mense Februario, ut viderem, an fortè jam gravescerent, at

nihil aliud intus inveni, præterquam spermatis cuiusdam flavescentis ac prorsus indiscreti copiam, in ova tandem distinguendam : hujus certè color valde similis, atq; in ovis ipsis recenter editis.

Ova.

A Calend. Aprilibus multa *Ova* subflava pariunt ; eaque intra aut juxta Domicilium disponunt : ipsa autem ova alias aliis superimponuntur certis ordinibus & firmissimâ compage in figuram depresso orbiculatam, Lupini in modum & magnitudinem : ipsis verò Ovis superinjicitur *Folliculus* è laxiori contexturâ ; qualis Erucis nonnullis usui est : est etiam aliud, è quo cura animalis erga fætum non minus apparet ; nimis quod supra eundem folliculum, etiam multam scobem sæpè obductam & adglutinatam esse observavi.

Intra mensem autem ova excludi aut citius existimo ; quæd hæc ova mense Maio à communibus vinculis, quibus proximè à partu ea inter se contineri jam diximus, relaxari sæpè advertimus.

Tenelli autem fætus, primùm ut editi, subpallidi sunt : postea verò, ut adoleverint, eundem planè colorem & matris formam induunt.

Septembri exeunte id genus araneolum de medio reticuli fila ejaculantem, omnium primùm animadverti : neque fas est amplius dubitare, quin longissima fila aërea, per Autumnum præcipue notabilia, hunc araneum suique similes authores habeant, et si ea olim Nubium progenies credita aut alijs oriri fabulata sint.

T I T U-

## TITULUS X.

*Araneus cinereus, capite leviter rotundo, pictura clunium foliaceâ, ad margines undatâ.*

I S inter mediocres numerandus est.

Ei color ex nigro cinereus.

Descriptio.

Humeri leviter fastigiati & subrotundi; eo autem nomine appello quicquid est in primâ corporis divisione, licet ibi sit etiam caput; iidem lèves & non pilosi. Ipsum autem caput videtur nigrescere, & per modum apicis acuti anguli aut cuneatim mediis humeris inseri.

Oculi nigricant, æquali magnitudine, ita disponuntur; quatuor sc. medii in figurâ quadrangulâ, alii bini utrinq; ferè conjunctim.

Pedes exiles, leviter pilosi, maculosi; horum primi omnium longissimi, paulùm supra dimidium unciæ; deinde secundi, post hos ultimi, tertii omnium brevissimi.

Alvus plena & crassâ; picturâ foliacea eleganti insignitur; ejus verò picturæ margines undatim designantur; extrema lineamenta nigricant, at media ejus pars præcipue versus humeros albescit notabiliter; versus anum verò intra undas sunt aliquot nigræ lineolæ rectæ transversim ductæ. Alvi latera maculosa; venter medius nigricat; nec desunt flavæ maculæ ibidem.

Hic à proximè superiori in his differt; 1. Huic caput subrotundum, cùm illi sit compressius & velut fronte quadratâ. 2. Huic alvus plenior & crassior. 3. Huic media alvi pictura albicat, cùm illi tota nigriset. 4. Hic multominor est. 5. Est etiam aliquid singulare in hujus reti, mox descriendum.

Admodum frequens est in Tectis & domibus circa Eboracum, & alibi. Locus.

Rete

Reticulum.

Rete amplum & elegantissimum tendit: illud autem in eo perpetuum & singulare est, nimirum è radiis unicum maculis utring; undari, idq; è centro reticuli ad ejus usq; circumferentiam; quod ferè ad aliquam in pariete rimulam aut alibi, ubi animal tutò totum diem latet, porrigitur: atq; hic radius ei velut scala est, per quem ascendat descendatq;.

Rarò nisi sub Crepusculo in reticulo observatur; noctuq; adeò venatur.

051.

Exeunte Augusto ova majuscula parit juxta reticulum; ea filo laxiori flavicante involvuntur. Octoginta & amplius in uno Nido numeravi, iis color ex fusco subalbidus.

## MEMBRUM II.

*De Araneis Reticula congregata texentibus.*

## CAP. I.

*De Araneis reticula congregata texentibus in genere.*

HACTENUS excellentissimos Naturæ Artifices exposui-  
mus; quorum *Opera erudita* apud Antiquos merito appellantur: Genus deinde aliud est Araneorum, reticula quidem diversa texentium; at non multum dissimili artificio. Etenim in superioribus universas maculas in eodem plano situ dispositas esse diximus; hic vero innumeræ maculæ, æquè patentes, in omnes dimensiones quaquaversum porrigitur; hic, inquam, multiplex est macularum ordo sive congregatio sub varium situm ex omnibus in circuitu partibus in orbem ferè projectarum.

Est

Est sanè sua pulchritudo etiam rudi aut fortuitæ contexturæ ; etenim hæ Plagæ è simplicibus filis constant, huc illuc temerè, credas, deductis ; at in speciem usumq; oriuntur egregia Reticula. Illud equidem dubito, an non Antiquorum diligentiam fugerit, inter hos superiorésq; differentiam annotâsse ; horum certè nullum adhuc evulgatum indicium in Scriptis invenio.

Hujus autem generis araneorum notæ characteristicae sunt : 1. Habere pedes priores omnium longissimos ; deinde ultimos, tum secundos ; tertios brevissimos. 2. Esse ferè aut minimæ inter araneos, aut certè minoris magnitudinis.

Horum autem sex species in Anglia invenimus, quas mox aggrediar.

---

## C A P. II.

*De Araneis Reticula congregata texentibus in specie ;  
quorum alii, Folliculi loco, filum laxius, velut lanam  
carptam, Ovis superinjiciunt.*

---

## T I T U L U S XI.

*Araneus pullus, glaber, domesticus.*

**H**IC est omnium hujus Familiae maximus Araneus ; *Descriptio* etiam si, respectu ad universum genus araneorum habito, mediocris magnitudinis sit.

Ei color pullus, ad nigredinem proximè accedens, glaber, lucidus.

Humeri minimè depressi, sed in fastigium elevati.

Oculi octoni, æquali magnitudine ; quorum medii in H figurâ

figurâ quadrangulâ disponuntur, reliqui extimi per paria conjunctim ferè: neq; id licet discernere, nisi optimo Microscopio adhibito; adeò in tenebris est caput propter summam ejus nigredinem relucentem; illudq; ipsum velut asperum & inæquale.

Pedes nimiùm nec breves nec tenues; quorum primi & postremi intermedios longitudine facilè superant.

Alvus plena, latiuscula, compactilis; coloris pulli, relluentis; ad ejus verò latera albet; ipséq; venter subalbidus; item per medios clunes rectâ ducitur lineola albida.

Mas extremis corniculis tumidis insignitur.

*Locus.*

Is autem in ædibus nostris ad fenestrarum cancellos valle frequens: ubi etiam per hyemem latet, si qua propè sit rimula.

Ineunte Aprili, interdum multò citius, reticula globata orditur; quo tempore ejus etiam alvus multo sperniate intumescit. Reticuli filum solito fuscus est; quod tum maximè apparet, si plura reticula in unum filorum fasciculum colligas.

*Ova.*

16 Junii fortè animadverti; quèd ex his quædam Aranea jam tūm ova sua fenestræ cancello ferreo affixerat. Circiter 50 ova numeravi, quibus color pallidè carneus, nec tamen chartæ illis, illam inficerent.

Filum autem albidum circa ova laxius injectum Folliculi loco: quo sublato, ova protinus diffusa sunt; quòd minimè inter se, ut in nonnullis superioribus fieri solet, conglutinentur.

T I T U-

TITULUS XII.

*Araneus albicans, coronâ coccineâ in alvo ovali.*

**I**S autem est mediæ magnitudinis, generis ratione ei color subalbidus.

Pedes longiusculi, tenues.

Alvus plena figurâ ferè ovali ; cuius pars superior exornatur coronâ quâdam coccineâ, sanè eleganti.

Hunc araneum in hortulo meo Eboraci semel tantum notavi : at circa Cantabrigiam & alibi in australibus Angliæ partibus sœpius.

Ineunte Augusto in suffrutice quodam hujus ova unâ cum matre animadverti : sicco autem & deciduo folio nudata est : plurima erant Ova alba ; quibus multum filum *Ova.* laxius superinducebatur, colore pulchrè cœruleo.

*Filum cœruleum.  
nra.*

C A P. III.

*De Araneis reticula conglobata texentibus ; quorum  
Ova Folliculis membranaceis includuntur.*

TITULUS XIII.

*Araneus ferè subfuscus, interdum variè coloratus, alvo  
foliaceâ picturâ insignitâ, globatâ.*

**I**Nter minores numerandus est.

*Descriptio.*

Ei color ferè subfuscus, ab hyeme maximè : at neq;  
hæc neq; aliæ, quod hoc loco semel monuisse sat est, ara-

neorum species, præcipue à cuticulâ exutâ, unum atq; eundem colorem perpetuò observant.

Oculi ægrè discernendi, nisi boni Microscopii auxilio: at idem iis & numerus, & æqualis magnitudo, & situs, qui in universis superioribus, i. e. quatuor medii figuram quadratam designant, reliqui extimi utrinq; per paria ferè conjunctim dispositi.

Pedes tenues, nec nimirū longi, maculosi; ex iis autem primi omnium longissimi, tūm postremi, deinde secundi, post hos tertii omnium brevissimi.

Alvus ferè sphærica, nisi venter, paulo planior, id prohiberet; suprà verò depingitur quādam folii similitudine, cuiusnervi venulæve dealbantur; intervalla ex fulso quasi purpurascunt, idq; maximè si animal soli obvertas: at ex utraq; parte folii veluti costulæ aliquot, quæ obtusos angulos efficiunt cum medio nervo.

Venter infuscatur.

*Locus.* Ubiq; per Angliam frequentissimum Animal; prodire incipit circa Maium mensēm.

*Reticula.* Ineunte Junio, interdum multò citius inter genistam spinosam, in Acanthio, & quibuslibet proceris plantis retia amplissima conglobata tendit & juxtā nidificat.

Hujus autem aliorūmq; araneorum reticula tūm speciosissima, maximēq; notabilia sunt, cùm nox admodum rorida præcesserit.

*Nidus.* Domicilium sive Nidus è *candidâ* ac spissâ Telâ conficitur: suprà autem arcuatus est; sed quā terram spectat, apertus.

*Cœtus.* I Junii vesperi in Coitu id genus araneos vidi: mas fœminam aggressus est, səpiùs reticulum tremulo motu concutiendo:quantūm autem discernere licuit(maximāmq; -ea de causâ diligentiam adhibui) non alio Pene usus est, quam Antennis, fœmineo ventri superiori alternatim applicatis, ut suprà quoq; in *primo membro* expositum est.

Medio

Medio Junio, in singulis Nidis singulos Folliculos repe- *Folliculus.*  
rire licet; quorum & figura & magnitudo est in modum  
grani Piperis. Ipsa autem Ova exigua, candida, sphærica, *Ova.*  
circiter 40 Folliculo linteo-formi, sive membranaceo *sub-*  
*cæruleo* ferè, interdum sed raro subrufo inclusa, ut ex alio  
fili genere constare videatur.

Illud magnopere miratus sum; aliquando me observâisse  
Folliculum extra Nidum suspensum.

Ineunte Julio in nonnullis Nidis binos Folliculos non ra-  
rò reperies.

Sub initium Augusti innumerum fætum in plerisq; ni-  
dis observare licet; ab araneâ matre, ut opinor, usq; nu-  
tritum; cum quibus certè diutiùs manet prædandi causâ,  
nè victus adhuc tenellis desit. Cui rei abundè fidem facit  
ingens copia cadaverum Muscarum exsuctarum in ipsis ni-  
dis, tûm maximè observandarum.

Illud quoq; rursus monendum duxi, hunc araneum Cu-  
ticulam exuere solere à Calend. Quintilibus, ut alias  
atq; alijs esse videatur: nam modò candidum, modò sub-  
viridem, modò miniatis aut purpureis maculis interstin-  
ctum, aut aliis deniq; formis notabilem sæpiùs observavi:  
adeò parum est, araneorum colores scire, nisi nobis etiam  
ipsa corporis figura, aliaeque discriminantes notæ, à victûs,  
partûs, & morum ratione petendæ, probè sint cognitæ.

#### TITULUS XIV.

*Araneus rufus, clunium globatorum fastigio, in medium  
stellæ radiato, sylvicola.*

**P**roximè superiori æqualis, i. e. inter minores nume- *Descriptio.*  
randus est.

Ei color rufus, aut ferè rubeus.

Ex analogia conjecturam facio de Oculorum numero, magnitudine & positu ; nam Capitis humerorumq; mira parvitas pro alvi ratione, & ipsius alvi figura insolita, ea reddunt nimirum visu difficultia.

Pedes tenues, rufi, non maculati ; horum par primum longissimum, deinde ultimum, tum secundum, tertium omnium brevissimum.

Alvis in gibbum seu verticem orbiculatum admodum eminet ; à quo in anum acuminatum subito fit declivis : à summo verò clunium fastigio sive vertice radiatim procurrunt ex omni parte plures lineolæ candidæ in modum stellæ.

Venter planior.

Est præterea animal glabrum, relucens, ut pleriq; hujus generis aranei.

*Locus.*

Rarissima Bestiola ; at mihi centies visa in Pomariis circa Cantabrigiam ; item in sylvis agri Lincolniensis, & in sylvis oppiduli *Ascome* dicti prope Eboracum.

*Retia.*

Ipsis prægrandium Quercuum Truncis amplissima retia affigere amat ; & inter majores alicujus arboris ramos : est sanè inextricabilis & planè mirificus macularum contextus, sive congregatio.

*Nidus.*

Incunte Junio nidificat ; idq; interdum perinde ut de proximè superiore expositum est, sc. Nidum linteoformem suprà arcuatum, infrà apertum, ad Cassidis similitudinem conficit : interdum verò nido extemporaneo contentus est ; sc. è folio aliquo deciduo & marcescente confecto ; ipsi autem Nidi ferè in mediis reticulis collocantur.

*Folliculi.*

In singulis autem hujusmodi Nidis, sub initium Augusti plures araneolos inæquali partu reperi : sin verò citius in nidum incidas, plerunq; duos, modò tres, quatuórve, & interdum quinq; folliculos, ovis repletos numerabis: unusquisq; autem Folliculus & magnitudine & figurâ lenticulari est, & colore subrufo.

Aliquando

Aliquando in quodam id genus nido, (sed semel id tantum) à me unicus repertus est folliculus pisī minoris magnitudine; in quo etiam multo major ovorum copia inclusa est, quam pro consuetudine animalis.

## TITULUS XV.

*Araneus cinereus è minimis, maculâ nigrâ in summis  
clunibus insignitus.*

**H**IC est in minimis vel sui vel alterius generis numerus; ita ut per difficile est eum exactè describere. *Descriptio.*  
randus; ita ut per difficile est eum exactè describere.  
Ei color cinereus ad nigredinem vergens: pilosus.

Quis sit oculorum & numerus & ordo bono microscopio in conspectum adducere licet: sc. eorum quatuor medii in figurâ quadrangulâ ad æqualem distantiam disponuntur, & utrinq; alii bini proprius collocati.

Pedes crassî, breves, subrufi, maculosi; quorum primi & ultimi medios longitudine excedunt.

Alvus à pectore plenior, paulatimq; fit acuminatior; suprà in summâ alvo prægrandem maculam nigram conspicere licet: itemq; paulo infra illam versus anum sunt aliquot lineolæ, fuscæ, obliquæ, velut totidem costulæ.

In summis Genistæ spinosæ surculis; item in Frutetis *Locus.* ubiq; frequens à Maio mense.

Reticula exigua pro proportione animalis è plurimis *Reticula.* conglobatis maculis tendunt.

Item Muscæ in iis captæ sunt perexiguæ.

Ferè juxta Reticula nidificant, Junio mense, interdum citiūs.

Albida Ova pariunt; circiter quinq; in Folliculo; is *Ova.* autem perexiguus est, figurâ lenticulari è materiâ *Folliculus.* candi-  
*dissimilâ*

*dissimâ membranaceâ sive linteoformi.* Horum verò folliculorum plures simul in codem nido, more aliorum sui generis, sæpiùs notavi.

Diversimodè nidificant; interdum supra alicujus arboris aut herbæ folium, in Reticulo venantur, dum Ovorum folliculi infra idem folium affixi sint: interdum in Eri-cetis montium nostrorum altissimorum in partibus Angliae borealibus plures hujus aranei (an, aliis valde similis) Folliculos intra aliam Thecam è laxiori contexturâ inclusos, sæpiùs observavi: interdum, quod notabile est, folliculum hujus aranei alteræ cerasi fructis maturi & edulis extremitati, ubi sc. commodissimus huic rei sinus est, affixum centies vidi; tu verò illam facile credas candidam maculam esse vel squamulam nescio quam, vel quamlibet aliam rem, quām quæ est: adeò stomachi maximè delicatuli quoties hanc innocuam buccam non minùs ignoranter, quām avidè devorârunt!

## T I T U L U S XVI.

*Aranus pusillus, lividus, picturâ clunium nigrâ & ve-luti denticulatâ.*

*Descriptio.*

**I**S proximè superiorem magnitudine æquat; pusilla admodum bestiola.

Ei color sublividus.

Ejus octoni oculi non, nisi optimo Microscopio, in conspectum adduci possunt; etiam ipsum caput priùs transflammam, huc illuc aliquoties celeriterq; dimovendum est; ita enim, capite à pilis albidis nudato, apparent oculi, succini instar splendentes; candémq; dispositionem servant, qualem in universis superioribus exposuimus.

Pedes tenues nigricant; eorum primi, deinde ultimi, tūm

tum secundi, postremò tertii, alii alias longitudine superant.

Alvus figurâ plenâ & compactili; suprà exornatur nigerrimâ quâdam picturâ foliaceâ, quasi denticulatâ; siquidem versus anum sunt quædam lunatæ lineolæ, quarum quæ superior proximè inferiori gradatim minuitur.

Maio exeunte, id genus araneos aliquammultos inter *LOCUS.*  
genistam spinosam inveni: mares quoq; unâ cum foeminis  
etiamnum aderant, tumidis corniculis insigniti.

Circa summos Genistæ spinosæ surculos reticula conglobata tendit. *Retia.*

Ibidémq; quoq; nidificat: 4 die Junii aliquot folliculos paucis ovis repletos in singulis nidis inveni: iidem autem Folliculi sunt exigui, figurâ lenticulari, ex materia linteoformi sive membranacea confecti; iis color ex viridi subcæruleus. *Ova.* *Folliculi.*

### MEMBRUM III.

*De Araneis Telas linteoformes texentibus; nimirum reticulorum filis densè inter se contextis in modum Veli sive Panniculi.*

#### CAP. I.

*De Araneis Telarum authoribus in genere.*

A Ranei linteri Telas ad nostrum artificium haud-  
quam componunt; quamvis eorum opera ejus speciem quandam præ se ferant. Antiqui quidem voluerunt nos ab hisce animalibus similia opificia eductos fuisse,

I

&amp;

& ad nostros usus per imitationem transtulisse; sed hæ Fabulae sunt! hic certè nulla est silorum elegans & ordinata contextura, nisi quam casus dederit; siquidem in horum araneorum operibus nihil minus notetur, quâm stamen tramæq;: sed illud quoq; à veritate nimium alienum est, quod sint confecta sine filis transversim actis, ex artissimâ quadam villorum in longum continuitate, ut Mouscus creditit.

Alii autem spissam, alii tenuiorem Telam pro cujusq; natura & usu conficiunt: omnes tamen eam in hunc ferè modum, quantum nobis adhuc observare licuit. Primum ab his fila horsum atq; illorsum temerè deducuntur, idem spatium semel atq; iterum omni ex parte percurrendo, imum anum subinde admovendo, sigilli velut usu ad ea firmando intérq; se adglutinanda; donec à simplicium filorum in eodem ferè plano deductorum multitudine, illud plenè occuparunt, ac si quoddam velum eslet expansum.

Est etiam in quo hi commune artificium ad venationem cum proximè superioribus ostentant: nam præter Telam sive Velum expansum, sunt etiam plurima simplicia fila desuper prætensa, inq; quasdam quasi maculas disposita; ut sunt in Navibus ab antenna malisq; Funes: ad hæc ferè primò muscæ impingunt, deinde in ipsas Telas præcipitantur.

Hujus verò generis araneorum hæ sunt notæ characteristicæ. 1. Habere quasdam circiter quatuor Appendices, ab anno prodeentes, mobiles & flexibiles Textrinæ apprime accommodatas; quarum quod duæ superiores ferè reliquis longiores sunt & valde conspicuæ, bifurcatâ caudâ insig-niri videntur. 2. Ex quatuor mediis oculis, qui duo ori propiores, minus inter se distant, quâm alteri bini superiores. 3. Duo postremi pedes totidem anteriores longitudine vel superant vel æquant. 4. Plerosq; esse pilosos.

C A P. II.

*De Araneis Linteariis in specie.*

*Hujus autem generis sunt alii, qui densam & spissam Telam conficiunt; ipsiſq; Telis, prope infundibulum, nidificant.*

---

T I T U L U S XVII.

*Araneus subflavus, hirsutus, prælongis pedibus, domesticus.*

I S ferè inter mediocres est.

Ei color subflavus, aut pallidè fuscus, maculosus, hirsutus.

*Descriptio.*

Humeri latiusculi, at paulo angustiores versus frontem. Ejus octoni oculi nigrlicant, & valdè conspicui sunt; quatuor medii in figurâ quadrangulâ inæqualiter inter se distant; siquidem qui ori propiores sunt, magis approxinquantur; reliqui verò per paria utrinq; disponuntur, & conjunctiores inter se sunt.

Ex pedibus ultimi longissimi; post hos primi; tūm secundi; brevissimi tertii.

Alvus ei plena, ferè æquali crassitie; suprà dupli subflavarum macularum serie insignitur, item huic ibidem quædam obscuræ lineolæ ad angulos acutos concurrunt.

Appendices ab ano conspicuæ, more hujus generis singulorum.

Vetustate fiunt facilè omnium multò grandiores; ut araneorum monstra videantur; at id non ab alvi incre-

mento, quæ ferè etiam in his modicæ aut minoris magnitudinis est ; sed in summâ pedum & crassitie & longitudine & hirsutie. Hi verò rarissimè occurunt. In superioribus aliquibus (vide T. T. I. 3.) similis observatio exposta est.

locus.

Is autem araneus in ædificiis squalidis nimium frequens est ; in sylvis quoq; à me aliquoties inventus est.

Sub initium Junii in iisdem Telis marem unà cum fœminâ adfuisse notavi ; his animi causâ muscas injeci ; è quibus una à fœminâ, altera à mare arrepta est.

Ova.

Julio exeunte, nidificat in medio linteo prope infundibulum ; quo loco perpetuò se continet ad prædandum ; ipsis autem ovis superinjicitur altera tela nivea, ac si ea intra Telas intertexta fuissent.

Ipsa autem ova albida sunt ; minimèq; inter se cohærent ; sed, aperto folliculo, diffluunt.

## TITULUS XVIII.

*Araneus cinereus, maximus, ani appendicibus insigniter prominentibus.*

Descriptio.

**S**i in maximis araneis numerandus est.

Ei color cinereus aut sublividus.

Humeri fusci, crassi, in medio paululùm fastigiati.

Oculi ita ordinantur ; nimirùm quatuor in figurâ quadrangulâ, reliqui verò quatuor utrinq; per paria ; ad eorum sc. angulos ex quatuor mediis, qui ori propiores sunt & minus inter se distant.

Ei pedes crassi, longiusculi, spinulis hirsuti, maculosi ; idémq; de corniculis dictum sit. Ex pedibus primi & ultimi ferè æquali sunt inter se longitudine ; tūm secundi ; tertii brevissimi.

Tela ex atro rubent.

Alvus.

Alvus sublivida plena admodum, productior; à pectore paululùm declivis sive acuminatior versus anum; suprà utrinq; circiter senæ lineolæ subalbidæ, ad obtusos angulos coëuntes.

Venter fuscus, planus.

Ab ano eminent ex appendicibus maximè duæ velut altera cornicula; quas dum ingreditur, perpetuò motitat.

Mense Maio, caput humeriq; eorum, qui modicæ magnitudinis sunt, aut nondum adulti, colore subrufo in modum malij aurantii insigniuntur; item his alvus sublivida; neq; tamen reliqua ejus lineamenta-nimùm obscura sunt, quin facilè discerni possint.

Julio exēunte, mas unà cum fœmina in iisdem Telis re-<sup>Mas.</sup> perit: huic pedes multò longiores, extremāq; cornicula velut. quibusdam capitibus sive nodis turgent.

In Australibus Angliæ partibus hæ bestiolæ admodum <sup>Locis.</sup> frequentes; at in Septentrionalibus rariè occurruunt; inter genistam tamen spinosam etiam circa Eboracum & ali. bi eos multoties vidi.

Per hyemem se abscondunt, in parietum fissuris, aut <sup>Hyberna.</sup> sub cortice alicujus annosæ arboris, Telis spissis involuti.

A solstitio autem æstivo hos in vepribus & dumetis invenire licet: ubi Telas omnium amplissimas pandit; illud <sup>Tela.</sup> verò perpetuò curat, ut sit retrò cellula, sive patulum foramen in fundo Telæ, quæ se celeriter recipiat, aut ubi tutò habitet, prædæq; capiendæ invigilet. Illud insuper in his Telis maximè notabile est, multa simplicia fila, velut navis apparatus, funes quod spectat, ab incredibili aliquando altitudine (modò id propter loca opportunum sit) rectâ deorsum super linteum cadunt, & transversim etiam deducuntur; in hæc verò si musæ offendant, in lintei sinum subter positi præcipitantur.

His vel maximæ Apes prædæ sunt; at Formicis majori-<sup>Vidius.</sup> bus vehementer delectantur; adeóq; juxta earum collis

culos ferè telas præpandunt: an fortè ideò aciditatis id genus animalium participant, aut aliâ quavis proprietate excellant. In infundibulis certè ingens copia muscarum a- liorūmq; insectorum occisorum.

A Calendis Sextilibus, non longè ab infundibulo, Folliculum observavi, ipsis Telis intertextum; in hoc verò plurima Ova albida (sexaginta ipse numeravi;) sed omnium cuiuscunq; speciei araneorum, hactenus mihi visorum, maxima.

*Ova.* Ex his fœminam gravidam, vitro inclusam diu servavi; subinde muscas, scarabæos, aliquando etiam sui generis araneos aliósq; majusculos victui subministrando; quos omnes illa mox acriter aggressa est, ac suo more sugendo, artusq; diripiendo depasta est. Post mensem verò exactum ova peperit, eaq; in medio vitro suspensa miris telis involvit; ipse autem Folliculus *stellæ* in modum formatus est; ipsumq; præterea vitrum satis amplum aliis filis, velut fumo implevit; in quo tamen vias, & itinera, plurimásq; quasi concamerationes reliquisset, quibus liberum sibi aditum ad folliculum aperuisset. Post diem verò à partu vigesimum, circiter Cal. Septembres, quòd ne adhuc quidem ullam mutationem trans vitrum in ovis observare potuisse, ut in aliis similibus experimentis didiceram, folliculi è vitro eximere & aperire volui; ut si fortè ipsæ telæ aut quid aliud Araneolorum nascentium exitum impedirent, notarem. Ecce autem ova jam tūm integra inveni; imò ita ut planè nihil inerat in illis ovis & microscopio examinatis, præter sui similem materiam prorsus immutatam, & talem qualem ab initio eorum partū. Propter assiduam verò fovendi curam, atq; ipsius matris & multo ante partum & post eum summam alacritatem, quòd omnes muscas victui oblatas munc ut ante partum acriter interficeret, ac liguriret, in animum inducere vix possem, illa Ova irrita aut subventanea fuisse: suspicor tamen,

tamen, ut in usu est quarundam Papilionum ovis, diu, imò per totam hyemem integra manere, antequam ex iis fœtus edendus sit. Quæ verò ex his reliqua fuerunt ova, nam omnia non illisi, iterum vitro indidi, eaq; statim solitâ suâ curâ amplexa est mater, aliisq; novis telis diligenter involvit.

Medio autem Septembri plurimos hujusmodi folliculos, quos in vepribus inveni, aperire & excutere volui : in quibus singulis Ova similiter integra notavi.

Proximum verò experimentum iteravi ; aliámq; gravidam sub idem tempus anni vitro inclusi ; ab illa verò idem folliculus stellatus itidem confectus est ; in quo Ova etiam trans vitrum mihi satis visibilia, & à me diligenter observata sunt per totam hyemem : at eadem rerum facies usq; ad Februarium mensem ; quo tempore è folliculo egressi sunt Araneoli, versusq; vitri os ascendere ceperunt ; in hoc autem statu eos ad medium usq; Aprilē sine ullo victu servavi ; tandemq; è vitro excusso, sui juris feci.

Æstate autem admodum calidâ anni 1676 exeunte Augusto, horum folliculos aliquot aperui, in aliis ova integra reperi ; in aliis verò araneolos exclusos & coloris subrufi ; at Folliculi tunicæ adhuc integræ fuerunt.

## C A P. III.

*De Araneis rariori & tenui Texturâ Telam conficien-  
tibus ; & qui extra quidem, sed tamen juxta eam  
Nidificant.*

---

## T I T U L U S X I X.

*Araneus niger aut castaneus, glaber, clunibus summo  
candore in sterinctis.*

D scriptio.

I S verò modicæ magnitudinis est.  
Ei color nigricans.

Oculi ita ordinantur, ut quini tantum videri possint ; sed si quis eos diligentius microscopio examinaverit, ex quatuor mediis, qui proprius Tela sive animalis os, unicus videtur ; cum tamen planè duo sint : qui verò retrò supra frontem ponuntur, manifestò singulares sunt, & ex longiori intervallo situm habent ; item reliqui quatuor extrà positi, utrinq; ad angulos ipsius frontis ordinantur, parùmq; distant, quin potius proximè conjungantur.

Pedes longi, tenues, maculosi ; primi an ultimi longiores ? Post quos secundi ; tūm tertii brevissimi sunt.

Alvus ei plenior, orbiculatior, paulo declivior & acuminatior versus anum ; huic color castaneus ad nigredinem accedens, maximè in ventre & super clunes ; tamen ad alvi latera è candido variatur, idq; præcipue in gravidis conspicitur ; in quâ etiam pars alvi superior lineolis quibusdam candidis tūm maximè notabilibus distinguitur.

Ab ano appendices quædam extant.

Fœminis

Fœminis paulò ante partum alvus magis intumescit, a-deóq; inflextur, candidóq; nitore etiam foliaceo pulchrè distinguitur. Maribus vero gracilior & aliquanto pro-<sup>Mus.</sup> du&tor alvus, retusa, haud ullo candore distincta; pedes rufescentes; tela eorūmq; brachia valida; extrema cor-nicula tuberculis insignita.

Hic autem Araneus à primo Vere in sylvis frequens, ac <sup>Locis.</sup> si quis alter: item ubiq; per prata, & in fossis siccis herbi-difq;.

Omnium longè tenuissimam telam pandit; at latam; <sup>Tela.</sup> eámq; æqualiter expansam supra summam herbam, aut ad quereuum truncos: item hæc pertenuis Tela ex superiore parte instructa est innumeris filis simplicibus, in modum reticuli congregati intertextis; in quæ cùm offenderint nec opinantes Muscæ, in linteum præcipitantur.

Ipsius autem Telæ conficiendæ ratio, quod sæpiùs vidi, hæc est: nimirùm ab ano fila continenter remittit bestiola; eaq; quoquoversum temerè at ferè in eodem plano deducit; subinde fila priùs remissa ani apice leviter tangendo; quod ubicunq; fecerit, hæc novissima fila aliis firmiter adhærent. A medio Martio ad orientem solem hæc tu quoq; quotidie observare possis.

A primo Vere in pratis pascuisq; sunt innumeræ quædam exiguae telæ sive linteola, ita tenues raræq; ut de die penè visum, certè minùs diligentem effugiant: at summo manè ob nocturnum rorem valdè conspicuæ fiunt: hujus verò generis araneolorum Opera ea maximam partem fuisse exploratum habeo.

In his autem Telis nullum infundibulum aut Tubulus est: sed perpetuò se continet araneus subter telam, cœlum spectans; Muscas verò, quæ in telam incident, trans ipsam telam, quam suprà diximus esse rarissimam, sibi attrahit.

In sylvis squalidis vetustisq; uti sunt, quæ prope *Ascome* agri Eboracensis, ad quercuum Truncos innumeri id ge-

nus aranei telas suas pandunt. Junii verò medio juxta singulas telas singulos folliculos reperire licet.

*Folliculus.*

*Ova.*

Folliculus autem è laxioris & solutæ texturæ filis fit; ipsius autem folliculi filis demptis, Ova, quòd minimè inter se cohærent, disfluunt; ipsa autem intùs comprehensa non pauca sunt, ex flavo rufescentia.

Item in aliquibus duplicem partum notavi; unum sc. folliculum juxta alterum affixum; at eos inæquales; nempe ex uno araneoli editi, in altero ova nupèr parta. Ex his alias insuper fœminas, etiam ineunte mense Septembri gravescere, sèpè numerò vidi; marésq; tùm unà adfuisse in iisdem Telis. Item earundem folliculos autumnales, ut opinor, per totam hyemem reconditas esse in musco ad radices annosarum arborum.

Ad Cal. Novembres hujus speciei penè infinitam problem passim notavi, præcipuè filiorum ejaculatione & volatu mirè se exercentem. Illud quoq; addendum de his putavi; me animi causâ ex his, qui ex aëre descendebant, aliquot cepisse; qui quidem statim ac è manibus meis dimitterentur, altero protinus ejaculato filo, intrepidè aseensum rursus in aërem moliti sunt, atq; è conspectu meo longè evolavère.

Horum verò Araneolorum forma ab adultis eorumq; parentibus mirè abludit: his enim summa nigredo resplendens, exceptis pedibus, qui, uti diximus suprà in maribus, crocei. At ea fuligo, ut adoleverint, in castaneum transit, multóq; candore distinguitur. Item à corniculis tumidis etiam nunc mares minutili facilè dignoscendi. Rursus exeunte Martio ex iisdem Araneolis pusillos adniodum, haudquaquam auctiores quàm longè ante brumam, observavi; tùm hos etiam colorem ex atro-resplendentem servare, & pedes subcroceos habere.

TITULUS XX.

*Araneus fuligineus, & humerorum fastigio, & clunium  
picturâ candidâ, ad margines denticulatâ.*

**A**D mediocres accedit.

Ei color fuligineus.

Humeri parùm elevati, fastigio candido.

Oculi ob insignem capitis nigredinem difficilè discernendi ; eorum vero medii quatuor inæquali distantiâ disponuntur ; ut qui superiores duo magis, qui verò duo ori propiores minùs inter se distent ; reliqui quatuor conjunctim ferè ex utraq; parte bini.

Pedes non nimiùm breves, hirsuti, maculosi, sic ordinati ; ultimi omnium longissimi, deinde primi, tūm secundi, tertii brevissimi.

Alvus productior, ferè æqualiter crassa, an paulo plenior versus anum, subteres, suprà candidâ picturâ admodum insignitur ; cuius picturæ latiusculæ margines lineolis nigricantibus denticulantur.

Ab ano appendices conspicuæ.

In regione montosâ agri Eboracensis *Craven* dicti, nuf- Locus.  
quam non inter maceriam reperitur ; item in agro Lin-  
colnensi, & non raro circa hanc urbem in locis similibus  
illum inveni satìs frequentem.

Telam non nimiùm amplam, rarissimâ pertenuiq; tex- Tela.  
turâ, pandit : hujus autem medio est quoddam infundi-  
bulum sive Tubulus, è quo prædæ capiendæ causâ dili-  
genter invigilat.

Maio exeunte, mares, corniculis tumidis alvo strigosi-  
ore conspicui, unà cum fœminis adsunt in iisdem telis.

Fœminis paulò ante partum, cùm iis alvus nimiùm di-  
stenditur, pictura clunium minùs pulchra est.

Ova.

Junio mense ejus ova pallidula alicui lapidi affixa pone infundibulum facilè reperies ; ea autem candido Folliculo diligenter involvuntur.

---

## C A P. IV.

*De Araneis minus propriè dictis Telarum authoribus.*

---

## PRIVATIM

*De Araneo, qui intra speluncam Telam quidem sive infundibulum linteum conficit ; cui foras adnequit Reticulum è maculis in plano quidem dispositis, at inordinatis & rudibus.*

---

## TITULUS XXI.

*Araneus nigricans praegrandi maculâ nigrâ in summis clunibus, ceterum iisdem imis oblique virgatis : an speluncarius Monfeti ?*

Descriptio.

**H**I C majoribus annumerandus est. Ei color nigricans sive fuscus. Tela ex atro rubent.

Humeri crassi & in quoddam fastigium subrotundum eminent ; ipsum caput paulò planius est.

Oculi, è microscopio visi, coloris succini apparent : ita ordinantur, ex quatuor mediis qui duo supra frontem retrò positi, parvo intervallo inter se distant ; ori verò, qui duo propiores, multò magis ; alteri quatuor per conjugationes utrinq; disponuntur.

Pedes

Pedes crassi, maculosi, nec nimirum longi, quorum ultimi longissimi, an primi, tamen secundi, tertii brevissimi.

Alvis admodum plena, ad anum paulo crassior, quam à pectore: suprà proximè à pectore est nigra macula prægrandis ferè parallelogrammoides, circa quam maculam obscurè flavescit, infra eandem ex utraq; parte aliquot obliquæ virgulæ coëunt ad angulos obtusos.

Venter creberrimis maculis nigris infuscatur.

Ab ano breviores aliquot appendices.

Tota ferè bestiola molli lanugine contegitur.

Maribus verò pedes altero ferè tanto longiores sunt, *Mas.* quam fœminis.

In parietum fissuris per hyemem latet, candidis Telis involutus: item id genus Aranei summa altissimorum Temporum tecta, Turriūmve fastigia libenter scandunt; in ædificiis ubiq; frequens & alibi in rupium fissuris. *Locus.*

Est autem dubii aut mixti Operis auctor: etenim in fundibulum linteoforme primò textit; deinde huic reticulum adnectit, circumcirca ad parietes præpansum; illud verò è maculis inordinatis, in eodem tamen plano ferè dispositis. *Tela.*

Ipsa autem reticuli fila inæqualiter crassâ sunt; solito candidiora, ac si opaca essent; texturâ solutâ, instar serici nondum in filum torti.

18 die Junii ex his plurimos in maceria inveni, candidis *Folliculus.* Telis spissis involutos; intra quos tamen unà semper aderat Folliculus rariori texturâ, ova continens. Ipsa autem ova inter se soluta, albida, numero pauca; exigua *Ova.* magnitudine citra animalis proportionem: an plura edant partitis vicibus?

Item in aliquibus nidis Araneoli jam editi.

Ex his fœminam gravidam unà cum scolopendrâ majore rufâ, infestisq; telis armatâ, sub eodem vitro inclusi: illam verò aggressa est aranea, eamq; pluribus in locis morder-

do confecit ; vulnerib<sup>us</sup>q; adhærens suetu eam depasta est.

Huic araneo, dum in Reticuli vestibulo prædæ capiendæ invigilabat , majusculam muscam conjeci ; quam celeriter quidem arripuit, atq; unico morsu, quantum notare potui, occidit, ita ut temporis momento ex toto immobilis atq; emortua est.

Per hyemem maximè in tempestate pluviosâ prorepunt hi similésq; aranei domestici : illud verò in causâ esse pos sit, eorum cavernulas ruinosas, ubi eos latere diximus, contra vim tempestatis non satî tutas esse : ipsi autem ejus sœvitiam ex parte patiuntur, priùs quàm ex hybernis mi grant: aut cùm huic simile aliquid incidit, potiùs quàm nescio cui animalis præscientiæ referendum esse existimo.

## C A P. V.

*De Araneis linteariis, qui parvâ admodum Telâ ad prædandum contenti sunt ; intrâq; illam quoq; Nidificant.*

## T I T U L U S XXII.

*Araneus cinereus mollis sive lanuginosus, cui in alvo ob liquè virgata, macula latinæ nigricans.*

*Descriptio.*

I Nter mediocres numerari debet : ei color cinereus ; totus mollibus pilis lanuginéve con tegitur : tela rubent. Humeri eminent fastigiati.

Oculorum hæc est ratio ; nempe quatuor in mediâ fronte, quorum duo superiores satî longo intervallo di stant;

stant; duo verò inferiores ferè conjunguntur, an etiam paulo majores hi? deinde alii bini ex utraq; parte etiam conjunctim positi; at obliqué.

Pedes tenues, breves, non maculosi; quorum primi reliquos longitudine multùm excedunt, deinde ultimi, tūm secundi, tertii brevissimi.

Alvus plena, productior, ejúsq; media paulò tumidior; in superiore parte macula latiuscula è nigro rubens; at infra maculam aliquot obliquæ virgulæ ad obtusos angulos coēunt.

Longiores ab ano appendices tantisper ostendit bestiola, dum fila libenter ducit.

In sylvis & in vicinis pratis, alibiq; præcipue australi- *Locus.*  
bus Angliæ partibus, non nimirum rarus.

Per hyemem verò latitat subter annosarum arborum corticem.

Mediâ æstate & circa autumnum ex his fœminas plurimas inveni, in candidis Telis vel folliculo inclusas unà cum fætu, aut jam edito, aut adhuc in ovis. Hujusmodi autem Folliculi ferè in summis herbis proceris inveniuntur. Atq; eadem ratio & nidificandi & prædandi, quantum scio, est.

## T I T U L U S XXIII.

*Araneus plerunq; lividus, non raro tamen subflavus,  
sine ullâ picturâ.*

**I**S autem ferè modicæ magnitudinis est; et si ex iis sint, *Descriptio.*  
qui inter majores numerari debent.

Ei color sublividus, qualis in muribus domesticis; mo-  
dò subflavus, aut subrufus; ejus tamén color, quicunq;  
sit, nullâ picturâ aut maculâ variatur, sed ex toto sui si-  
milis est. *Brevissimis.*

Brevissimis densissimisq; pilis mollibus contegitur, non sine quodam splendore.

Eius Tela nigerrima, admodum crassa validaq; ; adeoq; ejus morsus pertimescendus, quod vehementer noxius esse possit.

Humeri lati & paululum gibbi.

Octoni oculi æquali magnitudine sunt, sicq; ordinantur ; quatuor medii inæqualiter distant ; ut superiores propiores inter se sint, inferiores ex intervallo majori : reliqui quatuor utrinq; bini disponuntur conjunctim feré.

Pedes longè omnium crassissimi sunt, nec nimirum breves ; eorum primi, secundi, ultimiq; longitudinem quod spectat, non multum inter se differunt : neq; verò tertii addèo breves sunt, ut in reliquis araneis. Illud semel notavi, è primis pedibus dextrum & multo tenuiorem & suo compari breviorem ; an id fortè per accidens ?

Alvus productior, paululum acuminata, unicolor ; ab ano appendices quidem, sed non nimirum extantes.

In ruderibus & dumetis frequens ; item in ædificiorum parietibus non rarus.

Candidis Telis inclusi per hyemem latent, maximè ubi alicujus annosæ arboris cortex malè adhæret.

Ex his aliquot thecā stanneā inclusoram, eosq; singulos postridie singulis folliculis involutos notavi.

Humor, qui ab acūs punciturā ex eorum corpore profluit, pellucidus est, & dilutus admodum videtur ; tamen paucis momentis exsiccatur, & fit fragilis velut quoddam gluten.

Exeunte Junio ex his foeminam inveni subter coryli corticem latentem, amplisq; telis inclusam : quibus demptis, in aliis interioribus telis Folliculum adverti, multis ovis ferè candidis sive niveis refertum.

Ipsa autem Ova majuscula & numerosa fuerunt ; aperto folliculo, quod minimè inter se cohærebant, diffluxerunt.

Sub

*Locus.*

*Ova.*

Sub idem tempus eundem Folliculum subter alicujus arboris folii partem pronam affixum observavi; aliisq; telis cooperatum; intra quas ipse etiam araneus latuit.

Item ad Calendas Quintiles in summis herbis proceri-<sup>venatio.</sup> oribus plures hujus generis araneos fœminas intra suas te-  
las inveni: ubi etiam numerosus fatus: præter linteam  
verò alia etiam fila simplicia in quasdam quasi maculas cir-  
cumcirca disponere solet. Ut & venandi & nidificandi  
eadem ferè ratio fit.

Hunc Araneum in ædibus nostris sæpè Erronem vidi;  
illudq; adeò non silendum duxi, me alterius cuiusdam a-  
ranei ova fortè in mensa negligenter reliquisse: quæ mox  
ex his erronibus aliquis avidè corripuit, dimidiúmq; folli-  
culum in paucis horis depastus est; imò verò postea, ut  
rem certius explorarem, folliculi semiesi reliquum in ean-  
dem mensam de industria remisi, eundémq; helluonem  
sub noctem reversum, & folliculum rursus ligurientem de-  
prehendi.

## C A P. VI.

*De Araneo linteario anomalo, sive sui generis, an senoculo?*

---

## T I T U L U S XXIV.

*Araneus subflavus, alvo quasi cylindraceâ maculis quadratis insignitâ; item cui ad alvi latera singulæ obliquæ virgulæ flavescentes.*

F S T animal lanuginosum; & è majoribus araneis.  
Ei color subflavus aut paulò fuscior.

Humeri subfuscii.

Tela nigricant.

Illud planè singulare, si verum, huic non amplius sex Oculos datos esse; sed me vitrum meum fortasse fecerit. Ita autem, quos discernere licet, disponuntur; nempe in mediâ fronte bini ex intervallo, & ex utraq; parte alii bini ferè conjunctim: atq; ii, qui in mediâ fronte, paullum minutiiores mihi visi sunt, quam reliqui extimi. Sed hæc curiosius exploranda.

Pedes crassi, non nimirum longi, maculosi.

Alvus productior, ferè cylindracea sive teres, obtusa, plena; in superiore alvi parte est quædam quadratarum macularum series, catenæ in modum dispositarum; ædемq; nigricant, at si soli obvertantur, purpurascunt; tota præterea alvus crebris punctulis fuscis conspergitur; item ad alvi latera utrinq; sunt singulæ obliquæ lineolæ flavescentes.

Mares corniculis tumidis insigniuntur.

In australibus Angliae partibus subter annosarum arborum corticem, item in parietibus admodum frequens: apud nos verò in septentrione rarissimè occurunt; tamen ex iis paucos inveni in maceriis regiunculæ montosæ *Crazen* dictæ.

Per hyemem in candidis Telis latent.

Ad Calendas Junias ex his fœminam in maceriam inveni, Telis inclusam unam cum fætu numeroso.

---

## SECTIO II.

*De Araneis Venatoriis, sc. qui aperto Marte muscas insectantur, nullo artificio vel reticuli vel Telæ adhibito.*

---

### CAP. I.

*De Araneis Venatoriis in genere.*

Hactenus araneos retium textores, cujuscunq; illi generis fuerint, exposuimus: in alterâ verò sectione ea araneorum genera proponam, qui, cùm aliâ possint, neutiquam tamen prædandi causâ texunt. Etenim, dum ova Folliculis diligenter includunt, ea fætus cura est: deinde ex iis plerosq; per hyemem in elegantissimis sui artificii telis latitâsse ipse deprehendi; adde quod idem lacerfici, de ventre fila remittunt; atq; ea sui cura est, ut injurias evadant. Ipsumq; idem deniq; tum libentissimè factitant, ubi serenissimis illis diebus autumnalibus mirificâ filorum ejaculatione, & in aëre ventione vehementer oblectantur; quam tamen exercitationem, muscas capien-

di causâ fieri suspicari fas est. Hi autem omnes Venatorii à me appellantur, quod prædam insectantur, non expectant. Ut autem in genera inferiora eos diducerem, singulorum notas communes & convenientias primò percurram.

---

## C A P. II.

*De Araneis Lupi dictis in genere.*

**D**E Luporum autem nomine minùs contendo, an proximè describendis solis conveniat, aut etiam aliis quibuslibet araneis acriter prædam insectantibus, quæ fortè hujus appellationis ratio fuit apud antiquos. Ut verò aliquibus nostris bestiolis illud nomen aptetur, eorum notas characteristicas breviter enarrabo.

1. Oculis quatuor magnis & totidem exiguis donari.
  2. Habere pedes postremos omnium longissimos.
  3. Idq; ob singularem partis vecturam, qui, dum in ovis, ano adhæret Folliculo inclusus; ubi autem araneoli edantur, ii matris dorsum ascendunt, à quâ sic circumferuntur universi.
  4. Per terram venantur, rarōq; vel arbusculos scandunt, nisi id fortè inter volandum accidat.
-

C A P. III.

*De Araneis Lupis in Specie.*

TITULUS XXV.

*Araneus niger.*

I Nter mediocres numerandus est.

*Descriptio.*

Tam mari quam foeminæ color nigerrimus.

Ei caput exiguum, acuminatum.

Oculi ita ordinantur ; ori quatuor propiores, exigui sunt, pérq; paria terè conjunctim positi ; paulò retrò in ipsâ fronte alii duo, longè omnium maximi, magisq; inter se distantes ; adhuc magis retrò versus humeros alii duo etiam majusculi, ex longiore intervallo.

Pedes pulchrè maculosi ; idq; maximè conspicuum, si aquâ demittantur ; eorum a. hæc est mensura, ultimi reliquis multò longiores, tūm primi, deinde secundi, postremò tertii ; sed inter hos vix aliquis notabilis excessus est.

Alvus plena, subteres, versus anum paulò crassior ; ejus pars superior maculis nigris in dupli ci serie exornatur.

In sylvis admodum frequens est, & alibi in dumetis & *Locus.* pascuis.

Ad rivulorum ripas sub initium Maii mares vidi foeminas ad venerem excitantes ; illas infectando, suāsq; anten- nas tremulo quodam motu vibrando ; contrà foeminæ ma- res propellebant.

Ipsos etiam rivulos haud invitè transnatant, certè vel leviter propulsi.

Exeunte Maio, singulorum araneorum ano adhærent singuli folliculi; sc. eorum unusquisq; ad magnitudinem piperis grani; parùm depresso; ferè subcyleneus, aliquando subflavus; membranaceus sive texturæ densæ telæ instar linteæ.

*ova.* Ipsa autem ova subrufa; numero circiter viginti in singulis folliculis.

Dum ova circumvehit mater, valdè strigosa est.

7 Junii fortè tūm primūm è millenis unum araneolos suos supra dorsum vehentem vidi; reliqui autem in folliculo suos adhuc sub ano fovebant circumferebantq;.

Inter approbata remedia D. *Mathæi Lister* Equitis aurati, proavi mei plurimūm honorandi, illud invenio, quod sine invidia communicandum putavi; nimirūm aquam stillatitiam ex araneis nigris optimè vulnera sanare; idq; fuisse ex secretis D. *Gualteri Rawley*, fortissimi viri.

## TITULUS XXVI.

*Aranus fuscus, alvo obliquè virgatâ.*

*Descriptio.*

**M**Ediocribus annumerandus est; at interdum reperiuntur ex his quidam subcinerei, qui vulgarem magnitudinem facilè excedunt.

Ei color fuscus; tela caputq; nigra, & incanâ lanugine conspersa.

Prope os quatuor exigui ocelli, sine microscopio vix discernendi: super hos alii duo prægrandes; post illos paulò retrò ad humerorum fastigium alii duo majusculi.

Pedes luci objecti crebris maculis distinguuntur; hirsuti; quorum ultimi, ob commodam partūs vecturam, omnium facilè longissimi; reliqui à primis incipiens, suo quiq; ordine sequuntur tam longitudine quàm numero.

Alvus

Alvus plena, productior, subteres, paululum acuminata.

Hujus generis araneorum est infinita passim vis, per terram in campis currentes & alibi. Locis.

Per hyemem verò sub terram in dumetis latent.

Exeunte Maio singulis araneis singulos Folliculos, ano Folliculus. subter appenos, observare licet. Ejus verò color ferè subcæruleus, interdùm subflavus ; orbiculatus, aliquantulum depresso ; ad magnitudinem grani piperis ; membranaceus.

Sub initium aut medium Julii Folliculus per medium dehiscit, exeuntq; araneoli ; ipsi mox matris dorsum ascendunt, eósq; ipsa super clunes humerósq; secum gestare gaudet, foveat, nutrit, i. de suâ prædâ alit ; jucundissimum planè spectaculum !

Folliculum, ovorum involucrum, si subter adimere tentabis, eum bestiolæ ventri fili ope ab ano remissi firmiter adligatum invenies, at quo nodo inquies? respondeo ubicunq; araneus anum demiserit, ibi filum necessariò figit, ac si cui digitus visco inficeretur ; quippe ea vel ipsius fili recenter emissi, vel cuiusdam humoris unà cum filo exeuntis natura est.

Folliculum ab ano duce leviter sic, ut ex facili subsequatur ; cave rumpas ; ita in miram longitudinem filum protrahes : protinus verò ac manum dimiseris, illud rursus intùs reducere potens est ipsa mater. Quæ sanè interna velut Glomeratio sive suctio est æquè admirabilis proprietas, atq; illa altera fila ejaculandi ; in quo certè hæc species magnopere delectatur.

Etenim ad medium Octobrem in agro Cantabrigiensi, Filorum ejac latio. cùm Croci flores colligunt, summâ serenitate, ut ibidem illis diebus aliquando accidit, supra fidem est quantam multitudinem horum præter alia araneorum genera adverti in aëre velificantium. Hæc interim mihi de hâc remaxime notabilia occurrabant; eos interdum singulari aliquo

liquo filo contentos, interdum plurima simplicia fila, velut totidem micantes radios ad cometæ caudam ejaculatos fuisse: deinde hæc eadem fila proximè ab ejaculatione purpureo quodam splendore mirum in modum micâsse: neq; illud silendum putavi, hos araneos, cùm singularibus filis ejaculandis sese exerceant, ea modò abrumpere; modò in exiguo glomerulos niveos recolligere, prioribus sc. pedibus super capita celeriter circumactis; modò se committere leni auræ, ascensumq; in aërem pérq; summas nubes moliri. Illud verissimum est, eos, etiam super celsissimam Turrem aliquoties de industria à me contemplatos, longè tamen extra conspectum meum evectos fuisse. Postremò in istis longissimis filis aëreis, jam in funes crassiores, sed inæquales implicatis, idq; à longis in aëre ventionibus, muscas casu an de industria irretitas me non semel notâsse memini.

## TITULUS XXVII.

*Araneus flavus unicolor, alvo productiori acuminata.*

*Descriptio.*

**H**ÆC ingens bestiola est, certè maximus sui generis araneus.

Ei color subflavus, idémq; per omnia membra.

Humeri ampli, in fastigium eminentes; quod lineola subalbida ex pilis sive lanugine griseâ per longitudinem distinguit.

Oculi octoni ita ordinantur; quatuor exigiui ori propiores; paulò retrò duo maximi ex intervallo; adhuc paulò ob ore remotius versus humeros alii duo, proximis duobus paulò minores, at ex longiore intervallo distantes.

Pedes ingentes, crassi, productiores; horum ultimi omnium longissimi, tūm primi, dein secundi, tertii brevissimi.

Alvus

Alvus prælonga, subteres, à pectori aliquantulum plenior, deinceps paulatim in acumen desinens; unicolor, nullaque picturâ, aut certè valde obscurâ, distincta.

Tota bestiola pilis contegitur brevibus, densis, molibus.

Mari extrema cornicula quasi nodis sive capitulis quibusdam turgent: item ei super alvum ex duplice serie ciceriter sex haud exiguae maculae nigerrimae; cæterum ei idem subflavus color, qui in fœminâ suprà dictus est.

Ex his unam, Maio exeunte, cepi, quæ facile omnes nostros araneos magnitudine excederet. In dumetis & <sup>Lucus</sup> pribus venatur. In australibus Angliae partibus frequens; at multo rarer apud nos circa Eboracum; neque uspiam in montosis regionibus illius agri vel semel à me inventus est.

Junio mense Folliculum, pectori affixum, secum gestat; eam Nidificare nondum observavi. Folliculi figura sphærica; piperis quovis grano duplo major; color subalbidus; velamentum sive tunica, quâ ova, haud parva, includuntur, membranacea est.

Ex his marem ingentem bestiolam, at nullis maculis, ut suprà notavimus, distinctam, fossas quasdam in paludibus juxta *Doncaster* trajicientem vidi: in alterâ verò ripâ eum expectavi; at ipse mihi propior factus libenter se intra aquam profundè demisit; juncum amplexus, ut difficulter sanè eum expiscari potui, adeò de junco in juncum per aquæ fundum celeriter transiliit.

## TITULUS XXVIII.

*Araneus sublividus, alvo undatim pictâ, productiorâ, acuminatâ.*

riptio.

**H**I C inter maiores araneos numerandus est.  
Ei color sublividus, qualis in mure domestico.

Oculos, humeros, pedes quod spectat per omnia similes  
habet, atq; in proximè superiori positum est. Eadem e-  
tiam alvi figura ; at color diversus, ut suprà in Titulo  
diximus. Item supra clunes est quædam pictura foliacea,  
ad margines undatim circumscripta.

Atq; eadem pilorum ratio.

Mari eadem notæ atq; fœminæ : illi præterea extrema  
cornicula turgent, magisq; rufescunt ; at eadem clunium  
pictura.

In australibus Angliae partibus frequens, at multo rarior  
versus septentrionem.

Circa initium Junii in dumetis & pratis nidificat : huic  
Nidus linteiformis ex telâ sc. tenuiori, in modum cassidis  
aut campanulæ : ferè intra hunc se continet mater, sub  
pectore Folliculum continuò gestans.

Folliculo color subalbidus ; membranaceus ; ferè sphæ-  
ricus ; duplo major piperis grano. Cùm exit mater ad  
venandum, folliculum suum in nido minimè relinquit, sed  
secum assiduè cum circumfert : at rarò longè à nidi vesti-  
bulo progreditur.

Ex his pulli tempore autumnali, aut luteo, aut subcro-  
ceo colore, interdum etiam flammeo ad alvi latera illu-  
strantur : hi verò sub idem tempus in primis volucres sunt,  
& ingentium filorum aëreorum authores.

In collibus arenosis ad ostium Fluminis Tees unam &  
alteram

alteram fortasse speciem Luporum à me nondum descrip-  
torum vidi : nec nunc per otium eos rursus investigare  
licebit.

---

## C A P. IV.

*De Araneis Cancriformibus, minùs propriè Lupi di-  
cendis.*

*Illorum autem hæ sunt notæ characteristicae. 1. Habere  
pedes posteriores omnium brevissimos, aut certè qui  
pedes tertios longitudine non multū excedant.*

---

## T I T U L U S XXIX.

*Araneus subfuscus, minutissimis oculis è violâ purpura-  
scentibus, tardipes, & gressu & figurâ cancro marino  
non adeò dissimilis.*

**E**S T mediæ magnitudinis bestiola.

Ei color ferè subfuscus ; nam aliàs ex his rufescen-  
tes observavi, & albidos, interdum pallidè luteos aut sub-  
virides in modum corticis pomi citri ; illaq; omissis varie-  
tas à cuticulâ fortasse noviter exutâ orta est.

*Descriptio.*

Humeri breves, plani sive depresso.

Oculi perexigui, ita ordinantur ; nimirum in mediâ  
fronte sunt duo, quibus alii duo, paulò retrò versus hu-  
meros positi, respondent : ad frontis latera quatuor tuber-  
cula eminent, in quibus singulis sunt singuli ocelli ; hi  
verò omnes diligenter intuenti è flammâ sive quâdam pur-  
purâ micant.

Pedes crassiusculi, præcipuè priores quatuor, totidémq; posterioribus hi ferè altero tanto longiores : Et quemadmodum hi ità & illi inter se propè æquali longitudine sunt.

Alvus depressa, lata, à pectore gracilis, subinde plurimùm incremente ad instar ampullæ, at eâ ferè figurâ quâ cancer marinus vulgaris, aut maximè quâ plantæ, bursæ pastoris dictæ, siliquæ sunt ; tamen alvus non adeò obtusa est, quin ipse anus in quoddam acumen subitò præminentat.

In ventre crebræ rugæ, in modum circuli implicatae, velut cuticulæ plicæ in extremis nostris digitis.

Præterea est bestiola ex toto glabra.

Rependi autem modus canero marino vulgari similis est ; nam etsi rectâ aliquando progreditur, tamen liberter vel dextrorum vel sinistrorum, aut etiam retrorum repit.

*LXXX.* In australibus Angliae partibus est frequentissima bestiola ; certè à Cal. Martiis illos passim in aggeribus apricis & dumetis reperire licet. At raro apud nos in Septentrione occurrit.

Junio mense alvus Ovis multam distenditur ; atq; ipsis araneis tamen præcipuè color subfuscus, ut suprà dictum est.

Sexto Junii ex his unam Folliculo suo tenaciter adhærentem adverti ; ipse autem folliculus summo *Genistæ spinosæ* surculo intertextus est ; hunc surculum decerpsti, illūmq; unâ cum araneo thecâ ligneâ inclusi ; neq; tamen abscedere voluit araneus, sed folliculum pectore usq; levavit.

*Folliculus.* Folliculi aatem figura rotunda, depresso admodum, lata ; ipsa autem ejus tunica velut membranacea, è telâ sc. densâ, niveâ. Ova benè multa continet, exigua, pallide carnea. Tunicâ resessâ, ova, quod minimè inter se cohaerent, disfluunt.

*Ova.*

Sui

Sui verò artificii præter folliculum vel telas vel alius alterius generis reticula mihi nunquam adhuc videre contigit : tamen summas arbores facilè scandit, filoq; è ventre remisso rursus se in terram demittit. Certè egregius funambulus est, & mirifice filorum ejaculatione delectatur: neq; solum in aëre, uti superiores, vehitur ; sed ipse etiam ascensum velificationemq; molitur, pedibus sarcinis ad se invicem applicatis sese quodammodo librat, cursum promovet regitq; nihilo feciùs quàm si illi essent à naturâ concessæ alæ vel remorum ordines.

Operæ pretium esset de ejus morsu periculum facere in sanguineis animalibus ; nam mihi perniciosissima bestiola videtur ; certè animus meus abhorret ab insolenti ejus gressu & figurâ, utpote nova ac prorsus aliena à cæteris araneis. At centies in manus meas receptus, semper eatenus illum innocuum expertus sum.

## TITULUS XXX..

*Araneus parvus, subrufus velut inauratus, ipsâ alvo apice infuscata, levipes.*

**I**N minimis numerandus est.

Ei color subfuscus, si tamen eum soli aut flammæ obvertas, velut inauratus.

Humeri parvi, rotundi, paululum gibbi.

Octoni oculi nigri, sic ordinantur ; nimrūm, in ipsâ fronte quatuor, velut circuli curvaturâ positi ; tūm paulò retrò alii duo ex intervallo ; post eos totidem alii, omnium longè maximi. Hæc autem oculorum ratio est, quæ tamen sine Microscopio non benè discernitur.

Pedes per pallidi, hirsuti, maculosi, fatis crassi, non nimrūm longi ; quod verò ad longitudinis excessum attinet,

sic concipiendum est; sc. secundos esse longissimos; tūm qui primi sunt, post illos tertii, ultimi omnium brevissimi sunt.

Tela exigua rufescunt.

Alvi figura valdē depressa, latiuscula, proximè à pectori paulò angustior, dein multo plenior; ferè subrotunda, nisi quod ipse anus in acutum paululùm prominat: alvi superior pars foliacea quādam picturā velut auro interstinctā adumbratur; ipse verò ani apex infuscatur.

Per hyemem in veteribus avicularum nidis, aut ubi arida folia similiāq; in sepibus congesta sint, frequens latitat: per æstatem verò in dumetis & vepribus prædam insectatur. In septentrione Angliæ rarer est.

Sub initium Junii ex his aliquot, folliculis niveis adhærentes, observavi; ipsi autem folliculi erant angulares, stellæ in modum, valdē depresso, Genistæ spinosæ surculis intertexti & affixi.

Citissimè currit, & è ventre inter currendum filum remittit; item circa autumnum eum fila ejaculantem səpiùs notavi.

In reticulis Orbiculatis suprà descriptis hos araneos inter cæteram prædam suspensos aliquoties vidi.

## C A P. V.

### *De Araneis Phalangia dictis in genere.*

**H**ujus autem generis Araneorum nota characteristicā una est, assultim ingredi, Pulicum more; quæ sola nota evincere satís est, nostras bestiolas esse de Phalangiorum genere à Plinio aliisq; antiquis scriptoribus commemoratorum; an verò horum sint noxiī morsus similiter atq; illorum,

illorum, nondum mihi certò exploratum est. 2. Altera est habere frontem veluti quadratam; 3. Octonus Oculos inæquali magnitudine, & in dimidii velut circuli curvaturâ dispositos. 4. Pedes priores & longiores & valdiiores cæteris, ad assidui saltus commoditatem.

A proximè superioribus Lupis in his præter alia differunt. 1. Quod his frons lata est. 2. Quod Oculi majusculi in his Ori propiores sunt, minorésq; versus humeros; cùm in illis contrarium positum observent.

---

## C A P. VI.

### *De Araneis Phalangiis in specie.*

---

## TITULUS XXXI.

*Araneus cinereus, alvo circiter senis fasciis transversis,  
in angulos acutos in medio erectis, argenteis & ni-  
gris alternatim dispositis insignitâ.*

I Nter mediocres numerandus est.

*Descriptio.*

Ei color niger argenteo interstinctus.

Humeri plani sive depresso, ferè quadrati; ipsa frons lata.

Octoni oculi nigri, ex dimidio ferè circulo secundum frontem humerōsq; sic ordinantur: duo sc. medii cæteros magnitudine multū superant; juxta eos alii duo minutiores sunt; paulò retrò alii duo per exigui ex intervallo longiore; post hos ultimum par oculorum secundis ferè æquales; at ii omnium maximè inter se distant. Neq; id microscopio quidem facilè discernendum est, antequam bestiolæ

bestiolæ caput humerōsq; ad totalem pilorum consumptiōnem flammā ustulaveris.

Pedes breves, hirsuti, maculosi ; quorum priores reliquis paulò & longiores & crassiores sunt, ad commodiorem saltum puta.

Alvus subteres, acuminata ; superiore ejus parte sunt circiter tres lineolæ sive fasciæ argenteæ, latiusculæ, ad angulos obtusos coēuntes : istæ autem fasciæ interstitiis nigris distinguuntur, nisi ubi argentei pili id variant ; quibus etiam brevioribus & mollibus bestiola ex toto contegitur.

Huic quædam Varietas secundūm ætatem aut cuticulam proximè exutam : idq; summopere monere volui ; ne incauti has varietates pro distinctis speciebus aliquando habeant.

In veteribus ædificiorum nostrorum parietibus ; item in sylvis frequentissimus est ubiq; per Angliam.

In postremis pedibus se erigere solet ; caputq; attollen-do, loca, in quæ mox insiliat, undiq; respicit : assultim ingreditur, paucissimisq; passibus interpositis, haud secùs quam Pulices saliunt.

Lacessitus è ventre fila remittit ; atq; adversus hyemis sævitiam sibi involucrum è spissâ telâ linteoformi contexit ; in quâ ad medium Februarium latet inclusus ; subq; id tempus venatum prodit.

Inter cæteras muscas omnigeni culices maximè ei arri-dent : ejus autem venationis modum elegantissimis verisimisq; verbis enarravit *Cl. Evelinus* noster apud Doctissimum Hookium, Micrographiæ dictæ Observ. 48.

Quòd verò idem *Clar. Hookius* affirmare videtur, huic tantum senos esse Oculos, aliisq; araneis dari plures octo, alii diligentius videant. Evidenter me in omnino nullos araneos adhuc incidisse, quibus darentur plures aut pauciores octo, modò qui sint secundæ Partis inferiùs describendi, eo numero excipientur. Illud verissimum

mum est, quod in aliis alium positum, atq; ordinem habent oculi ; imò verò & in multis inæquali sunt magnitudine ; sed de his reliquisq; oculorum accidentibus aliàs egimus.

Circa Aprilem primæ sectionis aliquos araneolos ex his unum cepisse deprehendi : quo manifestum fit, araneos libenter & cùm sui juris sunt ipsos araneos insectari ; & non tantùm iracundiae vindictæve causa, cùm simul custodiuntur eodem vitro, ut suprà expositum est.

Hujus aranei corpus chartæ illisum illinitumq;, supérq; lixivium distillatum, colore subpurpureo eam inficit.

Hujus generis Araneolos, papaveris semina non multùm superantes, circa Augustum mensem observavi.

---

## TITULUS XXXII.

*Araneus ex ruso subfuscus, super clunes præter duas maculas albas, foliaceâ quâdam picturâ, obscurè licet delineatâ insignitus.*

 IC autem araneus proximè superiori paulò minor *descriptio.* est.

Ei color fuscus ad nigredinem accedens ; at si eum, vitro adhibito, in clarâ luce curiosius examines, subrufuni videbis.

Oculorum idem & numerus & positus, & magnitudo, qui in superiore.

Item eadem capitinis & alvi figura, eadem pedum ratio & ingrediendi modus. Supra alvum verò sunt duæ insignies, licet minores, maculæ albæ ; aliāq; vestigia obscura foliaceæ cujusdam picturæ ; siquidem paululum infra maculas delineantur quâdam virgulæ transversæ angustissimæ, ad obliquos angulos coëuntes, velut folii cujusdam nervuli.

N

Ad

Ad parietes nostros rariūs occurrit; et si inter superiores multos ex his unum vel alterum multoties observavi. Eboraci.

## TITULUS XXXIII.

*Aranens subflavus, oculis smaragdinis, item cui secundum clunes tres virgulæ croceæ.*

Descriptio.

**M** Ediæ magnitudinis est.  
Ei color maximam partem subflavus.

Humeri lati, ferè quadrati, admodum plani; latissima frons.

Ejus octo Oculi, velut totidem smaragdi virescunt, atq; inauratis radiis micant; ex his qui duo in mediâ fronte prægrandes sunt, adeóq; vel nudis oculis facilè discernendi; juxta eos alii duo paulò minutiores; post illos alii duo perexigui; postremò alios magis retrorsum duos invenies, totâ humerorum latitudine disclusos, secundis magnitudine subpares.

Pedes primi (in maribus) crassi, hirsuti, cæteris longiores; tūm vel ultimi vel secundi; tertii omnium brevissimi.

Alvus subteres, acuminata; secundūm clunium longitudinem, tres virgulæ croceæ, conspicuæ admodum.

Venter albido.

Non aliter quām Pulex in gressu saltat; & lacesitus è ventre filum emittit.

Mari autem cornicula extrema turgent, & dilatantur; telaq; atro-rubentia abscondunt.

Locus.

A Cal. Sextilibus hunc primò observavi ad parietem lateritium Viridarii collegii D. Johannis Evangelistæ Cantabrigiæ repente: postea Londini in similibus locis aliquoties

quoties à me repertus est : at è rarioribus quidem araneis est.

Eum vitro inclusi cum altero è majoribus araneis, cui multi aranei antea prædæ fuissent ; at hic noster per plures menses unà vixit, an fortè quòd alterius vim mirâ saltandi agilitate evasit, aut quòd æquè in morsu perniciōfus.

---

## T I T U L U S XXXIV.

*Aranēs subrufus, Ericetis, sive in rupibus degens.*

**S**uperioribus sui generis magnitudine par est. *Descriptio.*

Ei color subrufus, ad castaneum seu pullum vergens.

Humeri plani ferè quadrati ; frons lata.

In mediâ fronte bini majusculi Oculi ; prope hos bini alii paulò minutiores ; retrò alii duo minutissimi ; post hos in mediis humeris alii duo secundis ferè æquales : oculi omnes nigricant.

Pedes breves, ex his quatuor priores (certè in mari- bus) reliquis multò crassiores sunt.

Alvus acuminata ; cui color idem, ac quem videmus in maturo pomi semine ; sunt etiam quædam nigricantes venulæ, sive lineamenta foliacea : præterea ad alvi latera candidam quandam picturam, nigro eleganter distinctam, notes velim.

Ipse venter cinereus.

In Ericetis tantùm agri Eboracensis & in nudis rupibus, è præcipuè regiunculâ, quam *Craven* vocant, eum inveni. Rarissima sanè bestiola !



## P A R S II.

*De Araneis Binoculis.*

## C A P. I.

*De Araneis binoculis in genere.*

**I**N superiore parte Araneos Octonoculos, quantâ maximâ potui diligentia executus sum : hâc verò alterâ parte Arañeos Binoculos explicare aggrediar : Atq; horum certè plurimæ, præter jam dictam, notæ characteristicae sunt. 1. Esse plerosq; longipedes. 2. Habe-re cutem ferè crustaceam. 3. Fila non mittere, aut ullum opus textorum, quod scio, exercere ; quanquam adhuc quidem de eorum hibernis, aut fætûs curandi ratione, ni-hil exploratum habeam. 4. Binis tantùm Oculis, ut dixi-mus, donari. 5. Caput è mediis quasi humeris eminere. 6. Pectus ab alvo disterni nullâ certè ad nudum oculum notabili incisurâ. 7. Tela forcipata, velut cancri ma-rini brachia, in binos digitos diduci. 8. Adeóq; etiam vulgò innocuos credi ; certè morsum quod spectat. 9. Pe-des, longitudinis rationem quod spectat, alternatim esse dispositos. His excrementa figurata esse ; cùm superiores omnes Octonoculi illa liquida reddant.

C A P.

## C A P. II.

*De Araneis binoculis.in specie.*

## TITULUS XXXV.

*Aranus cinereus, cristatus.**Descriptio.*

**I**S maximus est hujus generis araneus ; & inter majores omnium superiorum rectè numerari potest.

Ei color pallidè fuscus aut subcinereus.

Pedes longissimi tenuissimiq; : quorum secundi, ultimiq; cæteris paulò longiores sunt.

Paulò retrò à fronte exiguum Capitulum instar verruculæ eminet ; cuius apex duplici velut cristâ, è spinis conflatâ, armatur. Iisdemq; ferè spinulis at minoribus etiam tota frons conspersa est.

In capitulo ex utraq; parte singuli Oculi nigricantes. Atq; hæc ferè simplici vitro discernenda sunt.

In medio dorsi Pictura fusca velut rhomboeides.

Venter albidus.

Maribus cornicula prælonga : item Tela geniculata ; at forcipata, sicut in fœminis : pedes magis infuscantur : idem capitulum cristatum sive spinulis hirsutum : eidem insuper Penis in medio ventre, de quo vide plura in proximè sequenti Titulo.

*Locus.*

A Calend. Aprilibus in fylvis frequens bestiola ; item circa solstitium æstivum in campis apertis ; & præcipue inter segetes numerosi ; unde apud nostrates à messe **Harvesti Spiders** appellantur.

Augusto mense plerasq; fœminas gravidas observare licet :

licet: in his autem tum Ova insunt alba, perfectae rotundatatis; tamen ubi & quo modo ova sua pariant, cur entq; nihil adhuc deprehendi.

Sub idem tempus ex his aliquot gravidas, singulas singulis vitris seorsum inclusi; an forte hoc modo partus rationem explorarem. At frustra; quippe omnes mortuae sunt sine ovorum partu; an propterea quod illis necessaria ad nidificandum defuerunt.

Sub medium Maii hujus generis Araneos, papaveris semina non multum excedentes adverti; his etiam pedes teneri, tenuesq; albiduli, velut novissime editis.

Illud non omittendum duxi, hos araneos coccineis Cimicibus, minutissimis animalculis infestari; quippe qui eorum corporibus adhaerent, indeq; victimum queritant.

## TITULUS XXXVI.

*Araneus rufus, non cristatus.*

**P**roxime superiori paulo minor est: adeoque inter mea *descriptio* diocres numerandus est.

Ei color rufus.

It recta per medium dorsum fascia nigricans, leviter sinuosa, nec multum ultra medianam alvum horum, quamquam illorum ad ipsam frontem porrecta sit.

Item in hac ipsa picturâ, paulo retro à fronte exiguum Tuberculum nigrum, sive Capitulum attollitur.

Duo nigerrimi oculi majusculi, in diversa parte capituli positi discerni possint.

Capitulum in utroque sexu lave, nullisq; spinulis aut cristâ armatum.

Pedes omnium araneorum facilè longissimi, siquidem ex his qui longiores duas uncias minimum implent; sunt etiam admodum:

admodum temues; in foeminis vero ad juncturas candidis maculis distinguuntur, cæteram nigri: iidem à longitudine alternatim sic ordinantur; nimirum ex his qui sunt primi, breviores; post eos secundi longissimi; post hos tertii, rursus brevissimi, tūm ultimi ad secundos proximè accedunt.

Tela forcipata, velut cancerorum brachia in binos digitos divisa.

Item cornicula longiuscula, atq; hæc ferè similia sunt in utroq; sexu.

Venter albescit, nisi ubi in imâ parte ex croco leviter tintitus sit.

Mas foemina multò minor; ei pedes paulò longiores, ex toto nigri; item fusca fascia in iisdem non ita notabilis, aut nulla aut certè penè oblitterata; dorsum in foeminae paulò pallidiùs, in maribus intensè rufescit.

In septentrione Angliæ, raro aut nunquam occurunt; at in australibus Angliæ partibus frequentissimi. Gregatim vivunt in dumetis & urticâ; itaq; in unâ grege circiter viginti tūm mares tūm foeminas saepius numeravi.

Loca concamerata, aut aliàs texta ad pluvias quærunt.

Hujus generis aranearum Cutis minùs mollis, ac quodammodo crustacea videtur; item rasa, aut certè perindè leviter pilosi, ut sunt pleriq; cimices aut scarabæi.

In imo ventre anus conspicendus est, velut circulari quodam sphinctere commivens; è quo figurata excrementa plerunq; reddit; cùm contrâ omnes superiores aranci alvum liquidam habent, candidaq; materia excernitur velut ab aviculis.

Illud etiam in his araneis maribus experiri licet; si dígito circa medium ventrem sursum premas, inde tibi prementi crumpet Penis; vel aliquid intestini simile, si id in foeminis tentaveris.

Item illud similiter valde miratus sum, ubi eos coire primam

primùm viderem ; id non ita peragi, uti priùs ex Aristotele didiceram de cæteris araneis ; sc. non clunibus aver-sis, sed os ori adjungendo.

Ad Calend. Sextiles ex his plerasq; fœminas Ovis tūm candidis sphæricisq; gravescentes ex dissectione inveni.

Item hos Araneos majusculos Culices cepisse non semel vidi, aliásq; muscas diversas ; eásq;, more cæterarum id genus bestiolarum, avidè suxisse.

De Araneo hoc nostro Longipede hæc habet Cl. Hookius noster, Micrographiæ Anglicæ scriptæ Observ. 47.

Hujus, inquit ille, Figuram optimo Microscopio amplificatam damus : illa autem singularia sunt : Unum, Microscopio solo discernendum est ; ei sc. esse duos tantum Oculos, secūs ac in aliis araneis, in exiguo Tuberculo è medio dorso elato, vel potiùs summo capite collatos ; hi verò ex adverso disponuntur, eorūmq; partes lucidae dextrorsum & sinistrorsum spectant ; paululùm tamen magis antrorsum quām retrorsum. Ipsi autem Oculi easdem partes cum oculis maximorum animalium binocularum habere mihi visi sunt ; iis siquidem cornea admodum lœvis, multūmq; protuberans ; cuius etiam medio inest pupilla nigerrima, velut corneâ iride cincta. An verò Oculos huc vel illuc movere possit, nondum observavi. At id minùs credibile est, quod ei cervix crusta, adeóq; rigidiuscula ; hunc verò defectum abunde supplevit ipsa Natura, & summa corneæ protuberantia, & quod suprà omnem corporis umbram, quæ ejus prospectum ullo modo obscuret, elati sint ; adeóq; singuli oculi ferè hemisphæriam, licet minùs distinctam occupent ; certè cùm ei sit corpusculum tam exiguum rotundūmq;, inq; pedes admodum longos positum, celeriter se movere & circumvertere possit, sic ut ei quamcunq; rem facile sit distinguere.

Hujus autem, uti cæterorum quorumlibet Araneorum

‘ à me hactenus examinatorum, Oculorum figura, à plerisq;  
 ‘ Insectis multùm differt : siquidem Araneis Oculi læves &  
 ‘ non crebris tuberculis velut exasperati; perinde ut sunt  
 ‘ oculi aliorum insectorum.

‘ Alterum æquè, at nudo Oculo, notabile ; Crurum.  
 ‘ sc. corporis exigui ratione, insignis longitudo ; hujus  
 ‘ certè Aranei, quem delineavi, singuli pedes totius cor-  
 ‘ poris longitudinem sexdecies & amplius superabant. At  
 ‘ ex his sunt, quibus iidem longiores, & aliis multo brevi-  
 ‘ ores sunt. Hujus autem singuli octoni pedes in modum  
 ‘ Cancri marini articulantur ; at huic, ratione animalis, sin-  
 ‘ guli articuli multo productiores. Singuli verò pedes ani-  
 ‘ malis pectori medio elatiori inseruntur, & velut exiguâ  
 ‘ conchâ in modum Musculi terminantur. Alia plura quæ  
 ‘ de mechanicâ pedum ratione addit Author, apud illum  
 ‘ vide.

Illa insuper transcribenda existimavi.

‘ Hujus bestiolæ mos est, quod aliquoties cum volup-  
 ‘ tate observavi, in prædam ipsum suum corpus, velut ma-  
 ‘ nuum loco, injicere ; neq; aliter quam araneus lupus in  
 ‘ muscam, aut Catus in murem transfilire.

‘ Totum ejus corpus admodum elegans est ; & si illud  
 ‘ dissecare potuissem, nihil dubii est, quin intùs æquè rara,  
 ‘ atq; extrà invenissem ; forte maximâ ex parte Cancrima-  
 ‘ rini visceribus haud dissimilia ; quem quidem hoc ani-  
 ‘ malculum in plerisq; maximè repræsentat.

‘ Omitto Cornicula & Os, cancro marino similia ; item  
 ‘ Testam velut maculosam, quod à lanugine ortum est ;  
 ‘ item pedes lanuginosos ; pectus largum, ventrem parvum,  
 ‘ &c. de quibus consule figuram elegantem.

‘ Item illud noto, tres corporis præcipuas partes, Caput  
 ‘ sc. Pectus, & Ventrem in hoc animali esse mirè confusos ;  
 ‘ ut haud facile quis dicere possit, quid sit hoc vel illud ;  
 ‘ atq; identidem se habent eadem partes in Cancro marino.

‘ Adeò

¶ Adeò hic araneus, non alias videtur, quām Cancer aë-  
reus, &c. Vide apud Cl. Authorem.

---

T I T U L U S XXXVII.

*Araneus exiguus è candido nigrōq; varius sive macula-  
tus, insigniter cristatus, sylvicola.*

**I**N minimis & sui & alterius generis numerari debet. Descriptio.

Ei color ex argenteo nigrōq; varius, sive maculatus.

Capitulum exiguum velut è mediis humeris eminet; du-  
plici cristâ spinosâ sive duplice serie pilorum rigiduscule-  
rum exornatum.

In capite ex utraq; parte singuli oculi majusculi.

Pedes longi, tenues, ad articulos maximè hirsuti; ea-  
dem iis proportio, quæ in proximè superioribus posita  
est; albis maculis crebris distinguntur.

Alvus à pectore indiscreta, ut de superioribus dictum  
est, plena, retusa, crebris maculis argenteis insignita. In  
medio dorsi figura rhomboeides, ut in Titul. 35 declara-  
vimus.

Venter albescit; rugis transversis inæqualis.

Cornicula albescunt.

A Calend. Martii hunc araneum satìs frequentem in-  
veni in sylvis agri Lincolniensis; item in iisdem locis circa  
Eboracum.

## C A P. III.

*De Araneis hujus partis anomalis; quibus sc. pedes  
breves; item cutis pilosa.*

---

## T I T U L U S XXXVIII.

*Araneus exiguus, coccineus, vulgo Anglice a Tant di-  
ctus.*

*Descriptio.*

**M**inimis Araneis annumerandus est. Ei color ex toto pulchre coccinus, aut qualis in flore papaveris erratici; nisi quod venter è coco cande- scit.

Ei pedes breviores, octoni, quorum quatuor priores summo pectori, reliqui quatuor proprius ventrem inserun- tur. Item exigua punctula nigerrima circa priorum pe- dum radices observare licet.

Os corniculis armatur, quibus etiam sui unguiculi.

Alvus plena suprà rugosa, ab humeris indistincta, ab iisdem latior, deinde paulatim fit acuminatior, retusa.

Pilis molibus brevibúsq; instar holoserici totus contegi- tur; inde fortè causa quare oculi adeò difficulter discer- nendi; ut de iis adhuc nihil certi habeam, quod affirmem.

A primo vere in pratis & pasuis præcipue arenosis est valdè frequens; item mense Julio plurimos ad oram ma- ritimam circa *Scarborough* observavi.

Formidabilis sanè bestiola apud nostros bubulcos; si- quidem bovum certa pernicies existimatur, si fortè ab iis in herba devoretur. Vide Cl. D. Brown.

*Locus.*


C O C H -

COCHLEARUM  
ANGLIAE  
ET  
TERRESTRIUM  
ET  
FLUVIATILIIUM  
LIBER.

---

*Quacunq; ingredimur in aliquam historiam vestigium ponimus. Cic.*

---



---

LONDINI,  
Impensis J. Martyn, R. Soc. Typographi.  
M DC LXXVIII.



# LIBRI

## COCHLEARUM ANGLIÆ

### P A R S . I.

#### *De Cochleis in genere.*

**C**OCHLEIS plerisq; Testæ sunt; quæ etiam Nudæ habentur, quodam tamen Tegumento in humeros superinjecto & subter illud Officulo, propugnaculi loco, donantur.

Testarum autem alia atq; alia figura est;

Terrestribus verò Cochleis universis ea turbinata est. Item inter Fluviales multi Turbines sunt: at hīc etiam quibus illa in binas valvas diducitur; neq; ibidem desunt univalves Testæ.

Quibus autem Turbinatis sive in terrâ sive in aquis degentibus Operculum testaceum datur (quæ ad modum paucæ sunt) iis illud est quasi altera valva.

Operculum, si quod sit, ipsius animalis calcii adnascitur; ut hoc postremum sit, quod intus educatur, testamq; claudat.

Testarum verò turbinatarum plures circumvolutiones sunt; nullis duabus pauciores; ut neq; in nostris quidem ullis amplius decem numerare licet.

Testarum turbinatarum circumvolutiones non ex una parte perpetuò procedunt, ferè ex sinistrâ in dextram ad solis motum; sunt tamen & inter terrestres & inter fluviales, quæ contrarium motum observant.

Circumvolutionum verò frequentium in Cochleis turbinatis

natis ea potest esse ratio; quod hæ ferè liberæ sunt nec testis suis adfixæ, (secus quām fit in bivalvis) hinc earum corpus, nè excidat, multipli gyro intorquetur. Neq; tamen ideo credibile est, quod nonnulli perhibent, eas alij quando è testis suis exire.

Vere exeunte Testæ pars superior fit mollis; sc. an alijs quā parte veteris testæ deciduâ, aut tantundem annuatim aucta, donec ad justam magnitudinem perveniat.

Ipsæ autem Testæ membranulâ sive pelliculâ admodùm tenui conteguntur; in quâ ferè inest ista colorum varietas, in singulis speciebus adeò notabilis; eadem verò, si lixivio forti demittantur, exeditur.

Bivalvium autem fluviatilium nostrorum utraq; valva æquè cava est.

Præterea in testis bivalvibus insunt quædam vitia, Margaritæ dictæ; ejusdem quidem cum illâ substantiæ, proprietatisq;. Atq; hæc haec tenus de Testis.

*Plantæ.*

Ipsa autem Animalia pedibus carent: at iis est quædam veluti Planta, in ingressu eorum pedum vicem præstans. Terrestribus quidem Cochleis ejus figura longa, & acuminata est; & quæ totum quasi ventrem occupat; ejus calx in acutum producitur. In his plantæ pars media, mollior; extrema circum circa ad marginem magis ad callum quendam accedere videtur. Fluviatilibus autem turbinatis illa paulò latior & tenuior est: scilicet natationi magis accommodata.

Item ante os in aliquibus Cochleis fluviatilibus sunt ampla quædam Labra, pinnarum aliquomodo munus præstantia.

Univalvi verò ista Planta rotunda est, instar oris cuiusdam; scilicet ad commodiorem adhæsionem, quæ quodammodo suctione fit.

Bivalvibus autem eadem duriuscula est, acuta, & in aciem longam producta; ad progressum in limo aut arenâ faciendum.

Cochleis

Cochleis terrestribus & testaceis & nudis & fluviatilibus *caput.*

Turbinatis Caput in ingressu conspicuum à reliquo corpore exeritur. Illud verò in Bivalvibus perpetuò, quantum observare licet, occultatur. In nullâ autem Cochleâ æquè distinctè in conspectum venit caput, atq; eâ ex fluviatilibus, quam fasciatam operculo donatam appellavimus ; cui quidem caput figurâ velut bubulinum est.

Cochleis terrestribus & testaceis & nudis *Cornicula* qua-  
tuor exeruntur è fronte : his quoq; omnibus extrema cornicula velut quibusdam capitulis turgent. Ex his duo su-  
periora, multo majora & productiora ; anteriora verò,  
minora & breviora sunt. Item illis extremis singula exi-  
guâ punctâ nigra, his non item : ut verò his iter præten-  
tent, illis videant, credibile est.

Cochleis verò Fluviatilibus turbinatis bina tantùm cornicula sunt, eâq; mucronata, & in aliquibus speciebus in modum pili tenuia ; in aliis, quasi auriculæ, admodum latæ & tenues ; in aliis velut in ramos diducta, pinna-  
rûmq; vicem supplent. At hi oculi quidem non dicendi sunt.

At iisdem insuper Cochleis Fluviatilibus sunt singula *Oculi.*  
punctula nigra utrinq; ad radices corniculorum : neq;  
multum dubii est, quin hi rectè existimentur Ocelli. In  
eo verò discriben ; quod ut his Oculi ad radices corni-  
culorum collocantur, miniméq; è sede protruduntur ;  
illis iidem per ipsa Cornicula penetrant, more Tuborum  
Conspicillis accommodatorum.

Os habent dentibus armatum ; hi verò in aliquibus fal-  
tem speciebus, ut Cl. Hookius noster perhibet, ex uno so-  
lidóq; osse constant, ad figuram tamen dentium nescio  
quibus discerniculis in eo impressis confecto.

Cochleis terrestribus circa imas cervices, palliolum stium  
reflectitur : eâq; veluti pinna sive membranula quædam  
semicircularis est, retrò Testæ aperturæ superinjecta.

*Anus.**\* De part. Ani-  
mal., l. 4, c. 9.*

Turbinatis Cochleis utriusq; loci, atq; etiam terrestri-  
bus nudis anus ad dextram partem cervicis aperitur : quod  
olim rectè observavit Aristoteles\*, ejusq; rei rationem  
pluribus verbis demonstravit. ‘ Turbinatorum, inquit ille,  
‘ finis ad principium flectitur, &c. Rursus, ‘ extrema co-  
‘ èunt. Alibi, ‘ iis excrementum per meatum ori vicinum  
‘ emittitur.

At bivalvibus, ut in sanguineis animalibus, ex adverso.  
Ori ea sita est.

*Pulmo.*

In illo autem foramine, quod ad dextram partem cer-  
vicis esse notavimus, non solum anus ponitur, nam ex eo  
excrementa certò exeunt : sed etiam spiritui ingressus pa-  
tet, pulmoniq; inservit ; nam, nisi illo aperto, progredi-  
aut moveri non solent ; deinde Fluvialibus istud foramen  
amplum patet, & cum per summam aquam natant, illud  
paululum extra aquam aëri hauriendo extollunt ; porrò  
specillum setamve facilè admittit ; quæ per medium Plan-  
tam permeare videtur ; & in Limace nigro emergit ex ip-  
sius caudæ apice ; quæ si non in omnibus, certè in eo a-  
nimali naturaliter ibidem aperiri videtur.

Nonnulla autem conjecturalia de partibus Cochlearum-  
internis subnectam.

*Ventriculus.  
Intestina.*

Gulam excipit Ventriculus, satìs amplius : à quo conti-  
nuatur intestinum simplex, longum, atq; aliquot anfracti-  
bus revolutum.

*Viscus fuscum.  
Vena lactea.*

Intestinis implicatur viscus quoddam coloris subfuscq;  
innumeris venis lacteis interstinctum, pro magnitudine  
quidem bestiolæ admodum amplis & capacibus. Hæ au-  
tem venæ lacteo quodam humore repletæ perpetuò appa-  
rent. Fortè ex his nutrimentum suppeditatur in jejunium  
hybernum ; ut hujusmodi animalibus sint eadem venæ e-  
tiam Promptuario, sive chyli asservaculo cuidam.

Præterea, ex exrementorum differentiâ, certum est,  
intestinorum figuram aliam atq; aliam esse in diversis spe-  
ciebus ; saltem ex iis cæcum & colon.

De

De partibus autem Cochlearum genitalibus illud præ- *Penis.*  
cipuè miramur, alterum alteri adeò simile esse, ut vix & ne  
vix quidem discernere licet, in quo sit sexus differentia.  
Penis autem earum exertus, setæ longæ crispatae, aut in  
modum claviculae vitis torquetur ; altera verò ejus pars  
multo plenior est, vaginæq; loco inservit ipsi claviculae.

Sunt etiam in coitu aliquibus Cochleis notanda quædam  
veluti spicula testacea, eleganter admodum figurata, ipsis  
earum cervicibus penitus infixa ; at ab utroq; animali so-  
luta : ubi autem illa ante coitum in corpore condantur,  
aut quo modo causâve sub id tempus ejaculentur, me la-  
tet ; illud extra dubium est, utrumq; animal ab istis acu-  
leis vulnerari.

Humor autem è vulneratis Cochleis ferè dilutè subcæ- *Humor subcæ-*  
ruleus ; atq; alijs esse videtur à saliva sponte eructatâ. At *vuln.*  
Cochleis non unicolor saliva ; nam aliquibus fluviatilibus *Saliva cocci-*  
ea coccinea est.

Cochlearum verò terrestrium ingressus est quædam ve- *Ingressus.*  
luti natatio in proprio humore ; illud in primis testatur,  
eas non multum egredi è latebris umbrosis, nisi diebus plu-  
viis ; quo quidem tempore benè madent intus & extrâ.  
Huic accedit ipsius salivæ natura, quæ ferè temporis mo-  
mento in aëre coagulatur ; ut si non continuò illam inter  
eundum eructarent, propriâ salivâ implicitæ, loco adfi-  
gerentur.

Cochleas autem ex coitu generari, nihil dubii est ; quod *coitus.*  
ipsi in multis earum speciebus tûm terrestribus tûm fluvi-  
atilibus sæpiùs observavimus.

Illis verò Ova sphærica sunt ; quibus sc. mollis & mem- *Ova.*  
branea testa sive cortex est.

Terrestrium Cochlearum ova ferè racematim inter se  
cohærent, imperceptibili quodam glutine. At Fluvialium  
ova quædam geniturâ limpida, instar ranarum spermatis  
implicantur. Hâc etiam maturescunt, donec ad formam

singulæ speciei propriam & perfectam pervenerint ; ipsâ sc. geniturâ adhuc integrâ & non resolutâ.

Vieles.

Cochleæ tam Terrestres, quâm Fluviatiles herbis vescuntur ; illæ etiam, quovis pipere magis mordacibus, fungis delectantur. Simili victu gaudent Musculi, etiam Patellæ ; quæ licet faxis, velut immobiles, adhærent, tamen de loco in locum moventur, victûs ratione.

Ufes.

Cochlearum usus multiplex est : Testarum pulvis ad omnia medicamenta æquè utilis & proficuus est, atq; ipsæ margaritæ, aut oculi cancerorum dicti, aut corallia.

Item ipsa animalia in deliciis olim apud Romanos fuerunt : etiam nunc dierum in Gallia & Italia in cibis sunt ; eæ certè, quæ Pomatiæ dicuntur, sc. ex nostris terrestribus primæ.

Universis quoq; Europæis ad medicinam adversus febrem hecticam. C. Cels. eas boni succi & stomacho gratas esse ait. Petr. Arbitr. earum cervices ad venerem provocandam assumptas fuisse memorat.

Item alius usus hodiernus nostrorum hominum, ad ceram sc. dealbandam. An coccineus quarundam humor ad picturam adhiberi possit ?

De re rustico.  
lib. 3.

De Cochlearum autem saginâ, ita Varro. Quæ etiam à Plinio & Macrobio fidem habent.

Hist. Nat. lib. 9.

c. 56.

Saturn. lib. 3.

c. 13.

Idoneus sub dio sumendus est locus Cochlearii, quem totum circùm aquâ claudas, nè quas ibi posueris ad partum, non liberos earum, sed ipsas quæras. Aquâ, inquam, claudendæ, ne fugitivarius sit parandus locus. Is melior est, quem & non coquit sol, & tangit ros. Qui si naturalis non est, ut ferè non sunt in aprico loco, neq; habeas in opaco, ubi facias, ut sunt sub rupibus, ac montibus, quorum alluant radices lacus ac fluvii, manu facere oportet rosidum ; qui sit, si adduxeris fistulam & in eam papillas imposueris tenues, quæ eructent aquam, ita ut in aliquem lapidem incidat, & latè dissipetur. Parvus his cibus opus est,

est, & is sine administratore. Et hunc, dum serpit, non solum in areâ reperit, sed etiam, si rivus non prohibet, in parietes stantes invenit. Deniq; ipsæ exgrumiriiantes ad propalam vitam diu producunt, cùm ad eam rem pauca laurea folia interjiciant, & aspergant surfures non multos. Itaq; Coccus has vivas an mortuas coquat, plerunq; nescit.

Genera Cochlearum sunt plura, ut minutæ albulæ, quæ afferuntur è Reatino : & maximæ quæ de Illirico appor-tantur : & mediocres quæ ex Africâ afferuntur. Non quòd in his regionibus quibusdam locis, eæ magnitudinibus non sint dispariles ; nam & valdè amplæ sunt, quædam ex Afri-ca, quæ vocantur Solitanæ, ita ut earum Calices quadran-tes octoginta capere possint ; & sic in aliis regionibus eædem inter se collatae, & minores sunt & majores.

Hæ in fæturu pariunt innumerabilia ; earum semen mi-nutum, & testâ molli, diuturnitate obdurescit.

Magnis insulis in areis factis, magnum obulum deferunt æris.

Has quoq; saginare solent ita, ut Ollam cum forami-nibus incrustent sapâ & farre, ubi pascantur, quæ forami-na habeat, ut intrare aër possit. Vivax enim hæc natura. Hæc autem Varro. Jam singulas species exequar.

*Cochlearum Angliae Tabula.*


Cochleæ	Terrestres	Testaceæ, seu testis conctæ.	
		Breviore figurâ, testæ apertura clausa Operculo è saliva consecro, tantùm ad hyemem. <i>Num. IV.</i> Operculo testaceo. <i>Num. I.</i>	Turbinatæ
		Longiore figurâ, sive Buccina, convolutæ à dextrâ versus sinistram. <i>Num. IV.</i> à sinistrâ versus dextram. <i>Num. II.</i>	
		Compressæ. <i>Num. III.</i>	
		Nudæ, Limaces quibusdam dictæ. <i>Num. III.</i>	
Fluviatiles	Turbinatæ	Validiore testa, operculo testaceo clausa. <i>Num. III.</i>	
		tenui, pellucidâ, semper aperta ; convolutæ à dextrâ in sinistram. <i>Num. IV.</i> à sinistrâ dextram versus. <i>Num. I.</i>	
		Compressâ testâ, Coccum fundentes. <i>Num. III.</i>	
		Bivalves, Musculi quibusdam dictæ. <i>Num. III.</i>	
		Univalvis, Patella dicta. <i>Num. I.</i>	

Ipsa

1







III

LIBRI  
COCHLEARUM ANCLIAE  
PARS II.

*De Cochleis Terrestribus.*

*Terrestrium Cochlearum Notæ characteristicae sunt.*

1. *Habere extrema Cornicula capitulois quibusdam sive nodis insignita.*
  2. *Quatuorq; numero.*
- 

SECTIO I.

*De Cochleis terrestribus, Testis contectis.*

MEMBRUM I.

*De Cochleis terrestribus Testis contectis, turbinatis, breviore figurâ.*

*In his autem notis communibus convenient harum Cochlearum testæ.* 1. *Intra quinq; anfractus fixiri.* 2. *Esse magis compactili & breviore figurâ, ut ipsius testæ apex parùm aut nihil emineat.* 3. *Apertura extremas oras esse leviter reflexas.* 4. *Fasciis insigniri.*

---

CAP. I.

*De Cochleis suprà distinctis in specie.*

TITULUS I.

*Cochlea cinerea, maxima, edulis, cuius os operculo crasso velut gypseo per hyemem clauditur. Pomatiæ Gesneri, De Aquatilibus, pp. 644. 255.*

**H**ÆC autem omnium nostræ Insulæ Terrestrinæ Descriptio longè maxima est; cùm ex his sunt, quæ Gallinacei ovi mediocris magnitudinem ferè impleant.

Ipsa

Ipsa testa cinerea, sive subalbida est.

Ei insuper non nimirum obscura vestigia quarundam Fasciarum latarum, subrufarumq; secundum anfractuum ductus circumvolutarum.

A testæ apertura ad ejus apicem non amplius quinq; anfractus sive orbes numerare licet.

Aperturæ extremæ oræ leviter reflectuntur ; item ad imam oræ sinistræ reflexæ partem, ubi reliquæ testæ jungitur, est quidem *sinus* angustus ; intra quem tamen specillum demittere licet ad dimidiā unciam ; is autem sinus Testæ exterior est, neq; ad ejus cavitatem pertingit.

Testæ aperturam adversus hyemem diligenter obturat ipse animal ; ei sc. Operculum album, crassum, fragile, velut gypseum, è propriâ salivâ confectum, ex omni parte firmiter adglutinando.

Cochleæ omnes, inquit Wottomus noster apud Gesnerum, leviore quodam tegmine sibi superimposito hyeme latent ; sed Pomatiæ ab hâc re peculiare sibi nomen fortitæ sunt.

Aprilì verò ineunte id circa horas resolvitur, atq; integrum protuditur. Illud mihi, ex his unam circa initium Martii mensis in sinu servantí aliquando contigit, quod teponem sentiens animal intra paucas horas Operculum amoverat erepsitq;.

Est autem ipse animal bene carnosum, nec palato nimirum ingratum.

Locus. Agro Hardfordiensi & alibi in Angliâ meridionali abundant, in Septentrionali nusquam mihi saltē occurrit.

In vepribus per hyemem sigillatim conduntur.

In Gallia Narbonensi admodum vulgo eduntur. Item Parisiis tempore quadragesimali magnâ quantitate vaneunt.

Coquuntur ex aqua fluviatili, & adjectis oleo, sale & pipere laatum ferculum præparant.

TITULUS II.

*Cochlea vulgaris major, pulla, maculata & fasciata,  
hortensis.*

**H**ÆC magnitudinem quod spectat, proximum locum obtinet; superioris tamen vix dimidium attingit.

Ei color pullus, aut castaneus, fasciis aliquot latis cingitur; maculîsq; crebris subflavis, aut subcinereis in modum marmoris interstinguitur.

Aperturæ margines leviter reflexi; idq; iis præcipue quæ vel ad justam magnitudinem pervenerunt, vel quibus ea Testæ pars sati obduruit.

Est præterea testa è quinq; anfractibus revoluta, formâ rotundâ, brevi & compactili, ejus quippe apex omnium minimè exstat, sed aliis volutis superinjectis penè occultatur.

Ipsi animali sunt quatuor cornicula; ex his duo superiores, quæ longè majora sunt, singula puncta nigra habent; quæ in inferioribus non sunt. Illa à quibusdam Oculi haud malè existimantur.

Ei labra superiora valde angusta.

In dumetis & sepibus nimium frequens; item hortos infestat.

Per hyemem in arborum annosarum fissuris, aut cavis earum truncis latent, interim testæ os multipili membranâ, tenui, pellucidâ obturatur; atq; una Cochlea alteri raccematum adglutinatur. Olera depascunt & omnigenam virtutem herbam; neq; ipsa Poma intacta relinquunt.

Ad sinistram partem cervicis, foramen tūm maximè patet, dum repit animal; ex eo vero excrementsa ejicit.

Ei excrementsa figurata & dura. Si in hyeme inciduntur,

Q

*De Cochleis Terrestribus.*

tur, ubi ex toto vietu abstinent, etiam tum intestina infima sive colon & rectum excrementis replentur; an famem ideò melius & diutius sustineant?

Coitus.

Maio exeunte aut Junio tardius, si forte tum pluvia incidat, primùm coëunt: adeoq; Veneri intentæ sunt, ut de loco in locum transferri possunt, Copulâ usq; servata.

Spiculae.

Illud addam, me, dum in coitu conjugabantur, singula *spicula* in utriusq; cervice penitus infixæ, non semel observâsse. Ea autem substantiâ testaceâ friabili, & ele- ganter figuratâ constabant.

Ova.

Harum Cochlearum ova diu frustrâ quæsivi tam extra, quam intra corpus ad coitûs tempus. Tandem ea in horto sub herbam circa mensem Julium copiosè inveni: alba erant, majuscula, leviter inter se cohærentia, cortice mem- braneo, molliq;

Appetente Autumno harum pulli nucis è corylo mag- nitudinem ferè implent; adeò celeriter crescunt. Notandum est, in his juvenibus testa tenera admodum est, & circa aperturam minimè reflexa.

Ex his unam vitro inclusi, eiq; Limacem atrum, infra describendum supposui: postridie autem limacis cutem miserè corrosam, dilaceratam, eumq; planè confectum animadverti: tantus animus est etiam pigerrimis animalibus. Est aliquid inter Viscera, quod pinguedini maximè assimilatur: in ignem verò impositum, flamمام non concipit, nec liquefit, sed induratur.

Saliva.

Hæ Cochleæ salivam ab ore copiosè eructant; qui tamen alias humor, & longè diversus esse videtur ab eo, qui emittitur à corporis puncturâ, aut incisione in cute factâ. Etenim hic posterior, subcæruleus, multoq; dilutior est. Ille autem alter sponte eructatus, & crassior, magisq; tenax, item paulo coloratior ad flavedinem accedens, forte ab herbis præmansis in ventriculo, unde provenit, infectus.

Illa insuper de utriusq; differentia expertus sum.

Utriusq;

Utriusq; humoris copiam vitrâ ampullâ primum miscui. At hi benè conquassati in unam mastam instar gelatinæ flavæ coaluere. Tum in aliam ampullam subcærulei humoris copiam per se seposui, qui tamen diu & multum similiter conquassatus, neutiquam concreceret.

Alterum experimentum erat hujusmodi. Ex his Cochleis aliquammultas linteo inclusi, tantillum salis iis aliquoties inspergendo, neq; tamen aliud humorem, quam salivam subflavam tenacemq; ejecerunt: è linteo verò exemptos scalpello incidi, quibus vulneribus subcærulei humoris copia emissa est.

Hinc autem liquet, humorem coccineum quarundam Cochlearum Fluvialium infrà describendarum sponte eructatum, esse de salivæ, non sanguinis naturâ; at de purpurâ aliter perhibuerunt Antiqui.

Subcæruleum humorem ab incisâ cute emissum, cochleariq; injectum sinas tantisper leniter evaporare super prunas; momento ferè temporis fit Gelatina alba, instar sanguinis feri; cum quo, ut opinor, magnam affinitatem habet.

In his autem animalibus dissectis innumeris venas lacteas circum intestina discurrentes, non aliter quam in sanguineis animalibus notare licet: hunc verò chylum in corporis habitu dispersum, in cæruleum istum humorem aliquando concoqui verisimillimum est; utpote cum in alterius generis vasa feratur, & lactei humoris effervescentia paululum conquiescat.

Præterea idem humor, ipsâve animalia nonnullis apud artifices usibus non tacendis inserviunt.

Primus is est, quem in cerâ dealbandâ Monspelii ipsi vidimus. Modulos ligneos contusis Cochleis illinunt, inq; ceram liquefactam eos demittunt; ita Cochlearum sanies ceræ adhæsionem nimiam prohibet, ut leviter concussis modulis, ceræ tenuem membranam accipient; reliquum ve-

rò ejus rei diuturnâ insolatione & assiduâ irrigatione perficitur in areis.

Alter usus est in re statuaria in hunc modum ; accipe calcis vivæ, q. v. albuminis ovi, humoris cochlearum per puncturam emissi, singulorum partes æquales ; misce & in marmore conterantur. Præstantissimum ..... perhibetur ad lapides fractos inter se conglutinandos ; siquidem in instanti ferè & admodum firmiter induratur.

Dentes.

Micrograph. Obj. 40.

De Cochlearum dentibus, optimo Microscopio in auxilium adhibito, ita perhibet Cl. Hookius noster. E superiore, inquit ille, oris parte Cochleaæ cuiusdam Testâ contectæ (si rectè intelligo) ossiculum durum recurvûmq; ex-emi ; id mihi visum est figurari in modum dentium, givis ordine suo dispositorum, inq; plures minores majorcsq; dentes nigros dividi : verùm unum solidúmq; ossiculum erat, quo eam rosæ foliis vesci ipse observavi ; atq; ex iis lunatas exiguae partes mordisse in modum literæ majusculæ C. Hujus autem ossiculi pars superior ejus inferiore & nigriore parte multo albidior est & minùs sinuata, & ad oras paulatim extenuatur in aciem ; huic insuper velut novem dentes sive partes eminentes, omnes, ipso ossiculo medio, inter se conjunctæ. Totum illustratur admodum eleganti figurâ, quam vide apud Authorem.

## TITULUS III.

*Cochlea citrina aut leucophæa non raro unicolor, interdum tamen unica, interdum etiam duabus, aut tribus, aut quatuor, plerumq; verò quinis Fasciis pullis distincta.*

Descriptio.

**F** A mediocribus annumeranda est.

Coloris varietate mirè ludit ; ut verò de hac re aiquid certò scirem, harum ingentem copiam colligendam curavi,

euravi, è quibus, coloris differentias quod attinet, rem ita se habere didici.

1. Testam ex toto citrinam, si aperturæ oras excipias, quæ vel candidæ, vel pullæ; harum verò numerus ingens.

2. Testam ex toto leucophæam, ipsis aperturæ oris pullis; hæ non nimirum raræ.

3. Testam citrinam unicâ fasciâ pullâ per medium anfractûs circundatâ.

4. Eandem singularem fasciam in testâ leucophæâ.

5. Testam leucophæam duabus latissimis fasciis pullis cinctam, ferè totum anfractum inter se occupantibus.

6. Idem dictum puta de testâ citrinâ. N. B. Hæ posteriores quatuor testæ admodum raræ sunt.

7. Testam leucophæam, cuius anfractus primus quinq; Fasciis pullis cingitur; ex quibus tres superiores duabus inferioribus paulò latiores sunt.

8. Idem Fasciarum & numerus & modus & color in Testâ citrinâ: atq; hæ duæ ultimæ testæ omnium longè frequentes sunt.

9. Quatuor Fascias pullas in testâ citrinâ; è quibus duæ superiores totidem inferioribus latiores sunt. Hæ autem rariores multo.

Ex Testis citrinis aliquot eatenus pellucidas observavimus, ut ipsius animalis Venulæ & motus nobis evidenter apparerent: jucundum sanè spectaculum!

Ipsi animali Testæ inhabitanti color interdum cinereus, interdum fuscior.

Ubiq; per Angliam in sepibus & dumetis frequens bestiola.

Hæ omnium primæ à Brumâ prorepunt.

Mense Maio coëunt; idq; diebus tantum tepidioribus coitus. & ferè horâ antemeridianâ. Adulti, qui sc. ad justam magnitudinem pervenerunt, soli coëunt.

De horum animalium coitu ita doctissimus mihiq; amicissimus Johannes Rayus in Catalogo Plantarum circa Cantabrigiam nascentium, ante annos sedecem edito, ad Solanum. ‘ De animalculis hisce monere liceat, quod eorum singula de utroq; sexu æquè participant, & sunt androgyna; vicissim enim agunt & patiuntur, immittunt simul & recipiunt, ut cuilibet satis constabit, qui Vere coëntes separaverit; et si nec Aristoteles nec alii, quod scimus, rei naturalis scriptores ejus rei meminerint. Hæc ille.

Aliquis fortè opinetur, in colorum varietate sexūs differentiam discerni posse; at diligentia nostra in hâc re frustrâ fuit; siquidem inter eas promiscua Venus est; citrinas sc. & inter se & cum leucophæis, & utrasq; cum fasciis insignitis indiscriminatim conjunctas fuisse observavimus.

Si totam cervicem testâ exertam scalpello præcidas, in hâc præter Gulæ initium & genitalia membra & ipsum intestinum rectum habebis. Atq; illud in causâ fuit, cur apud Romanos olim Cochlearum cervices in rebus Venerem magnoperè excitantibus numeratae sunt; ut ex Petronio Arbitro patet.

Harum Cochlearum cute incisâ humor pallidè cyaneus emittitur; at qui è vini spiritu dicto coagulatur & indurescit.

Tempestate pluviosâ, humore abundanter hausto, mandescunt: neq; alio tempore facile aut libenter prorepunt: rursus siccitate restitant & ferè loco permanent; adeoq; earum ingressus est quædam velut natatio in proprio humore.

Turdis in deliciis sunt; hi quippe Cochleam imam rostro perfringunt, bestiolâmq; eximunt.

## TITULUS IV.

*Cochlea maculata, unicâ Fasciâ pullâ, angustioréq; per medium anfractûs insignita.*

**F**A proximè superiori magnitudine par est, aut paulò minor. At eâdem planè figurâ, admodum sc. compactili, intrâq; quintum anfractum finitur Testa. Descriptio.

Ei color ex flavo pullóq; variatus in modum marmoris, sive maculosus.

Item per medium anfractum circumducitur unica fascia pulla, angustior.

Ex descriptione, & loco, & quod non coëant cum proximè superioribus, abundè constat has esse speciem distinctam.

In sepibus umbrosis non nimiùm rara : at in juncetis & Locis. pratis, uidis admodum frequens.

## C A P. III.

*De Cochleis breviore figurâ, quibus Operculum testaceum datur.*

## TITULUS V.

*Cochlea cinerea, interdum leviter rufescens, striata, operculo testaceo cochleato donata.*

*Cochlea terrestis turbinata & striata Fabii Columnæ,  
De purpura cap. 9. p. 18. ubi etiam delineatur sub hoc  
Titulo, Cochlea turbinata.*

**I**ntr minores numerari debet, utpote quæ vix nuci è corylo mediocri par. Descriptio.

Ei.

Ei color cinereus, interdum leviter rufescens, aut flavicans.

Omnium nostrarum terrestrium longè elegantissima Cochlea est.

Intra quinq; anfractus testa finitur, at superioribus paullò productior est, ut Fab. Col. ideò Turben dictus sit; mihi autem aliter visum est eam disponere, quod Cochleis breviore figurâ magis quidem accedat.

Testæ apertura ferè circinata; ejusq; oræ rectæ.

Admodum densè striatur secundum anfractus; non picturâ quidem, sed striis canaliculatis testæve incisis.

Os obturatur Operculo crasso sic ut non pelluceat, testaceo, cochleato; idq; imo animalis limbo adhaeret, dum prorepit; atq; ita ultimò introducitur. Testæ aperturam exactè claudendo.

*Locus.*

Ubiq; per Galliam frequens: at rarior apud nos; in agro tamen Cantiano, & Lincolnensi eam aliquoties inveni: etiam Eboracensis ager eâ non caret.

*I have found them plentifully in a woody high cliff upon the River Wharfe near Oglethorpe; also at Burwell woods in Lincolnshire.*

MEMBRUM II.

De Cochleis terrestribus longiore figurâ, sive de Buccinis.

He sunt Buccinorum terrestrium notæ communes. 1. Testâ longâ sive productiori dari. 2. Tenui admodum. 3. Minimum quinq; at plerunq; pluribus anfractibus circumvolvi. 4. Anfractuum latera esse planiora, & minus in modum circuli eminere, ut in cunctis superioribus. 5. Testæ aperturam oblongam, compressam, & angustiorem habere.

---

CAP. I.

De Buccinis quorum Orbis in sinistram partem convoluntur.

---

TITULUS VI.

Buccinum exiguum subflavum, mucrone obtuso, sive cylindraceum.

**H**ÆC omnium minima Cochlea; vix enim hordei Descriptio. dimidium granum implet.

Ei color subflavus, aut qualis in olivâ viridi conditâ.

Testæ apertura paululum compressa & angustior.

Senis orbibus finitur: quorum quinq; superiores ferè æquales inter se sunt; sextus verò subitè minuitur in mucronem obtusum; hinc testa cylindracea.

In veteribus Hortorum parietibus, musco obductis co- locis. piosè reperiuntur vico *Estrope* dicto agri Lincolnensis.

R

TITU-

## TITULUS VII.

*Buccinum exiguum, quinq; anfractum, mucrone acuto.*

*Descriptio.*

**A**Tq; ea quoq; exigua cochlea, proximè superiorem non multùm excedens.

Ei color ad pullum accedens.

Testa pellucida, circiter quinq; anfractibus circumvoluta, orbésq; singuli proportione servatâ minuuntur in mucronem acutum.

Testæ apertura paululùm compressa.

*Locus.*

Ea etiam in musco ibidem, ubi proximè superior, copiosè invenitur.

Similem Cochleam an aliam in Pluvialis cinerei majoris Ventriculo observavi.

## TITULUS VIII.

*Buccinum rupium, majuscum, circiter senis orbibus circumvolutum.*

*Descriptio.*

**P**AULO major est grano triticeo, pellucida.

Ei color castaneus; circiter senis anfractibus producitur, æqualiter diminutis.

*Locus.*

In rupibus ad Torrentes in regiuncula montosâ *Crauen* dictâ, & alibi eam Cochleam copiosè inveni.

CAP.

C A P. II.

*De Cochlea anomala.*

TITULUS IX.

*Buccinum parvum sive Trochilus sylvaticus agri Lincolnensis.*

**V**I X piperis grani dimidium implet.

*Descriptio.*

Ei color subflavus, pellucidus.

Ejus basis planior, senis aut septem orbibus in modum Trochili finitur.

In musco ad grandium arborum radices in sylvis Bur-  
wellensis agri Lincolnensis non semel eam inveni: est  
tamen admodum rara bestiola.

C A P. III.

*De Buccinis, quorum orbes ex dextrâ in sinistram con-  
volvuntur.*

TITULUS X.

*Buccinum pullum, opacum, ore compresso, circiter denis  
spiris fastigiatum.*

**E**A verò est Cochlea exigua ; at omnium multo pro-  
ductior, tenuis, ad magnitudinem & modum avenæ  
grani facta ; unciam dimidiā longitudine implet.

Ei color pullus & opacus.

Denis

Denis spiris è dextrâ in sinistram convolvitur.

Ejus basis paulo angustior est, velut alter mucro, mediaq; pars leviter intumescit.

Testæ apertura compressa, angusta, & ad imam ejus partem sinuosa: item ejus oræ leviter reflectuntur.

Locus.

Hæc in fissuris & cavitatibus annosarum arborum frequentes; item in parietibus circa hortos.

In Literis ad me olim datis ita de hâc Cochlea Cl. Johannes Rayus. ‘ Rem sanè curiosissimam te nuper observâsse narras, nimirum Cochleam, cuius spiræ in diversam partem reflectant; cùm inter doctos constans opinio sit, à septentrionali Æquatoris parte Cochleas omnes (motum sc. solis observando) à sinistra dextram versus torqueri. Nec ego unquam inveni, qualem tu describis; sive ergo aliæ sunt hujus generis, sive hæc sola exceptio sit, & diligenter servari & exactè describi depingiq; meretur. Hæc ille.

## TITULUS XI.

*Buccinum alterum pellucidum subflavum, intra senas circiter spiras mucronatum.*

Descriptio.

**F**A Cochlea proximè superiore paulo brevior est; at intra septem plurimùm spiras finitur; è dextrâ in sinistram procedentes.

Ejus basis multo plenior est quàm in superiore, & inde minuitur ad justam proportionem.

In media primæ spiræ circumducitur velut acies quedam acuta eminensq;.

Ei color pallidus ad flavedinem accedens, pellucidus; est tenuis & valde tenera testa.

Locus.

In agro Cantabrigiensi has sæpius inveni ad truncos annosarum Fraxinum.

Martio.

Martio exeunte ex his plurimas notavi Venere con-<sup>coitus.</sup>  
junctas; illud autem perpetuum ex duabus ita copulatis,  
una alteri multo major erat; non leve sanè argumentum  
sexūs discriminis etiam in hisce animalibus.

---

## M E M B R U M III.

*De Cochleis Terrestribus figurā compressā.*

*Hæ sunt earum Notæ characteristicæ.* 1. *Habere in Testæ centro ex alterā parte sinum cavum velut Umbilicū;*  
2. *Intra quinq; spiras finiri.*

---

## C A P. I.

*De Cochleis Terrestribus figurā compressā in specie.*

---

## T I T U L U S XII.

*Cochlea dilutè rufescens, aut subalbida, sīnū ad umbili-  
cum exiguo, circinato.*

**E**S T autem mediocris Cochlea; in latitudine verò di-<sup>Descriptio.</sup>  
midiam unciam raro superat.

Ei color pallidè admodum rufescens, aut subalbidus.

Figura compressa; at paulò minùs quam reliquis duobus  
infrā describendis.

Ad umbilicum, ubi aperturæ limbus sinistior reliquæ  
testæ adnectitur, est sinus quidam rotundus, imò circina-  
tus exiguis.

Ipse animal ferè nigricat: in rependo testæ umbonem  
sursum gerit.

*De Cochleis Terrestribus.*

In sylvis & ad sepium aggeres udos & umbrosos circa Tadcaster; item in iisem locis agri montosi Craven dicti copiosè reperiuntur.

Hæc etiam Cochlea à Turdis conqueritur, iisq; victui est; ex his enim quamplurimas testas invenire licet, quarum duæ trésve ad apicem spiræ præfractæ sunt; qui mos quidem est huic avi, bestiolam, cuiuscunq; speciei sit, è testâ eximendi.

N. B. Est etiam vel varietas vel alia species huic non ita dissimilis in agro Cantiano, paulò major, & minùs coloratus; item cui cavitas ad umbilicum multò minor.

## TITULUS XIII.

*Cochlea cinerea albidáve, fasciata, Ericetorum.*

Descriptio.

**F**lus latitudo in majusculis aliquando tres partes unciæ implet; at id raró.

Ei color cinereus aut subalbidus, fasciis pallidè flavescentibus: in fasciarum ordine & magnitudine, & numero mirus naturæ lufus. Ferè delentur assiduis pluviis, in vacuis præcipue testis, quibus sc. animalia emortua sunt.

Intra quinq; orbes, unus alteri ferè directe superinjetus, terminatur; alterâ parte apex sive mucro parùm aut nihil eminent; alterâ conspicuus & amplius sinus.

T. O. H. S.

In Ericetis & planis campis montosis agri Eboracensis, & similibus locis per totam Angliam frequens.

## TITULUS XIV.

*Cochlea pulla, sylvatica, spiris in aciem depresso.*

**E**llatitudo, quanta unciæ tres partes aut prope implet. Color fuscus aut pullus.

Oris

Oris apertura candida ex parte internâ ; inferior aper-  
turæ pars paulo magis producitur, quâm superior.

Intra quinq; spiras terminatur ; at ullâ è superioribus  
multo compressior est ; adeò orbium extrema pars depri-  
mitur in limbûm acutum.

Sinus autem sive foramem rotundum in orbium medio,  
non nimirum grande.

Est elegans & rara Testa ; at in sylvis agri Lincolnensis  
eam multoties inveni ; per hyemem subter corticem anno-  
farum arborum ; per æstatem in herbâ.

---

## SECTIO II.

*De Cochleis terrestribus, Nudis, Limaces quibusdam  
dictis.*

Atq; haecenüs de *Cochleis terrestribus, Testis contectis*  
egimus ; aliud earum genus *Nudum proximè descrip-  
turi sumus. Ii autem quibusdam antiquis Limaces*  
*appellantur.*

*Harum nota Characteristicæ sunt. 1. Nuditas. 2. Vbi  
Testa in superioribus, ibi cucullus aut palliolum sive  
scutum cuticulare, crassum, & validum.*

---

## CAP. I.

*De Limacibus in Specie.*

---

### TITULUS XV.

*Limax cinereus, maximus, striatus & maculatus.*

**H**I C omnium facilè maximus, pendet.  
Ei color cinereus, aliquando fuscior, & crebris ma- *Descriptio-*  
*culis.*

culis nigris, & virgulis fuscis distinguitur ; de maculis vero ita curiosius observavi, quas sc. in Cucullo habet, esse majusculas & sine ordine hic & illic dispersas : ad alvi verò latera sunt virgulae fuscæ velut undatim pictæ, si non dum conquiescit animal, certè dum ingreditur ita se habere videntur ; at supra ipsam alvum maculae nigræ in duplice serie disponuntur.

Ipsæ venter albescit.

Super humeros sive in medio dorso, crasso cucullo, testæ loco, congettatur ; in hoc sanè magnum præsidium, adeoque subter hunc & caput & cervicem & ipsam alvum aliquousque si molestetur recondit. Item ad majorem sui defensionem ibidem subest Ossiculum latum, leviter convexum.

*Locus.*

In sylvis opacis & ad fundamenta parietum uda, & aliis subterraneis uliginosisque ædium locis frequentes.

*Lapillus.*

Mense Martio Lapillum eximi, atque alterum Augusto, ejusdem formæ & magnitudinis utrumque ; medio sc. animalis cucullo leviter inciso.

Malè autem dicitur is lapis cerebro calvariae loco superimponi, capite tamen reducto intra corpus ei propugnaculi vicem præstare possit.

Hujus lapidis sive ossiculi in nudis quibusdam Limacibus inventi meminit Plinius, lib. 30. cap. 15. lib. 29. cap. 6.

Lapillum quem ego (inquit Aldrovandus) propriis manibus eximi è capite nudæ Cochleæ, postquam in multis frustra quæsivissem, albidus erat, tabæ ferè magnitudine, multò tamen humilior, compressusque magis, modicè transparentis, inæqualis, admodum glaber, parte alterâ planior, alterâ veluti in oculum protuberans, sed dentibus friabilis, ita ut in arenulas atteratur.

De hoc lapillo sic Wormius : Lapis limacis ex iis limacibus petitur, qui sine testis in campis & locis subterraneis vagantur, colore fuscō. Hi in capite Lapillum habent candidum,

candidum, ovalis figuræ, tenuem, planum, aliquantulum convexum, pondere adeò exili, ut tres quos ego possideo, scrupulum non æquent.

Quibus Wormii verbis addo, tres maximos è nostris non quatuor grana pependisse; item partem earum convexam fuisse testaceam; concavam verò veluti cretaceam.

Quòd eidem usui in Medicinâ adhiberi possint, cui Uniones aut lapides Cancrorum dicti, etiam cum æquè bono effectu, nihil dubii est.

His Limacibus victui est non herba tantùm, sed etiam *victus.* papyrus è lino contrito adeóq; exsucco confecta.

Horum Limacum coitus in hunc modum peragitur. In-*coitus.* cunte Augusto ad meridiem, die admodùm serenâ, ex his duos maximos Venere conjunctos vidi; at nec magnitudine æquales, & cutis variâ picturâ præcipue inter se differabant; siquidem alter altero paulo major; illi majori ad caudam virgulæ undatæ fuscæ, huic color paulo albidior, crebrisq; maculis fuscis supra cucullum maximè insigniebatur. Ii autem in aëre liberè dependebant, capitibus deorsum inclinati, de nodo saligno, è veteris cujusdam arboris trunco extante, demissi; corporum verò pondus sustinuit funis crassus, sesquipedalis, è propria saliva confectus, isq; eorum caudis interplicatis affixus est. His ita dispositis, uterq; ingentem Penem exerebat, è dextra cervicis parte prope cornicula. Hi autem primùm piscium vesiculis similes fuere; deinde eosdem, non aliter quam caudas interplicabant. Mirum quantum hi intumuère, pinnisq; quibusdam elegantissimè striatis exornati sunt. Iis color pallidè cyaneus, at altera eorum extremitas nervosa multo albidior; isq; membrorum genitalium plexus, velut mediocre pyrum è dupli petiolo dependens mihi visus est. Tandem à me divulsi sunt, atq; omnino nullam differentiam in membris eorum genitalibus discernere licuit; etiamsi, ut suprà positum est, satis erat in formâ externâ, quo distinguerentur.

Eosdem limaces alio tempore circa mensem Junium in sylvis opacis observavi ex arborum ramis demissos, singulos singulis funibus bipedalibus, crassis & validis satīs ; at è propriā salivā confectis. Est sanè magna affinitas inter humorem illum è quo Araneorum Erucarūmq; fila fiunt, atq; horum animalium salivam.

Circa initium Aprilis aliud mihi observare contigit, horum animalium generationem quod spectat. Siquidem prægrandi aliquo lapide in horto in alterum latus inclinato, aliquot centena Ova subter invenimus : ea autem fuerunt sphærica, unius cuncta magnitudinis, ad piperis sc. albi grana accendentia : iis color albidus ; at inter hæc multi tantum vacui cortices fuere, ipsis sc. animalibus nuper exclusis ; at quæ adhuc integra, paululum flavescebant. Ex his aliquammulta scalPELLi mucrone suspensâ admodum manu aperui ; è quibus singulis singuli hujus speciei Limaces exiēre, albidi aut pallidè flavescentes, iidem autem protinus proreperunt, etiam corniculis exertis, acsi sponte nascerentur : adeò in ipso exclusionis momento obvenimus.

Illud præcipuè notandum, coitum Augusto mense perfici, Limacēsq; ad Aprilem usq; mensem in ovo permanisse.

## TITULUS XVI.

*Limax cinereus, parvus, immaculatus, pratenus.*

*Descriptio.*

S parva Cochlea est ; minimi digiti articuli primi crassitie ; neq; in justâ extensiōne ultra sesquiunciam longus.

Ei color cinereus, immaculatus ; nonnulli tamen in his fiunt, qui flarent.

Item huic ad posteriorem partem pallioli subter latet exiguum ossiculum, ovale, pellucidum. In

In herba pratenſi & alibi paſſim reperitur.

Locus.

Iis pleræq; herbae viciiſ ſunt ; at Fungi, etiam piperatus, *Vicius.*  
in deliciis ſunt.

Poſt affiduas pluvias circa exitum Junii ex his plurimos *coitus.*  
Vénere copulatoſ ad ſepium agḡeres vidi ; è dextrâ verò  
cervicis parte utriusq; per omnia ſimile, quantum obſer-  
vare liceret, genitale membrum emiſſum. Atq; id quoq;  
argumento eſt, has ſpeciem à proximè ſuperioribus eſſe  
diſtinctam ; quod in ſingulis ſpeciebus, ex adultis ſunt  
qui coēunt, & ad juſtam magnitudinem quam proximè  
pervenerunt.

Ab hoc Limace in manibus recepto, emittitur quidam *Humor lacteus.*  
humor laeti ſimiſiſ, velut à pifeibus masculis & in oſtreis  
aliquando obſervare licet. An ſemen genitale ?

Illud insuper de hâc bestiolâ notavi ; quod ſc. occide-  
rat, aut forte occiſum invenerat, ſcarabæum quendam  
majusculum ; ejusq; pectori capite tenuiſe intruſiſſet, ut  
eius viſcera depaſceretur.

## TITULUS XVII.

### *Limax ater.*

Gesneri de Aquatil. lib. 4. pag. 254. *Cochlea nude tertia*  
*tota nigra* Aldrov. de insectis lib. 6. cap. 10.

**L**S maximus limax eſt : pendet. In ſuperiore corporis *Descriptio.*  
parte totus aterrimus.

Venter ei albescit, aliquantulum ad cæruleum vergens.

Cervix & cauda rugis profundis & inæqualibus velut  
exasperatur : at Palliolum ſive ſcutum lævius.

Ex his nonnullos ex atro rufefcentes aliquoties obſer-  
vavi ; at id per accidens fuiffe existimo.

*De Cochleis Terrestribus.*

Locis.

In pratis uidis, & locis umbrosis, etiam supra celsissimos montes frequens. Mense Februario prorepunt, quo tempore ob diutinam inediā valde extenuantur.

Viētis.

Iis promiscuus victus est è qualibet herba ; eorum excrementa, cùm virides herbas depascunt, viridia ; cùm verò folia marcida & rufescētia, similiter colorata : fungi etiam piperati iis in deliciis sunt.

Ova.

Sub initium Maii ad radices Lapathi, paululūm sub terram eorum Ova velut in massam conglomerata invenimus ; his autem color pallidè cærulea, singula ad magnitudinem piperis grani, sphærica, cortice molli contecta.

vene lactee.

In hujus abdomine dissecto ingentem venarum lactearum copiam, circa intestina discurrentia advertere licet ; & numero & magnitudine sanè animalis modum multūm excedentium. In eo autem à lacteis in animalibus sanguineis differunt, quòd hæ nostræ lacteo liquore perpetuò turgescunt, aut certè tantum ejus humoris in se continent, quòd semper discerni possint ; illæ verò, nisi certis à pastu horis, prorsus vacuae sunt, & ex toto deplentur. An ideo nobis conjecturam facere liceat, has chyli etiam conceptaculo & promocondo esse, unde iis sufficiat, quofamem diutiūs perferant ?

Palliolum sive scutum in multis centenis hujus speciei animalibus incidi : at nunquam lapidem, qualem in primo hujus Sectionis descripsimus, inveni : in aliquibus verò velut cretam albam in arenulas friabilem.

Hujusmodi Animalia in sole siccari possint integra ; quod, ad eorum præservationem ipse expertas sum.

Horum summa Cutis ob intensam nigredinem maximè notabilis, ut nihil suprà. An adeo aliquomodo illa adhæri possit in pictura aut aliàs, vide.

LIBRI  
COCHLEARUM ANGLIÆ  
PARS III.

*De Cochleis Fluviatilibus.*

SECTIO I.

*De Cochleis Fluviatilibus Turbinatis in genere.*

Cochlearum Fluviatilium Turbinatarum hæ sunt note characteristicae. 1. *Ipsa animalia Corniculis donari aut tenuibus aut ramosis, aut capillaceis; eorum vera universis ea extrema in apicem mucronatum terminari.* 2. *Binatantum Cornicula habere.* 3. *Testarum aperturas parum aut nihil reflecti.*

MEMBRUM I.

*De Cochleis Fluviatilibus turbinatis; quibus validior & crassior Testa; atq; ea Operculo Testaceo clausa.*

CAP. I.

*De Cochleis, quarum calices suis operculis testaceis claudantur.*

TITULUS XVIII.

*Cochlea maxima, fusca sive nigricans, fasciata.*

**E**A autem ad vulgarem hortensem terrestrem secundi Tituli magnitudine quam proximè accedit; imò aliquando superat; etenim ex his vidi, cui erat selluncialis longitudo à summo vertice ad extremam basin.

Ei.

Ei color fuscus sive niger; ita ut, ubi viva testis insunt animalia, testarum fasciæ vix notari possint: siquidem duabus aut tribus non nimirum latis fasciis fuscis circumdatur.

Paulo productior est, quam terrestres primorum Titularum.

Ei crassior & validior Testa, quam ulli è reliquis fluviatilibus Turbinatis Cochleis infrà describendis, unâ Nerritâ exceptâ.

Orbes sive anfractus rotundi; numero quinq; ; quorum unus ab altero minùs occultatur, magis tamen propendent: definit Testa, et si compactili admodum figurâ, in mucronem valde acutum tenuémq;, at brevem.

Orbium apertura ferè circinata; ad cujus sinistram partem, ubi anfractui insedit, est quidam sinus profundus, angustior.

Huic Operculum testaceum, tenuè admodum, pellucidum, rufescens, striis circularibus distinctum; qua verò animali adnectitur exiguum Tuberculum paululum eminet, cui ex alterâ parte cavum respondet. Operculum Plantæ parti exteriori, sive ad ejus calcem, ut ita dicam, adnectitur.

Ipsius animalis caput velut bovinum; illud verò & cornicula, plantæq; pars exterior interiörq; admodum eleganter colorantur; flavo sc. crebris minutissimisq; maculis fuscis interstincto.

Huic cornicula crassa, at mucronata.

In Fluvio *Cam*, infra vicum *Chesterton* dictum, agri *Cantabrigiensis* copiosè inveniuntur; alibi etiam frequentes in Paludibus, qualis est *Pottery Carr* dicta juxta *Doncaster*. Item in Fossis ad fluvium *Darwent* juxta *Bubwith* octavo ab Eboraco milliari magnâ copiâ reperiuntur.

Vescitur foliis *potamogeton*, aut aliis herbis fluviatilibus.

Illud

Illud singulare, ei esse excrementa figurata, exigua ad modum & figuram hyperici seminis, etiam si sit bestiola æquè magna ac quævis Cochlea terrestris. Plura excrementa simul ejicit, velut oves aut cuniculi.

Has Cochleas viviparas esse, primùm didici à Clar<sup>mo</sup> viro D<sup>no</sup> Plot nostro. Vide Hist. Naturalem agri Oxoniensis nuperimè editam.

---

## TITULUS XIX.

*Cochlea parva, subflava, intra quinq; spiras finita.*

**F**ST parva Cochlea ad magnitudinem fabæ equinæ ; *Descriptio.*  
ejus longitudo trionalis.

Ei color subflavus, qualis in cornu pellucido, aut olivâ viridi conditâ ; at paulo fuscior.

Testæ apertura ovalis ; operculo pellucido testaceo, cochleatōq; clauditur.

Intra quinq; anfractus finitur ; hujus orbes proportionem inter se observant.

Ipsius animalis cornicula numero bina sunt, capillacea, aut certè valdè tenuia.

Copiosè reperitur in multis fluviis ; maximè in aquis *Locis.* stagnantibus.

## C A P. II.

## De Nerita Fluviatili.

## T I T U L U S XX.

*Nerita fluviatilis*, è cæruleo virescens, maculatus, operculo subrufo lunato & aculeato datus.

*Descriptio.*

**E**I longitudo paululùm supra unciæ quartam partem ; latitudo ferè intra eandem mensuram.

Testa etiam si exigua sit, tamen valida est, crassâq; sanè longè supra modum cæterarum quarumcunq; testarum fluviatilium.

Ferè intra alterum orbem finitur, vix ad tertiam producitur ; vertex parùm aut nihil eminet.

Testæ apertura est figurâ lunatâ, sive ad dimidium circulum per centrum dissectum.

Testæ color è cæruleo virescit, maximè si aquâ illam intuearis ; item ea maculis fuscis in modum operis cujusdam reticulati pulchrè distinguitur.

Ipse animal albescit, duobus corniculis capillaceis datur, juxta quæ oculi, tanquam exigua punctula nigra planè conspicuntur.

Hujus exteriori limbo adnectitur velut unguiculus sive operculum lunatum, subrufum, tenue, testaceum : huic adest quidam velut aculeus, in coctis animalibus facilè discernendus.

In vadis lapidosis fluvii *Ouse* juxta *Fooforth* & *Clifton* copiosè inveniuntur ; item influvio *Wharfe* : item in Fluvio *Lune* agri Lancastriensis supra pontem juxta *Kerby-Lannsdale*.

M E M-

MEMBRUM II.

*De Cochleis Fluvia libus admodum tenui testâ datis longioréq; figurâ, sive de Buccinis fluvia libus; quorum aperturae amplissimæ semper patent.*

---

CAP. I.

*De Buccinis fluvia libus, à dextrâ sinistram versus convolutis.*

---

TITULUS XXI.

*Buccinum longum 6 Spirarum, omnium & maximum & productius, subflavum, pellucidum, in tenuie acumen ex amplissimâ basâ mucronatum.*

*Turbo lavis in stagnis degens Aldrov. De Testaceis lib. 3. pag. 359. n. 3. ubi ejus figura habetur.*

**E**A omnium congenerum & productior & facilè maxi- *descriptis.*  
ma Cochlea. Ejus longitudo sesquiuncialis; basin verò, quâ plenior est, linea ferè binuncialis comprehendit. Ei color subflavus; éstq; testa valdè tenuis & pellucida.

Ingens Testæ apertura, ovalis; adeóq; ipsa prima spira amplissima est; reliquæ verò quinq; admodum tenues, inq; mucronem acutum producuntur.

Ipse animal Testæ inhabitans binis corniculis latis, tenuibus, mucronatis insignitur: ex his verò nonnullas vidi,  
T qui-

quibus cornicula in exiguo ramos more cervorum diducabantur.

Binos ejus oculos aliquis facilè discernere possit, velut punctula nigra ad corniculorum radices. Sunt etiam juxta oculos ferè conjunctim cum iis, at paulo anteriùs, meatus quidam exigui an auriculares, aut bronchiales?

Ipsius animalis labrum superius amplum est, latèq; explicatur, ut ei velut alteræ pinnæ sint.

Cùm ejus Planta plenè explicatur, & versus cœlum spectat, natat bestiola: eâ verò replicatâ, totóq; corpore intra testam reducto, illicò subsidit animal.

Huic Cochleæ excrementa longa, instar vermiculorum figurata.

*Locus.*

In Meridionalibus Angliae partibus admodum frequentes; nec nimiùm raræ circa nos, præcipue in paludibus. In fossis *Pottery Carr* dictis plurimas ibidem observavi ingenti magnitudine.

Herbas fluviatiles ut *Potamogeton* &c. depascunt.

*Cœtus.*

Medio Septembri eas in Cœtu deprehendi; ex his aliquot in vase vitro capaci servavi, quæ tum per aquam nando, membra genitalia alba exerebant è dextrâ cervicis parte.

*Ovis.*

Item Vere coeunt, quod ipsi sèpiùs vidimus. Maio in eunte in quibusdam Piscinis, ubi hæ Cochleæ abundârunt, & paucæ aliæ repertæ sunt, harum semen genitale magnâ copiâ observavimus; herbis autem quibuslibet aquaticis adhærebat, eratq; hujusmodi: longitudinem unius annæ aut duarum aliquando, crassitudinem pennæ anserinæ majuscule implebat; teres admodum; utrâq; extremitate paulò tenuius & obtusum; instar crystalli pellucidum; tactu satìs firmum; si illud luci oculisq; interponas, innumeræ exiguae Cicatriculæ figurâ ovali tibi fient manifestæ; ordinatim dispositæ; quibus omnibus juxta cicatriculæ limbum singula sua punctula flavicantia.

*Ha.*

Hæ Cochleæ acu aut scalpello incisæ, aquam tingentem humorem nullum emittunt.

---

## TITULUS XXII.

*Buccinum minus fuscum, sex spirarum, ore angustiore.*

**P**roximè superiori in plerisq; notis valdè similis est testa : at multo minor ; item si magnitudine æquales ex illis una, ex his altera, inter se conferantur, hujus os sive Testæ apertura dimidio angustior est quam illius.

Ei color fuscus & minimè pellucidus, si id in vivis animalibus & ubi testæ recentes & integræ sunt, advertatur.

Item hujus testa multo validior, nec adeò tenuis. In cæteris probè conveniunt.

Hæc admodum frequens in stagnis circa Eboracum, ut *Locis.* in eo quod appellatur *Hodman-Hoe-Pitt* juxta *Acome.*

Ipsum animal ab incisione nullum emittit liquorem coloratum.

---

## TITULUS XXIII.

*Buccinum pellucidum, subflavum, quatuor spirarum, mucrone acutissimo, testæ aperturâ omnium maximâ.*

**F**ST tenerrima & tenuis admodum testa, subflava, *Descriptio.* pellucida.

Rictus sive testæ apertura ingens, omniūmq; facilè maxima, siquidem ei longitudo ferè uncialis, latitudo verò paululùm supra dimidiā unciam.

At totius testæ longitudo vix uncialis supra quadrantem : adeò ex quatuor spiris quibus constat, tres imæ exiguae

*De Cochleis Fluviatilibus.*

sunt, unius superioris respectu: ipsa tamen infima admodum acuta & tenuis licet exigua sit.

In maximis ex his testis, quales jam designavimus, ad exteriorem partem aperturæ sunt quædam rugæ sive plicæ radiatæ; at in mediocribus nullæ.

Ipse animal flavescit; duobus latissimis corniculis, tenuibus, mucronatis insignitur; quæ in his pinnarum locum & effectum præstare videntur.

Utrinq; ad corniculorum radices juxta caput sunt singuli Ocelli, velut nigra punctula calami scriptorii mucrone depicta.

*locus.* In Fluviis & aquis stagnantibus ubiq; per Angliam frequens; in his verò maximæ inveniuntur.

*ora.* Ejus humor, puncturâ emissus, aquam minimè colorat.

Ineunte Aprili ingentem vim seminis cuiusdam genitallis cuilibet herbæ fluviatili adhærentis observavi. Id autem distinguebatur innumeris exiguis granulis subfuscis more spermatis ranarum dicti. Illam verò hujus Cochleæ fæturam esse hac ratione didici. Ex his aliquot diu apud me in aquâ servavi, donec plurimæ exinde nascerentur hæc ipsæ Cochleæ.

Medio Maio harum sperma diligenter observavi; erat autem crassum, paulo longius supra unciam dimidiā; instar crystalli pellucidum. In cuius medio (adhuc enim non resolvebatur), inerant plurimæ exiguae Cochleæ ad magnitudinem seminum papaveris; ipsa tamen testæ figurâ maximè notabiles & facilè cognoscibiles.

## T I T U L U S XXIV.

*Buccinum subflavum, pellucidum, trium spirarum.*

*Descriptio.*

**S**upra modum tenuis & tenera est hæc Cochlea; adeoq; admodum pellucida & lævis est, de vacuâ testâ loquor.: Ej.

Ei color subflavus, aut albidus.

Longitudine multum superat maciam dimidiam.

Ei ingens testae apertura, ovalis, qualis in plerisq; hu-  
ijs capitis.

Intra tres spiras finitur ; quarum duæ inferiores ad mu-  
cronem admodum exiguae ; ipse mucro obtusior.

Ipsius animalis cornicula bina aurium instar aut pinna-  
rum, tenuia, lata, mucronata.

In Flaviis optimæ & saluberrimæ aquæ admodum fre- L. 19. cap. 2.  
quentes ; & alibi etiam in aquis stagnantibus non raræ.

Est autem animal Amphibium ; siquidem æstate fluvios  
libenter deserit ; herbam depascit, salicūmq; summa vi-  
mina scandit.

Hæc Cochlea, aversam sive pronam Faciem quod  
spectat, optimè depingitur apud doctissimum Tulpi-  
um\*, de quâ etiam rem mirandam refert ; sc. ' quandam \* Observ. Mi-  
' vetulam annum octuagesimum nonum agentem, ubi inte- dic. lib. 3. cap. 7.  
' grum triennium tulisset animosè in vesica urinaria Calcu-  
' lum ponderantem tres uncias cum duabus drachmis, eni-  
' xam fuisse tandem felicissimè lapideum hunc factum, cum  
' duobus N. B. Cochyliis, foris itidem lapideâ crustâ ob-  
' ductis.

Profectò, quantum dicere licet de picturâ, ea Cochy-  
lia ab eo dicta ex his nostris Cochleis planè fuerunt.

## C A P. II.

*De Buccino fluviatili, cuius spiræ à sinistrâ in dextram convolvuntur.*

---

## T I T U L U S XXV.

*Buccinum exiguum, trium spirarum à sinistrâ in dextram convolutarum.*

Descriptio.

**E**ST Cochlea vix trientalis; nec magnitudine vulgari piso par.

Ingens apertura, ovalis more cæterorum sui generis.

Anfractus tantùm tres; quorum duo infimi exigui admodùm, si unum superiorem respicias. A sinistrâ versus dextram convolvuntur.

Est testa tenerrima, tenuis admodum, pellucida, lævis.

Ipsi animalis cornicula capillacea.

Locus.

Hæ Cochleæ copiosè inveniuntur in quodam rivulo ad meridiem vici Heyworth dicti juxta Eboracum; & alibi in aquis stagnantibus frequentes.

M E M-

M E M B R U M III.

*De Cochleis fluviatilibus, turbinatis, figurâ depressâ.*

*Harum Cochlearum notæ characteristicæ sunt. 1. Habere cornicula rubra capillacea. 2. Ipsa animalia colore pullo esse. 3. Coccum fundere.*

---

C A P. I.

*De Cochleis suprà distinctis in specie.*

---

T I T U L U S XXVI.

*Cochlea pulla, ex utraq; parte circa umbilicum cava.*

**H**ujus latitudo ferè uncialis ; crassities quadrantal is. *Descriptio.*  
Ei color pullus.

Anfractus circiter quatuor, pleni, quorum unus alteri recte superinjicitur.

Aperturæ margo ad inferiorem partem paululum exten-  
ditur velut labrum.

Est etiam utrinq; cavum ad centrum sive umbilicum  
anfractuum ; quod tamen minus est in parte superiore,  
quam in inferiore.

Ex his minores videntur canaliculati ; at id admodùm  
leviter densis & minutissimis striis ; in siccâ verò testâ eæ  
vix apparent.

Ipse animal in aquam injectum seipsum exerit osten-  
dítq; ; ex nigro rufescit ; duobus corniculis rubris & ca-  
pillaceis insignitur..

Ex.

*De Cochleis Fluvialetibus.*

Ex his Cochleis magna copia habetur in Fluvio *Cam* & in rivulo *Fosse* dicto juxta Eboracum : & alibi per Angliam frequentes admodum ; maximè in paludibus & aquis stagnantibus.

Humorem coccineum expuit *Cochlea*, si Testae aperturæ injiciatur vel salis mica, cujuscunq; generis, aut piperis gingiberisve paululum. An verò iste humor ex corporis habitu proveniat, ut sanguis ab incisione, dubitatur ; tamen à corniculo juxta caput præciso is mihi visus est emitte, item levi corporis puncturâ profluere ; at id genus experimentum difficulter tentatur, ut certò statuamus, an ex ipso vulnere erumpat nec ne. Verisimilius est, eam vel salivam esse circa fauces & ventriculum, aut peculialem humorem proprio vase contentum.

Eundem humorem coccineum toto anno, Aprili certè & Septembri lacesita exhibit.

Iste humor sic expeditè haberi potest in magnâ quantitate : harum Cochlearum copiam in linteum facculum conjice ; deinde iis insperge salis paululum ; illico copiosè distillabit humor coccineus.

Humori autem sic emissò si aluminis pollinem inspergas, pretinus subsidit pars ejus colorata, reliquìsq; humor instar aquæ limpidus fit. Si ad eundem modum cum sale & alumine experimentum facias de humore subcæruleo ab incisione emissò in terrestribus nonnullis Cochleis, nihil colorati dejicies, at totus in quoddam gluten subcæruleum indurabitur.

Insuper pars ejus colorata chartâ bibulâ separari potest ; at perit quidem coloris venustas & in pullum sordidum utatur.

Sin autem aceto misceatur, aut vini spiritu dicto, aut salis deliquio è plantis ustis purgati, aut salis communis diluto, non aliter quoq; quam cum alumine perit ejus humoris coccinea elegantia.

Per

Per se quoq; emissus, difficulter admodum fervatur ; il-  
lud certè frustra experti sumus in angusti oris ampullis be-  
ne clausis, etiam oleo superinjecto, melléve circumfuso.

TITULUS XXVII.

*Cochlea fuscata, alterâ parte planior, & limbo insignita,  
quatuor spirarum.*

**F**lus latitudo paulo supra dimidiā unciam ; crassitu- *Descriptio.*  
do verò unciae octavam partem vix implet.  
Ei color fuscus.

Intra quatuor spiras terminantur orbes ; quorum unus  
alteri directè superinjicitur.

E medio orbe limbus notabilis extat, quâ sc. parte pla-  
nior videtur ; at est leviter cava ad umbilicum utrinq;

Ipse animal nigricat ; binâq; cornicula rubra exerit ca-  
pillacea.

Eundem coccineum humorē cum superiore effundit.

Ubiq; admodum frequens & in Flaviis & in aquis stag- *Locus.*  
nantibus.

Has in coitu observavimus circa medium Maium. *Coitus.*

TITULUS XXVIII.

*Cochlea exigua subfuscata, alterâ parte planior, sine lim-  
bo, quinq; spirarum.*

**H**ujus latitudo vix unciae tertiam partem, at crassitu- *Descriptio.*  
do vix decimam sextam unciae partem implet ; ut  
dimidio tenuior sit quam ulla è proximè superioribus e-  
jusdem latitudinis.

*De Cochleis Fluviaſtilibus.*

Ei color ſubfuscus aut nigricans.

Huic deeft limbus ; at parte alterâ sc. ſuperiore planior est, & ubi limbus in proximè ſuperiore, ibi velut acies.

Deniq; quod maximè notabile eft, huic ſpiras quinq; numerare licet.

Circa Eboraę in aquis stagnantibus aliquoties eam inveni ; in Fossilis verò Paludis *Pottery Carr* dictæ ſati frequentes ; in fossilis ad Fluvium *Darwent* juxta *Bubwith-Perry* magnâ copiâ habentur.

## SECTIO II.

*De Cochleis bivalvibus, ſive de Musculis aquæ dulcis.*

*In hoc convenient, utramq; valvam æquè cavam eſſe.*

## CAP. I.

*De Musculis Aquæ dulcis.*

## TITULUS XXIX.

*Musculus latus, testâ admodum tenui, ex fulvo virideſcens, interdum rufescens.*

*Chama-glycymeridi ſimilis, ſed majoris mytuli species.*  
Aldrov. de Teſtaceis lib. 3. pag. 472. ubi etiam fi-  
guram videbis.

*An Chama glycymeris Margaritifera Velscri. Ephemerid.*  
German. Anni 3. Observat. 36.

*Discriptio.*

**F**I latitudo ad duas uncias ; longitudo ad tres uncias & dimidium : at hic omnium maximus fuit, quem ego unquam inveni in nostris fluviis ; nam pleriq; paulo minores funt.

*Ex.*

Ex his verò ipsis Musculis plurimos invenimus in fossis Paludis *Pottery Carr* dictæ juxta *Doncaster*, quibus longitudo ferè quinq; uncialis, latitudo paululum supra duas uncias & dimidium. Horum tamen testa & tenuis & lævis; siquidem ambæ valvæ ab omni carne purgatæ alicujus Testæ mensuræ suprà positæ pendebant tantùm scrupulum unum supra quinq; drachmas. Item in rivulis paludosis juxta *Sawterforth* agri Cravenensis, ut mihi relatum est à fide dignis authoribus, similes ingentes musculi reperiuntur.

Testa quodammodo pellucida est; cui color ex fusco rufescens, interdum (idq; perpetuò in maximis & minimis) leviter virescit.

Valvarum internus color ex argenteo cæruleus, mirè resplendens.

Umbones, ubi valvæ conjunguntur, parùm aut nihil eminent, sed æqualiter rotundi sunt: neq; ulla inæqualitas in valvarum cardinibus discernenda est; atq; intùs etiam ad cavitates umbonum summa æqualitas.

Ipsius piscis caro subrufa.

Hos musculos copiosè invenimus in Fluvii *Air*, & *R. Locus.* *Rippon* dictis agri Cravenensis; item in Fluvio *Tare* juxta *Rippian*; & alibi locis suprà nominatis.

In limo arenoso ita sese collocant. Valvarum cardines sursum spectant, earumq; oræ tenuiores intra limum profundè demittuntur, & ferè ex toto conduntur, exceptâ alteræ extremitatis obtusioris exigua parte; at in eâ caput animalis, adeóq; ea, valvis sc. modicè diductis, ferè semper quasi rimulam facit, quâ notâ eos expiscari expeditum est.

Hi musculi Cornici victui sunt, qui ut piscem eximat, rostro valvas confringit; ideóq; hæ aves aquas frequenter; & à reliquis id genus avibus propterea ab aquâ Cognomen Anglicè accipiunt.

## De Cochleis Fluviatilibus.

In vetustioribus plerisq; valvarum interna pars alicubi aspera & inæqualis est, velut verruculis distincta ad magnitudinem papaveris seminum. Harum autem nonnullæ vel leviter tactæ decidunt ; at pleraq; valvis nimirum firmiter adhærent. Hæc sanè valvarum vitia, an verò illæ margaritæ habendæ, alii judicent.

<sup>\* Lib. 9. cap. 35.</sup> Illud à Plinio \* proditum est, Uniones reperiri solere rufos & parvos in Conchis quas Myas appellant ; recentioresq; multi idem confirmant. Ita Veiscius, loco suprà citato, de quibusdam Musculis lacustribus, quos ex figurâ depictâ nostros esse conjicio.

In lacu, inquit ille, non longè à Viennâ Austriae Musculi pictorii sunt, è quibus dissectis Margaritas non paucas ipsi exemimus ; quarum pars Valvarum interiori superficie ob id asperæ, fixa est, pars sponte exciderat & in carne latebat ; coloris tamen non albi, sed subflavi & subobscuri, quem splendor quidam argenteus illustrabat.

E nostris etiam scriptoribus olim sic quidam Anonymus : \* Hi aliis musculis Fluviatilibus paulò minores sunt, & magis nigricant. (An intelligendum est de proximè sequentibus.) Ex iis in agro Buckengamiensi aliquot vidi ; at in Fluvio Clun dicto agri Salopiensis præcipue abundant. Ex iis a. ipse Margaritas exempti ; illudq; perpetuum esse didici, sc. eos tantum Musculos Margaritas in se continere, qui extrà inæquales & asperi velut nodis interstincti ; læves rursus illis omnino vacuos fuisse.

\* See the additional notes of D. E. to Sir Hugh Platts Jewel-house.

TITULUS XXX.

*Musculus angustior, ex flavo viridescens, validus, Umbo bonibus acutis, valvarum cardinibus velut pinnis donatis, sinuosus.*

**H**UIC longitudo circiter uncias tres & dimidium, latitudo ad unciam unam & dimidium; hujus mensurae duæ Valvæ drachmas septem & triginta quinq; grana.

Valvæ crassæ, validæ, & ponderosæ.

Color ex flavo viridescens, interdum ex summa viriditate infuscatur.

Ejus altera extremitas multum ab umbonibus producitur. Umbo uterq; ad cardines acuti, & paululum eminent. Ipsi Cardines sinuosi, & velut pinnis donati. Etiam cavitas interna ad cardines sinuosa & inæqualis.

Valvis internis color in mediocribus ex argenteo cœruleus, in vetustioribus & maximis ex argenteo rubescens.

Ipsius animalis caro paulò albidior est quam in superiori.

Hi in Fluvio *Ouse* & *Fosse* juxta Eboracum copiosè inventiuntur; item in Fluvio *Nid* ad pontem *skip-brig* dictum.

In his, sicut in proximè descriptis, duo sunt crassa & valida ligamenta nervosæ, una atq; alterâ concharum extremitate disposita, per quæ animal valvis suis adhæret, quibusq; medianibus eas aperit clauditq;.

Horum autem ipsorum ligamentorum Capitibus, quæ sc. valvis adhærent, circiter 16 margaritas in uno musculo inveni, à magnitudine papaveris ad piperis grana: ex minutis verò aliquot fūrē admodum rotundæ, cæteræ autem majusculæ asperæ & inæquales. Hæc sanè senescentia

tium Musculorum vitia sunt: nam in mediocribus multis dissectis non unam quidem inveni: adde quod in imis ligamentis haec Margaritae velut thecis dispositae fuerunt; non aliter quam Calculi in renibus, aut alias in animalium sanguineorum carne nati. In reliquo autem pisce nihil. Illud tibi manifestius patebit, si parum coquantur musculi & non crudi dissecantur.

Horum Musculorum aliarumque Cochlearum testae si in acri lixivio coquantur, earum exteriore & decolores membranæ separari possint: primò sc. mollis & colorata membranula abstergitur, deinde aliis ex media materia velut cretacea cortex abradendus est, sub quo Margaritarum splendor totam utrinque testam occupat. Concharum sic purgatarum pulvis in usu medico margaritarum usum optimè, ut opinor, supplere possit; sanè accommodatissimus est ad medicamenta quævis, in quibus requiruntur vel ipsæ margaritæ, vel Oculi cancerorum dicti, vel coralium.

## TITULUS XXXI.

*Musculus exiguis, pisí magnitudine, rotundus, subflavus, ipsis valvarum oris albidis.*

Descriptio.

**F** JUS maguitudo ad modum pisí vulgaris, aliquando æquat nucem mediocrem è corylo.

Testa utraq; intus foras lævis, tenuis, pellucida.

Ei color subflavus sive corneus, exceptis ejus extremis oris, quæ albescunt.

Ejus figura subrotunda est; nam singulæ valvæ admodum cavæ sunt, & in dorsum multum elatae, & æqualiter ab utraq; cardinum parte extenduntur, qui ferè in mediis valvis sunt; ut ad rotundam figuram proximè accedat.

In

In aquis stagnantibus circa Eboracum copiosè inveni- *Locus.*  
untur in fossis autem paludis sæpiùs nominatæ juxta *Don-*  
*caster* duplo majores sunt quàm alibi.

---

S E C T I O III.

*De Cochleâ fluvia*tili Univalvi, sive de Patellâ.**

---

T I T U L U S XXXII.

*Patella fluvia*tilis, fusca, vertice mucronato, inflexo*q;***

**H**ujus basi latitudo paululùm supra tertiam unciaë par- *Descriptio.*  
tem (de majusculis, quas unquam inveni, loquor;  
nam pleræq; dimidio minores sunt) à vertice verò ad ba-  
sim vix quartam unciaë partem implet.

Ejus vertex mucronatus; at qui veluti in hancum infle-  
xitur.

Ei vivæ, & faxis adhærenti color fuscus.

Testa autem vacua, tenuis & fragilis & pellucida est.

Ipsius animalis Planta, quæ pedum vicem supplet, nam  
de loco in locum, vixtus ratione, se movere solet, rotun-  
da est, adhæsioniq; aptior.

Ex his majusculas in Fluvio *Air* multis in locis inveni; *Locus.*  
multo minores sunt qui in vadis lapidosis Fluvii *Ouse* &  
*Wharfe* reperiuntur.

Exeunte Septembri ejus sperma faxis adhærens copiosè  
observavi: erat autem in minutis globulis gelatinæ instar  
dispersum: jam verò in singulis globulis plures exiguae pa-  
tellæ vel ipsâ figurâ discernere & cognoscere potui. In Coi-  
tu verò altera alterius verticem scandit, inseditq; plu-  
resq; sic copulatas tunc temporis notavi.

COCHLEARUM MARINARUM  
ANGLIAE  
LIBER.

**P**Roximè superiore Tractatu Cochleas tūm terrestres tūm fluviatiles diligenter exposui; jam verò ad Cochleas marinas nostræ Insulæ venio: atq; illa novi operis ratio fuit, sc. materiae proxima cognatio. Deinde cùm opus alterum de Lapidibus, in Cochlearum modum figuratis, jam olim meditatus fueram, idq; penè ad umbilicum perduxeram, hoc eo curiosiùs explicuisse volui, quo inter alia ea mihi indè nasci visa est utilitas, ut, rebus utriusq; generis inter se collatis, certum aliquid judicent viri, rerum naturalium studiosi, an istæ Figuræ è testis marinis verè orientur, quod pleriq; volunt; aut sui generis lapides perpetuò extiterint, & cum ipsis montibus natì.

Ut autem harum Cochlearum marinarum copia nobis daretur, ipsi litus Orientale, quod Danemarchiam spectat, & Occidentale, quod adversus Hyberniam positum est, pluribus in locis visitavimus: aliásq; nonnullas ab aliis Angliæ partibus per amicos fide dignos investigavimus. Adeò illud verissimum est, quod præcipue nobis proposuimus, omnes has species à me descriptas in nostro mari inventas esse. Quot verò desint, alii, quibus & loci opportunitas & otium est, diligenter inquirant: & nobiscum, si ita videbitur, pergratum enim facient, eas communicent.

Hæc a. omnia cum Rondeletii, Gesneri, Aldrovandi descriptionibus sedulò contulimus. At, ne mireris, tam pau-

ea ex nostris iis fuiffe cognita, scire licet, illos aut alterius Orbis rariora Conchylia, aut sola mediterranea edidisse; nonnulla tamen, ab iis descripta invenio, quæ nobis forte cum mediterranei maris Conchis communia sunt.

Sed hæc quidem mediocria sunt; ex iis tamen multa ad vitæ usum hodiernum; alia olim ad luxuriem & pompam; omnia sanè ad Historiæ rerum naturalium consummationem, adeóq; ad Philosophiæ profectum conferunt.

---

X

C O C H.

---

Cochleæ Marinæ	Turbinatæ	Intortæ sive anfractuofæ,	Testæ aperturâ sinuatâ sive canaliculatâ;
			<i>Buccina rostrata</i> dictâ. { læves, n. j. { striatæ, n. v.
Bivalves	Univalves,	planâ aperturâ, { figurâ productiore, n. ij. { breviore, { Cochleæ-formes, n. ij.	planâ aperturâ, { figurâ productiore, n. ij. { breviore, { Cochleæ-formes, n. ij.
			Umbone minimè omnium extante, <i>Nerita</i> dictæ, n. iij. Basi latâ & planâ, figurâ cono-eide, <i>Trochus</i> dictæ, n. ij.
		Aperturâ omnium patentissimâ, perforatâ, <i>Auris marina</i> , n. j. Aperturâ in angustam rimam formatâ, <i>Concha Veneris</i> quibusdam, n. j. Orbes non habentes, { Echinus dictus, n. j.	Aperturâ omnium patentissimâ, perforatâ, <i>Auris marina</i> , n. j. Aperturâ in angustam rimam formatâ, <i>Concha Veneris</i> quibusdam, n. j. Orbes non habentes, { Echinus dictus, n. j.
			Ex omni parte arctè clusiles, non striatæ, { Conchæ à me dictæ, n. viij. { Asperæ, valvis dissimilibus, <i>Ostrea</i> dictæ, n. ij. { Setiferæ, <i>Musculi</i> dictæ, n. j.
		striatæ, { Auritæ, valvis dissimilibus, <i>Pectines</i> , n. iiiij. { Non auritæ, valvis æqualiter concavis, <i>Pectunculi</i> , n. iij. { Minùs concavæ, quibus altera pars in angustiorem angulum porrigitur, figurâ veluti rhombœide ; <i>Tellina</i> quibusdam, n. j.	striatæ, { Conchæ à me dictæ, n. viij. { Asperæ, valvis dissimilibus, <i>Ostrea</i> dictæ, n. ij. { Setiferæ, <i>Musculi</i> dictæ, n. j.
			Alterâ aut utrâq, parte semper hiantes, { Læves, n. ij. { Striatæ, ad cardinem fimbria extrinsecus reflexa, apophysî longâ, & angustâ, n. ij.
			{ Loco mobiles, vertice integro, <i>Patella</i> , n. j. { Fixæ, vertice operto, <i>Balanus</i> , n. j.









COCHLEARUM MARINARUM  
ANGLIAE

## SECTIO I.

*De Cochleis Turbinatis.*

## MEMBRUM I.

*De Cochleis turbinatis, intortis sive anfractuosis.*

## ARTICULUS I.

*De Cochleis turbinatis, intortis ; quibus apertura si-  
nuata sive canaliculata ; Buccina rostrata ideo à me  
dictis.*

## CAP. I.

*De Buccino rostrato levi.*

## TITULUS I.

*Buccinum album lève, maximum, 7 minimum spirarum :  
a Whelke.*

**H**ÆC Testa admodum crassa & ponderosa est. *Descriptio.*  
Huic color albidus externè ; intùs verò flavescit ;  
id quod intelligi debet de vivorum animalium  
testis, & quæ novissimè ex mari expiscatae sunt.

Ejus longitudo minimum quinq; uncias implet ; linea  
verò septem uncias longa hanc quâ plenior est, vix circum-  
dat. Intra 7 ferè spiras finitur.

Aperturæ longitudo ad tres uncias accedit, quæ verò maximè patet, unciam paululùm excedit: in summa aperturæ parte, quidam Canaliculus sive sinus in modum rostri producitur.

Testæ pars exterior ex toto lævis est, i. e. sine striis, quamvis saepius vel rugis quibusdam vel aliis rebus extrinsecus adnatis exasperetur.

Hanc vivam Operculum tenue, colore pullo, etiam testaceum claudit.

Locus.

Illam pescantur in alto mari apud Scarborough, ubi primum ex his vivas vidimus.

## CAP. II.

*De Buccinis rostratis striatis.*

## TITULUS II.

*Buccinum crassum rufescens, striatum & undatum:*

Descriptio.

**H**ÆC testa crassa admodum & ponderosa est; extrâ ex fusco rufescit, item intus ex albo leviter purpurascit; de maximè recentibus testis loquor.

Septem minimùm spiras in integrâ testâ numerare licet.

Testæ longitudo supra tres uncias extenditur; ejus ambitum quæ maximè patet, vix quinuncialis linea colligit.

Apertura qualis in superiore, & simile rostrum canaliculatum. At si testa integra est, in medio labro aperturæ est etiam aliis sinus ex undatis striis paululùm reductis. Huius crebræ & minutissimæ striæ secundùm spiras circum injiciuntur; item aliæ striæ crassiæ ductu undato & transverso eminent.

Ex.

Ex his aliquot in Litore, juxta *Scarborough*, *Hartlepool*, & ad Ostium fluminis *Tees*, at rariūs invenimus.

---

### TITULUS III.

*Buccinum tenui*, *leve*, *striatum* & *undatum*.

**H**ÆC testa à superiore, quam maximè refert, in his *Descriptio-*  
differt; 1. Quòd hæc tenuis admodum & levis, cùm  
illa valida & ponderosa sit 2. Quòd huic amplior apertura.  
3. Quòd huic ferè desunt striæ undatae in summo & ma-  
ximo orbe.

In reliquis a. convenient.

Ex his aliquammultas invenimus in æstuario maris *Hyberni* in alterâ ripâ adversus *Lancaster*.

---

### TITULUS IV.

*Buccinum angustius*, *tenuiter admodum striatum*, *oculo*  
*minimum spirarum*.

**H**ÆC testa crassiuscula est & valida; quas vacuas *Descriptio-*  
& fortè vetustas in litore invenimus albidæ sunt.

Ad octavam minimum spiram producitur; ejus & mu-  
cro tenuior & basis etiam angustior est.

Maxima ejus longitudo paulùm supra duas uncias exten-  
ditur; ejusq; crassitudinem, quà ventricosior est, eadem  
ferè linea comprehendit.

Propiùs consideranti hæc crebris striis, secundùm spi-  
ras circumductis, at minùs profundè sulcatis leviter exaspe-  
ratur.

Huic rostrum productius velut alter mucro, canalicula-  
tum. Has

Locus.

Has testas in litore Scarborgensi collegimus ; at ibidem rariores sunt.

---

## TITULUS V.

*Buccinum minus, albidum, asperum, intra quinas spiras finitum.*

Descriptio.

**H**ujus animalis testa omnium, pro magnitudine, longè crassissima & ponderosissima est.

Color albidus, intèrs, forés.

Longitudo ad sesquiunciam ; at, quà crassior, linea duas uncias longa vix eam ambit.

Pendet.....

Intra quinq; spiras finitur ; at eæ non ita facilè numerantur, quòd striæ crebriores paululùm emineant, & spirarum intercapelinem non parùm confundant.

Ipse mucro acutus, & parùm producitur.

Item ob strias quasdam transversas magis inæqualis & tactu asperior fit.

Testæ apertura angustior est ; ejúsq; ipsius oræ ex insigni crassitie subitò fiunt acutæ, & in modum ferræ leviter exasperantur.

Ipsum rostrum brevius, at canaliculatum.

Hæc & sequentia *Buccina litoralia* dici possint ; quòd in litore certè scopoloso ingenti copiâ ubiq; reperiantur.

Coitus.

Hæc buccina, Junio ineunte, post æst s recessum in sicco scopolu, tempore matutino, in Coitu frequenter observavimus.

TITU-

## TITULUS VI.

*Buccinum minus, ex albo subviride, ore dentato, eōqz  
ex flavo leviter rufescente.*

**D**Roximè superiori par testa, an paulo minor; figurâ, spirarum numero, asperitate, striis, rostro, omnibusqz; ferè reliquis admodum similis.

Huic a. color ex albo subviridis.

Item aperturæ oræ obtusiores. Ipsa apertura paulo angustior; cuius interior pars ad sinistram, quinis velut dentibus obtusis & parum eminentibus insignitur; parti aperi-

turæ interiori color ex flavo rufescens.

Item huic, ut superioribus singulis, Operculum tenue,

rufescens, quo se inclusum tenet animal.

Hæc quoqz buccina in iisdem scopolis litoralibus copi- *Locus.*.  
osè inveniuntur juxta *Scarborough* & *Hartlepool*.

ARTICU.

## ARTICULUS II.

*De Cochleis turbinatis, intortis, teste aperturâ planâ.*

---

## C A P. I.

*De Cochleis turbinatis &c. ore plano, figurâ produc-*  
*tiore.*

---

## TITULUS VII.

*Euccinum crassum, 2 acutis at inæqualiter altis striis  
in singulis 12 minimum spiris donatum.*

*An Buccinum striatum σάπινξ Fab. Colum.?*

*Descriptio.*

**H**UIC Cochleæ longitudo paulum supra tres uncias,  
crassiores verò partem linea binuncialis vix com-  
prehendit.

Admodum crassa, & ponderosa testa est.

Huic color albus; at vivam nondum vidi.

Nostræ erat mucro præfractus; ut certum aliquid de  
spirarum numero finire non potui; at in eâ 12 spiras nu-  
meravi.

Spirarum interstitia notabilia & admodum sinuosa. Spi-  
ræ ex proportione paulatim adeò minuuntur, ut elegan-  
tem admodum figuram pyramidalem efficerent.

In singulis mediis spiris, duæ, at altitudine inæquales,  
acutæ spiræ eminent; certè in tribus superioribus spiris  
maxime conspicuæ; at inferiores etiam spiræ velut aliis  
crebris sulcis excavatae visæ sunt.

Os sive testæ apertura velut circinata; at rarò integra,  
ut nec ipse mucro invenitur. Rarissima

Rarissima Testa ; at aliquoties illam redemi à piscato- *Locus.*  
ribus litoris *Scarborgensis* ; adeóq; in alto mari nasci vi-  
detur.



---

TITULUS VIII.

*Buccinum tenuē, densē striatum, 12 minimūne spiris  
donatum.*

**I**LLA Cochlea est longitudinis sesquiuncialis ; quā ven- *Descriptio.*  
tricosior, linea uncialis comprehendit.

Levis & tenuis testa est.

Huic color albidus ex leviter rufescente.

Os sive apertura ferè circinata ; at rarò eā parte inte-  
græ inveniuntur.

12 Spiræ numerare licet : eæ minùs eminent ; sed pla-  
niiores sunt ; ex æquâ ratione minuuntur, & in longum &  
elegantem mucronem porriguntur.

Hæ Cochleæ post tempestates hybernas in litus *Scar-* *Locus.*  
*borgense* ejiciuntur ; item ex litore occidentali agri Lan-  
castriensis easdem habui.

---

## C A P. II.

*De Cochleis turbinatis, ore plano, figurâ breviore sive compactili, Cochlea-formibus.*

## T I T U L U S IX.

*Cochlea fusca, fasciis crebris angustisq; prædita. Cou-  
bins à pescatoribus Scarborgensisbus Anglicè dicta.*

*Descriptio.*

**H**Æ C crassa, validâq; testa est: ex his maxima duas drachmas pendebat.

Ejus longitudo paululùm supra unciam; linea verò duas uncias longa ejus basin, quâ crassior est, vix comprehendit.

Creberrimæ fasciæ angustæ secundùm spirarum ductus circuminjiciuntur: hæ verò ipsæ fasciæ in junioribus & minimis in strias eminent; adeóq; cochlea iis quodammodo asperantur. Ipsæ a. striæ coloris fuscæ sunt, ad nigredinem accendentis, cùm earum interstitia, quæ tamen valde angusta sunt, albcent.

Intra quinas spiras finitur: at eas numerare difficile est & propter strias frequentes, & quod ipsæ spiræ planiores sint; ipse a. ejus mucro acutior est.

Illud in hâc testâ singulare est; aperturæ imas oras paululùm per latus dimitti; aliter quam in aliis plerisq; fieri solet, ubi eæ ad angulos ferè rectos committuntur.

*Locus.*

Hæc Cochlea è litoralibus nostris frequentissima est, maximè locis scopolosis.

Junio coëunt in sicco, quod ipse vidi: coeuntium alteri tantum, ni fallor, insignis penis.

Huic ipsi animali reticulata cutis ex nigris lineolis. Item operculum tenué pullum. Has

Has gustavi ; nec mihi insuavis visa est : à Belgis eas plurimūm appeti audio.

---

TITULUS X.

*Cochlea rufescens, fasciis maculatis, maximè ad imos orbes distincta.*

**H**ÆC lævis & modicè crassa Testa est. *Descriptio.*  
Huic longitudo vix uncialis ; at lineola duas unicas longa illam, quà ventricosior est, vix comprehendit ; sc. figurâ admodum compactili.

Intra quintum orbem finitur ; quorum primus ventricosus, reliqui exigui & parùm producti, ipséq; mucro obtusior, velut in *Cochlea vulgari* hortensi.

Hæc ex albido rufescit ; at ad imam maximè partem primi & secundi orbis velut fascia rufa è quibusdam maculis rufis, obliquè ductis composita, & plures ejusmodi esse possint per totum orbem superiorem : sed de colore in vivis animalibus nihil certum affirmare possum, quòd testas vetustas tantùm & maris agitatione multùm detritas adhuc vidi.

Ipsa apertura velut ovalis est ; item ad ejus alteram partem est quoddam foramen aut cavum, angustum, profundum ; id verò ipsi testæ extrinsecus est.

Ex his aliquot non semel invenimus in litore arenoso a- *Locis.*  
gri Lincolniensis, ac etiam ad ostium Fluminis *Humber* :  
at utrobiq; quidem cochlea rarissima est.

## C A P. III.

*Dē Neritis, i. e. de Cochleis turbinatis plano ore sive aperturā non rostratā, quibus & paucæ spiræ, & quibus umbones sive mucrones parùm aut nihil eminent.*

---

## T I T U L U S XI.

*Nerita ex fusco viridefcens, aut ex toto flavefcens, modò pallidè, modò intensè ad colorem mali aurantii maturi.*

*Descriptio.*

**H**Æ C testa valida & crassa est: nucem è corylo mediocrem æquat; sc. paulo dimidiā unciam exceedit longitudine; nec multo minor latitudine.

Intra tertiam spiram finitur, ejus mucro quasi occultatur, certè parùm aut nihil eminet aut extat.

His color non idem, modò ex toto flarent, modò intensius rufescunt; interdum ex fusco virescunt.

*Locus.*

Hæ sunt ex litoralibus nostris Cochleis; & in scopuloſo litore ubiq; abundant.

Junio ineunte in Coītu has Cochleas vidimus; modò duas flavas, modò flavam & fuscam copulatam; idq; in sicco, cùm sc. maris æstus recesserat, quod tūm fortè matutino tempore incidit.

T I T U.

## TITULUS XII.

*Nerita fasciatus, unicâ latâ fasciâ insignitus, cæterum  
subfuscus ex viridi.*

**H**ÆC a. proximè superiori similis est, magnitudine,  
figurâ, spirarum numero, &c. unicâ fasciâ latâ per  
medium ductâ distinguitur. *Descriptio.*

An verò hæc diversa species sit, non admodum conten-  
do; at quòd ex his nullas in coitu observare potui, nec  
per se, nec cum aliis superioris generis copulatas, alias esse  
suspicio ab illis.

Ibidem quoq; non minùs frequenter habentur.

*Locus.*

## TITULUS XIII.

*Nerita reticulatus.*

**H**ÆC Cochlea superioribus sui generis paulo minor *Descriptio.*  
est; at figurâ per omnia similis: in eo differentia,  
quòd huic color fuscus ex viridi, modò flavescens, at qui  
reticulato quodam opere eleganter distinguitur.

Ex his vivas in litore scopoloso juxta scarborough re-  
peri, & ad Hartlepool: at rarissimæ sunt. *Locus.*

## C A P. IV.

*De Trochis, i. e. quibus figura conoides, ex basi latâ & planâ : ipsarum etiam spirarum latera admodum plana, & minimè extantia unum super alterum.*

---

## T I T U L U S XIV.

*Trochus albidus, maculis rubentibus distinctus, 6 minimum spirarum.*

Descriptio.

**H**ÆC tenuis & pellucida testa est ; item lævis, nisi vetustas id efficiat ; etenim vivas adhuc non vidi.

Ei color albidus ; in parte verò maximè eminente, sive in mediâ quâq; spira est quidam macularum rubentium ordo.

Huic minimum senæ spiræ, paulatim ad elegantissimum & acutum mucronem fastigiatæ : spiræ etiam leviter striantur, at neq; crebris neq; admodum eminentibus striis.

Huic longitudo paululum supra dimidiā unciam ; filum a. duos digitos longum ejus basin vix circuit.

Loca.

Juxta Scarborough at rariùs ; ad ostium verò *Humber* & oram maritimam agri Lincolnensis sat copiosé.

## T I T U L U S XV.

*Trochus crebris striis fuscis, & transversè & undatim dispositis, donatus.*

Descriptio.

**H**ÆC cochlea proximè superiori paulo minor est : Item brevior & crassior est.

Intra

Intra quinas finitur spiras: ipsæ etiam spiræ leviter extant, earumq; latera paulo rotundiora sunt: huic quoq; striæ exiguae, at crebriores & leviter eminentes, ut asperula sit.

Porrò huic striæ, in quo summa elegantia, fuscæ & transversè & undatim dispositæ.

Ad litus Orientale copiosè habentur plerisq; locis.

Locis.

### ARTICULUS III.

*De Cochleâ turbinatâ, Aperturâ omnium longè paten-*  
*tissimâ, perforatâ.*

### TITULUS XVI.

*Auris marina quibusdam: Patella fera Rondeletiæ.*  
*Æta: æye Aristotelis.*

*Bother of Pearl, Anglicé.*

**H**ÆC Cochlea Auris marina appellatur, ob quandam *Descriptio-*  
similitudinem cum aure nostrâ.

Longitudo uncias quatuor, latitudo ferè tres uncias implet.

In cava Testæ parte unionum splendor insignis. Ex parte a. convexa sordidè rufescit.

Turbinatorum more claviculatum torquetur; adeò ut ab aliquibus Univalvibus male annumerata est. At intra alteram ferè spiram finitur.

Item ex parte convexâ aspera est & inæqualis ob quandam strias, secundùm spirarum ductum delineatas; quarum etiam maximæ profundiùs sulcantur; item quod hâc etiam parte foramina paululum emineant.

In:

In aliquibus verò sex, in aliis majoribus septem foramina perpetuò patent; reliqua a. quæ amplius triginta numerare licet, nè aperiuntur quidem, quum non perforantur, ut diligentius internam & concavam Testæ partem inutenti palam fit. Ea a. incipiunt à spirarum mucrone, ubi perexigua; deinceps incrementum paulatim sumunt.

Locus.

Ultimum a. & prægrande foramen excipit velut labrum quoddam sive rostrum canaliculatum, ut superioribus primi membra non minùs rectè annumerentur.

In insulis prope *Garnsey* copiosè reperiuntur; easdem etiam in litore Italico juxta Puteolum collectas habui.

## ARTICULUS IV.

*De Cochleâ Turbinatâ, aperturâ in rimam formatâ; ipsis spiris intùs latentibus.*

## TITULUS XVII.

*Concha Veneris exigua alba, striata. Mung.*

Descriptio.

**H**ÆC perexigua testa est; vix enim fabam equinam æquat.

Color ei albus, aut ex albido subrufescens.

Huic striæ transversæ crebræ eminentes.

Juxta *Hartlepool* agri *Dunelmensis* sat copiosè reperiuntur; ubi *Mung* appellantur.

N. B. Valdè similem vidi ab insulâ *Jamaicâ*: at in eo discrimin, quod illi in summa parte convexâ est unicus profundior sulcus, qui in nostrâ deest.

Locus.

MEM-

MEMBRUM II.

*De Cochleis turbinatis, orbes non habentibus.*

*Echini inter testacea ab Aristot. numerantur. Et quod idem omnia Turbinata Elicem non habere innuit, ideo Aldrovandus alterum Turbinatorum genus Echinos fecit; quem & nos quidem hanc in re sequimur. Aldr. de Testac. p. 256.*

---

TITULUS XVIII.

*Echinus marinus, aculeorum vestigiis parum aut nihil eminentibus.*

**H**UIC Testæ figura globosa sive sphærica; at ex aliis Descriptiis; terâ parte paulò planior est.

Creberrimis aculeis undiq; contegitur: in vivo pisce & intra aquam natante erecti; at mortuo aut extra aquam posito iidem desidunt. Ipsa aculei exigui & tenues, vix dimidium digitum superant. Qui ex his majusculi, omnes obtusiore mucrone desinunt: iidem etiam color albidus.

Detritis a. aculeis, eorum vestigia parum aut nihil eminent.

Z

COCH-

## COCHLEARUM MARINARUM

ANGLIAE

## SECTIO II.

*De Cochleis Bivalvibus.*

## MEMBRUM I.

*De Cochleis Bivalvibus quæ ex omni parte arctè inter se conjungi possint.*

## ARTICULUS I.

*De Cochleis Bivalvibus, ex omni parte clusilibus, non striatis.*

## CAP. I.

*De Conchis non striatis.*

*Harum a. notæ characteristice sunt. 1. Utramq; è valvis esse æquè cavam. 2. Duobus præter cardines validis ligamentis, musculisve, hinc indè in mediâ Testâ dispositis, ipsis testis adnecti. 3. Esse læves aut leviter asperas.*

## TITULUS XIX.


*Concha longa latâq; in mediis cardinibus cavitate quadam pyriformi insignita.*

*An Chama-glycymeris Rondeletii?*

*Descriptio.*

**H**ÆC testa ad tenuiores accedit, adeoq; valde fragilis est.

Longitudine









Longitudine quatuor minimum digitos cum dimidio implet; latitudine paulò supra duos habet.

Minùs profundè excavatur; intùs lœvis, item extrà haudquaquam aspera est.

Intùs albent, extrà flavescent: at cuius naturaliter coloris sit, minùs constat; quippe omnibus à me observatis summa cuticula deerat; nisi quòd in aliquibus cutis sive membranæ fuscioris exiguae particulæ adhærerent.

Ex altera parte cardinis paulò magis producitur; at u- traq; pars extrema & ferè æqualiter lata & subrotunda.

Ad medium verò cardinem in utrisq; valvis, præter alijs sinus angustiores, est quædam insignis cavitas pyriformis.

Huic animali, præter nexus ad cardinem, duo ligamenta sunt, quorum vestigia in utrisq; valvis satis notabilia.

In litore arenoso juxta *Philo*; item ad ostium fluminis *Tees* locis. copiosissimè reperiuntur.

---

## T I T U L U S XX.

*Concha quasi rhomboides, in medio cardine utring; cinciter tribus exiguis denticulis donata.*

**H**ÆC testa modicæ crassitudinis est, & inter firmiores numeranda est. Descriptio.

A latere ad latus duos digitos patet; à cardine verò ad imam oram paulo supra unum digitum; figurâ quodammodo rhomboide.

Extrà rugis asperatur, in aliquibus creberrimis minutissimisq; quasi striis transversis.

Ipse umbo exiguus acutusq; est: proximè verò sub umbone cardo constat è duobus exiguis sinubus, & totidem

aut trinis denticulis: at etiam alii sinus sunt, in longum procedentes, maximè ex alterâ parte.

Huic color extrinsecus albus; at non nisi testas suis animalibus vacuas & fortè vetustas adhuc vidimus: intùs verò ad alteram à cardine magis remotam partem colore violaceo insigniuntur; reliqua interna testa albet. An quibus hæc etiam nota, è recentioribus sint?

Locus.

Ad ostium fluminis *Tees* ripâ Eboracensi, satis frequenter reperiuntur.

Cùm in hâc Conchâ & infrâ describendâ Tellinâ illustræ notæ purpura-violacei coloris insunt; an Conchilium antiquorum à Bivalvibus, ut Purpura à Turbinatis ortum sit, meritò quæro.

## TITULUS XXI.

*Pholas noster, sive Concha intra lapidem quendam cretaceum degens.*

Descriptio.

**H**ÆC admodum tenuis & fragilis Testa est. Nullam vidi quæ digitum longitudine implevit; at latitudine vix medianam partem digitii attingunt.

Modicè cavæ sunt valvæ; ex unâ parte rotundantur: ex alterâ verò admodum obtusæ ac si præcisæ forent.

Extrà rugosæ, intus lèves.

Mortuæ & vetustæ testæ, nam alias nondum vidi, albent.

Locus.

Hæ conchæ juxta *Hartlepool* frequenter reperiuntur, & in lapidis eujusdam cretacei foraminibus latitant ab ipso earum ortu: nam ex his eximi non possunt, nisi priùs lapis frangatur.

De ipsis a. foraminibus hæc observavi. 1. Ea fieri in lapide molli, & quæ facilè forari possit. 2. Alterâ parte patent,

patent, alterâ clausa sunt. 3. His singulis figura una & eadem est, eâq; veluti ovalis ; sc. ipsum os angustius, media pars paulò ventricosior, rursus angustior ima pars, quæq; rotundatur. 4. Pro ratione animalis majora minorâve sunt ; ut parvo animali exiguum foramen, & adulto majuscum ; at omnium foraminum cava duplo aut triplo majora sunt, quâm Conchæ requirant, sc. ut liberè valvas aperire possint. 5. Majorum foraminum longitudo ad 2 uncias ; latitudo, quâ ventricosus, paulo supra dimidiam unciam est.

---

## TITULUS XXII.

*Concha è maximis, admodum crassa, rotunda, ex nigro rufescens.*

**H**ÆC testa admodum crassa & valida est.

E maximis est : æqualiter ferè lata est, sc. ad digitos tres utrinq; patens ; adeò ei figura subrotunda est.

Cava, & in dorsum multùm elata est.

Huic color, cùm summa cuticula adest, ex fusco rufescens, aut castaneus : intus albet.

Ferè lèvis est ; at cute detractâ, ex parte gibbâ leviter rugosa est ; & in aliquibus minutioribus sunt admodum minutæ striæ transversæ, sc. à latere ad latus deductæ.

Ipse a. umbo angustior, acutus & leviter rostratus est.

In ipso verò cardine sunt plures sinus profundiores, dentésq; sive apophyses eminentes.

Copiosissimè reperiuntur in litore arenoso ad ostium *Locis.*  
*Fluminis Tees, & alibi juxta Philo.*

TITU-

## TITULUS XXIII.

*Concha tenuis, subrotunda, omnium minime cava, carinis medio sinu & amplio & pyriformi.*

Descriptio.

**H**ÆC testa admodum tenuis & fragilis est.

Latitudine sesquidigitum patet, longitudine ferè ad duos digitos producitur; ita ut subrotunda sit.

Huic color albicans, qualis in omnibus vetustis testis; nam vivos id genus pisces nondum vidimus.

Valvæ minime omnium profundè excavantur, ipsi umbones perexigui, & ad cardinem acuti sunt. Ipse a. cardo ex pluribus finibus constat; at medius reliquis amplior & quodammodo pyriformis.

Locus.

Copiosè habentur ad ostium fluminis Tees juxta Redcar ripâ Eboracensi.

## TITULUS XXIV.

*Concha crassa, ex alterâ parte compressa, ex alterâ subrotunda.*

Descriptio.

**H**ÆC testa pro magnitudine crassa & valida est.

Modicè excavatur.

Huic color albidus; at vivos pisces nondum vidimus.

Figura subrotunda; à cardine ad imam oram sesquidigitum longa; à latere ad latus paulò supra eandem mensuram patet.

Ipse umbo acutus & leviter rostratus.

Intus lævis; ex parte verò gibbâ aliquot rugæ transversæ five striæ, at sine ordine.

Ex alterâ verò parte ab umbone ad rectam lineam procedit,

cedit, ex alterâ & adversâ eâ, rotundior est ; quâ solâ notâ abundè distinguitur à proximè superioribus.

Ad ostium Fluminis *Tees*, & in litore arenoso juxta *Locus-Philo* ; at rariores sunt.

---

## TITULUS XXV.

*Concha parva subrotunda, ex parte internâ rubens.*

**H**ÆC testa modicè crassa est ; sive ad tenuiores potius accedens.

Huic latitudo digitalis ; longitudo digitii quartâ parte minor.

Extrà albescit cum quodam rubore ; intùs verò præcipuâ quâdam rubedine per totam internam faciem illustratur.

E lateribus verò alterum ferè circinatum, alterum à cardine in obtusum quendam angulum rectâ procedit : at paulo antè quam ad istum angulum veneris, quidam sinus leviter deprimitur ; id tamen, nisi admodum diligenter attendas, haud tibi ita facilè occurret ; at ea præcipua distinctionis nota est.

E millenis fortè unam inveni suprascriptis triplo magorem.

In Brevibus Lancastriensisibus, juxta *Philo* & alibi frequentissima concha ; & è litoralibus est ; nam ex his vivos pisces captos vidi.

## C A P. II.

*De Conchis asperis, valvis dissimilibus, unico ligamento interno donatis, Ostrea diutis.*

## TITULUS XXVI.

*Ostreum vulgare maximum, intus argenteo quodam splendore albescens.*

*Descriptio.*

**H**ÆC testa satis nota est, admodum crassa, valida & ponderosa, ingenti magnitudine, maximè quæ inter rupes Scoticas expiscantur.

Huic figura subrotunda, at inæqualis feré. Item valvæ inæquales & dissimiles ; sc. quarum una plana, altera cava ; utraq; verò extrinsecus rugosa & aspera admodum ; at non striata. Intus a. lœvis & albescens cum argenteo quodam splendore, foris color ferè fuscus.

Huic piseci unicum tantum ligamentum internum in mediis valvis affixum.

In his interdum suæ Margaritæ inveniuntur.

*Lobatio.*

Plurimis in locis in nostro mari pescantur.

*Ostrei anatome è clarissimo Willistio nostro, de Anima Bruti cap. 3.*

Testæ in Ostreis ab ovo connatæ ; & primò molles, prout mole accrescunt, sensim indurantur.

*Musculi recti  
Testas occi-  
duentes &  
ap-  
rientes.*

Utriq; Testæ *Musculus robustus*, in medio ostrei confitus per tendines suos adnascitur. Hujus fibræ motrices (quæ velut chordarum fasciculus videntur) rectâ ascendentæ, dum contrahuntur, Testas arctè occiudunt, relaxatæ

laxatæ verò eas aperiri & attolli sinunt: quod munus apendi testas, Musculus alter huic adjunctus exequitur.

Præter hos musculos rectos, & ad Testarum plana perpendiculares, sunt bini alii *circulares*, per utriusq; testæ margines expansi; qui ibidem inter se Branchias comprehendentes, earum motibus potissimum inserviunt, uti mox ostendemus.

*Musculi circulares Branchias  
moventes.*

In summitate Ostrei, musculi circulares uniti, quoddam quasi velum, pro tegendo capite constituunt: deinde paulo inferius divisi, quatuor branchias superiores inclidunt; in quarum medio rima dehiscens, processu aliquo ad Ostrei *Os* dicit.

Ab Ore transitus brevis & rectus ad ventriculum est. *Ventriculus.*  
Hujus cavitas satis ampla foraminulis, in *corpora fuscæ*, ei utrinq; affixa, ducentibus, prædita est. Corpora istæc, & Mesenterii & Hepatis loco esse, eorumq; muniis defungi videntur; quatenus nempe puriorem chyli partem, mox è ventriculo suscipiunt, ipsamq; defæcatam humoris vitali tradunt.

In Ostreo, *intestinum* ex imo Ventriculo incipiens, *Intestinum.* cum tubo plano & æquali, versus musculi recti angulum dextrum descendit, ubi in se convolutum & retortum, rursus supra ventriculum & hepar ascendit; inde demersum ac in sinistrum latus reflexum, juxta musculi recti limbum incedit, donec in *Anum* definit. Ad hunc modum *Anus.* in Ostreo, *intestinum* simplex & unicum, longissimo gyro, plusquam in aliis quibuscumq; animalibus, circumducitur; quo quidem stercore diutiùs retinere queat; sc. ne cùm in sicco degit, ea importuniùs deposita, lymphas, obvix pabulum, testis inclusas, (dum iis miscentur) polluant.

Intestino hoc in longum dissecto & aperto, in fundo eius corpus subdurum & ferè rotundum eminet, quod ab ano ad ventriculum ascendens, ibidem emergit, & sub œsophago versus caput protenditur: *spinali medullæ* non

absimile videtur: ductus a. chyliferos, corpora subfuscā, ventriculo appensa, supplere ostendimus.

*Pericardium  
cum corde &  
vasis.*

Infra ventriculum, Pericardium, cor albicans cum auricula ampla & nigricante includens, locatur: quo aperto illud pulsare conspicitur, & quāq; diastole, humorem vitalem ē venā cavā in auriculam admittere; deinde quāq; systole eundem in aortam, ē regione consitam, propellere; deinde juxta vasīs hujus ramos tripartitos, istius humoris pars quādam superiūs tendit versus caput, hepar, & stomachum; item portio quādam in musculum rectum reflectitur; interim pars ejus maxima magno arteriæ trunco, ad branchias delata, ibidem intra ductus minutissimos, & valdē numerosos, velut exiles rivulos explicatur, ut secundūm omnes suas partes corpusculis nitrosis ab aquā inspirandis, frui possit. Et hoc quo uberior fiat, advertimus, aquam, non modō extimas Branchiarum superficies, prout in piscibus sanguineis, alluere; verū ubiq; penitiores earum ductus, & intimos quoq; recessus subire.

*Branchia.*

Quinimō ipsæ *Branchiae* per ostrei hemisphærium, & ampliū expansæ, cuncta alia viscera, ferè item partes mole superant. Adeò piscibus, quoniam in aquā parciūs respirant, ita provisum est, ut simul pluribus in locis respirationis pabulum iis suggeratur. Branchiarum cirri quatuor, & cujusq; illorum bini veluti lobi sunt; nempe superior, latior, & crassior; ac inferior, qui tenuior & paulo contractior existit. In totis earum ductibus, unaquāq; duplicata est, atq; binas pinnarum series coalescere vīsas continent: ad singulas Branchias duo vasa, sc. Arteria & Vena spectant; quae in cirrōrum aggeribus disposita, propagines exiles utriusq; generis per universas finibrias disponunt. Cæterūm præter hos quatuor vasorum ordines, tot insuper foraminum vasa isthæc interjacentium, series reperiuntur; quae item ductibus manifestis in pinnarum interstitia aperiunt; & illic aquas muscularum circularium commissurā inferiori absorptas deducunt.

Quoad

Quoad Branchiarum motus à *l. 4 *patet, musculos circulares, qui eas includentes utriq; testæ innituntur, modò relaxatos ad extremas testarum margines pertingere; quo instanti etiam Branchiæ relaxatæ, aquas imbibunt, simulq; ex iis pabulum nitrosum hauriunt; modò contratos introrsum diduci, simulq; branchias ad exprimendum aquas recens admissas cogere.**

Si ratio inquiratur, cur pisces testacei præter vasa humorem vitalem circumducentia, etiam ductus sive canales apertos, quibus lymphæ ad intimos eorum recessus convehuntur, habeant; ea videtur, quod subsidente æquore, saepius aliquandiu in sicco manent; idcirco ut respire possint, aquas copiosas, intra proprias istorum compages, velut utribus repositas continent. Itaq; diutiùs, quam alii extra undas vitam agunt. Satis notum est, Ostrea, quando undis eximuntur, magnam aquæ quantitatem intra testas suas occludere. Atq; hæc hactenus Clar. Willisius noster.

*Vide Figuras,  
earumq; expli-  
cationes hic in-  
serendas.*

### *De Ostreorum generatione & quomodo viridia sint\*.*

Mense Maio fæturam ejiciunt Ostrea, id quod à nostris piscatoribus *Spatt* vocatur. Id a. figurâ lenticulari est, at ipsis lenticulis paulo majus. Saxis verò veteribúsq; Ostreorum testis rebúsq; similibus, quæ omnia Clutch vocantur, per maris fundum dispersis, adhæret.

Non sine ratione conjiciunt, recenter edita ova intra 24 horas Testis contegi.

Mense Maio, legibus maritimis, Piscatoribus permisum est, omnigena ostrea, cujuscunq; ea magnitudinis sint, expisciari.

Quibus captis, fæturam à re cui adhæret leniter cullello separant; eà re mari rursus commissâ, ut loci facunditas in posterum præservetur; nisi ubi adeò recenter edita

\* *Vide Histori-  
am R. S. A.  
Anglicè edi-  
tam, p. 307.*

sit proles, ut tutò dividi non possit; quo casu iis concessum est lapidem aut Testam, &c. auferre, cui adhæret fætura: cùm super unicam Testam viginti tenella ostrea sæpius numerentur.

Post mensem verò Maium id auferre quod Clutch vocatur, furtum est; nec, nisi ea Ostrea, quæ justæ magnitudinis sunt, impunè capere licet.

Hanc verò prolem aliāq; ostrea ad quosdam maris sūnus devehunt; ubi ea alveis quibusdam maritimis demittunt, quos lectos sive strata vocant: ibi adolescent, & pinguescunt; duobus certè aut tribus annis minutissima proles ad justam magnitudinem pervenient.

Ea a. ostrea, quæ viridia fieri cupiunt, fossis quibusdam, in brevibus maritimis tres pedes altis demittunt; has a. inundant altiores tantùm æstus ad plenilunium & non-vilunium. Ipsiis verò fossis aptantur quædam Emissaria, per quæ aqua marina eatenus refluit, donec ad dimidiam altitudinem subsiderit.

Hæ verò Fossæ, à quâdam loci proprietate, sole adjuvante, virides fiunt; sūumq; colorem tridui aut quadridui spatio ostreis comunicant; quamvis ea ibi manere sex septimanæ aut duos menses sinunt, quo tempore intensè viridia fiunt.

Solis a. operationem in hâc viriditate inducendâ illud probat, sc. fossas *Talesburienſes* tantùm æstate id præstare; at ipsam terram vehementius id efficere testatur, quod fossæ *Brickleseaenes* & æstate & hyeme id perficiant. Item illud accedit, Fossam unam ab alterâ pede distantem id non præstare; eásq; quæ olim id optimè feceré, jam proprietatem suam amisisse.

Ostreorum a. è valvis illa quæ concava est, cùm æstus influit, terram spectat; cùm verò refluit, se invertunt.

E loco a. non se movent, nisi tempestate frigidâ, ut luto se obruant.

Is verò piscis, qui à stellâ nomen habet, cùm ostrea se  
aperiunt, ea ingreditur, depascitúrq;

Demptâ a. eâ materiâ, quæ Clutch vocatur, & suprà  
exposita est, Lutum augetur, in quo tûm maximè gene-  
rantur pectunculi & musculi, ostreâq; destruunt; cùm iis  
non sit, ubi fætura deponant.

Ostrea verò à fætura ægrotant. Junio a. & Julio men-  
sibus melius se habere incipiunt, & Augusto penitus sane-  
scunt. Masculi a. ægritudo cognoscitur à quâdam nigra  
materiâ in branchiis discernendâ; Fœminæ a. ea materia  
ibidem tûm alba est.

Ostrea in Fossis quidem salsa sunt; at illud magis in  
stratis; maximè verò in alta mari. Hæc hactenus ille.

## TITULUS XXVII.

*Ostreum parvum veluti striatum, testâ intùs virescente,  
cardine utring; canaliculato.*

**H**ÆC testa in diametro rarò sesquidigitum excedit; *Descriptio.*  
at maxima eorum pars multo minores sunt; ex his  
a. ipsi vidimus aliquot centena.

In his verò testis extrinsecus eadem ferè asperitas, qua-  
lis in superiore ostreo; eadémq; & major varietas in figura.  
Nam ex his alia admodum concava; alia minimè pro-  
funda; alia diversimodè sinuosa; alia ad amissim ferè ro-  
tundatur.

Extrinsecus etiam in multis striarum quarundam, pecti-  
num ritu, non levia vestigia.

In ipso verò cardine singulis Testis singuli sinus sive cana-  
liculi sunt.

Unicus a. in mediâ cavitate Musculus, cuius impressum  
vestigium albescit, at circâ cum argenteo quodam splendo-  
re virescit. *Ad*

Ad ostium fluminis Tees ripâ Eboracensi copiosè habentur. Hæc a. me primùm gustâsse memini Burdigalæ Galliæ Aquitaniæ, ubi in deliciis sunt ; ibiq; Ostrea *saxatilia* appellantur, siquidem inter scopulos inveniuntur.

## C A P. III.

*De Conchis Musculi dictis, setiferis, unico ligamento donatis, figurâ ferè rhomboide.*

## T I T U L U S XXVIII.

*Musculus ex cæruleo niger.*

Descriptio.

**H**UJUS Conchæ utraq; Testa admodum tenuis ; parte verò acutiore paulo crassior & spissior est. Reliquo ambitu rotundo multo tenuior & fragilis.

Foris ex cæruleo nigricat ; intùs ex cæruleo albescit : utrinq; verò lævis admodum.

Lumini objecta, à summo cardine ad imam oram, ad modum radiorum venæ exiguae cæruleæ eleganter procedunt ; idq; in nonnullis nudè conspicitur.

Ferè ita mensurantur ; longitudine duos digitos & dimidium explent ; latitudine paulò supra unum. At in aliquibus locis ad mirandam magnitudinem perveniunt.

Setam exerunt è sinu magis reducto, adversus quem angulus acutus eminet. Ipse a. cardo acuminatior ; imma ora rotunda.

Admodum capax concha : figurâ rhomboide.

Huic unicum ligamentum, ex adverso cardini ad oram sc. rotundiorem collocatum.

Caro intùs pallescit cruda ; cocta vitellis ovorum similis est ; in ambitu fimbriata.

Musculi

Musculi suum Byssum gignunt, pinnarum more: sed tam differt, inquit Rondeletius, à pinnarum bysso, quām stuppa canabina à tenuissimo & delicatissimo ferico.

Musculi sedem non mutant; siquidem villis sive setis, quasi scopolis adnascuntur.

Magnâ copiâ ubiq; per oram maritimam & in flumini- *Locus.*  
bus quoq; aquæ dulcis reperiuntur.

Edules sunt apud nos; item eorum præcipuus usus apud Lancastrienses quosdam ad agros stercorandos; ubi carris vehuntur à scopolis in vicinos agros. Item ex his esca plurima ad pisces capiendos.

---

ARTI-

---

## ARTICULUS II.

*De Cochleis bivalvibus, ex omni parte clusilibus, striatis.*

---

## C A P. I.

*De Peccinibus.*

Peccinum vero haec notae characteristicæ sunt. 1. *Essere striatas.* 2. *Veluti auritas.* 3. *Alterâ è testis cava, alterâ planâ.* 4. *Unico Musculo donari.* 5. *Nullis apophysibus sive tuberculis testaceis; sed in medio utrinque testae cardine similem cavitatem sive canaliculum habere, nervo obfirmatum.*

---

## TITULUS XXIX.

*Peccen maximus, circiter 14 striis admodum crassis, & eminentibus, & iisdem ipsis striatis insignitus.*  
**A Scallop.**

*Descriptio.*

**T**ESTÆ, quam descripsi, longitudo, i. e. à summo carmine ad imam oram, .... uncias & dimidiam implevit; latitudo ad uncias quatuor porrecta est.

Intus albet, extrâ ex albido rufescit.

E testis altera modicè cava, altera plana est, alterius veluti operculum.

Modicè crassa est.

Utræq; testæ, quâ parte auritæ, strictiores sunt; deinceps vero paulatim amplificantur, & fiunt rotundæ.

Utræq; testæ similiter striatæ; ipsæ a. striæ à cardine incipiunt, & ad imam oram recte procedunt. In singulis testis

testis circiter 14 striæ sunt, admodum crassæ & eminentes : ipsæ a. eadem majores striæ aliis quoq; striis minutis exornantur ; quas etiam minutas in ipsis auriculis & in canaliculis observamus.

In utraq; Testa ad medium cardinem similis sinus amplius, pyriformis est ; ibi niger quidam nervus sinus occupat, ipsumq; cardinem maximè obfirmat.

In Fretō juxta peninsulam *Portland* & alibi in illo mari explicantur. Locus.

Hi pisces ex testaceis post *Ostrea* maximè in deliciis sunt.

---

### T I T U L U S XXX.

*Pecten tenuis, subrufus, maculosus, circiter 20 striis majoribus, at levibus, donatus.*

**H**UJUS Testæ longitudo raro, quantum adhuc vidi- Descriptio.  
mus, binos digitos excedit ; at ejus latitudo paulo minor est.

Tenuis & levis est.

Circiter 20 strias majusculas & eminentes numeravi : ipsæ a. non, ut in proximè superiore, striantur, sed lèves sunt : ipsi verò canaliculi sive striarum interstitia minutissimis adeóq; creberrimis striis undatum & transversè dominantur.

Item auriculæ utriusq; generis striis ad eundem modum striantur.

Huic color rufus, sive rubeus, maculis sive nubeculis albidis variè interstinctus, in modum cuiusdam marmoris.

Sinus, ubi cardo, angustus, & pyriformis.

In litore juxta *Scarborough* & ad *Hartlepool* satis fre- Locus.  
quentes sunt, maximè post procellam.

## TITULUS XXXI.

*Pecten minimus angustior, inæqualis ferè & asper, sinus ad cardinem cylindraceo, creberrimis minutissimisq; striis donatus.*

Descriptio.

**H**ÆC testa admodum inæqualis est, & sinuosa ; interdum aspera scabráq; : interdum modicè crassa ; interdum è validissimis.

Hujus longitudo ferè ad duos digitos est, latitudo ad unum ; ut sui generis superioribus angustiores sint.

Hujus item ambitus admodum inæqualis, vix unam figuram observans. Item ex his aliæ admodum concavæ, aliæ minùs, aliæ minimè, perinde ut in ostreis videmus.

In medio cardine, ubi vinculum nerveum inseritur, sinus quidam sive canaliculus angustus est figurâ cylindraceâ.

Huic auriculæ vel una vel ambæ ferè deteruntur ; ubi a. ambæ adsunt, mediocres sunt.

Huic striæ creberrimæ, pertenues, & minimè eminentes, ut difficile sit eas numerare.

Huic color fuscus, interdum albidos, interdum subcreceus : at qui sit in vivis, nescio.

Ex his plurimas habui ab ostio fluminis *Tees* ad litus Eboracense. Item juxta *Scarborough* leguntur.

LXXX.

CAP.

## C A P. II.

*De Pectunculis.*

Hæc a. appellatione eas Conchas intelligi volumus,

1. Quæ sine auribus sunt, & tamen striis Pedinum more donantur.
  2. Quibus utraq; Testa æqualiter cava est.
  3. Quæ unico musculo sive ligamento donantur.
- 

## T I T U L U S XXXII.

*Pectunculus maximus*, at minus concavus; plurimis minutioribus & parùm eminentibus striis donatus, rostro acuto, minùsq; incurvato.

**H**IC omnium facilè maximus Pectunculus est; sc. à rostro ad imam oram duos digitos & dimidium explet; neq; latitudine multo minor est.

Testa valida, ponderosa & crassa est; at paulo minus concava est quàm proximè duo inferiores.

Ipse umbo sive rostrum ad cardinem acutius & minus incurvatum est.

Huic sunt apophyses aliquot eminentes ad cardinem in trinis articulis; at sinus quidam in medio articulo, proximè sub rostrum, minutus & pyriformis est, qui in duabus sequentibus non conspicitur.

Huic color albidus; at ex his vivos pisces nondum vidi.

Ad ostium fluminis Tees reperiuntur; at ibi quoq; è raffissimis sunt.

## TITULUS XXXIII.

*Pectunculus echinatus. Concha echinata Rondeletii,  
Gesneri, Aldrovandi.*

Descriptio.

**H**ÆC testa à latere ad latus duos digitos implet, à summo ad imum paulo minus; at ex his multo maiores vidimus.

Utraq; testa æqualis, & admodum concava est; modicæ crassæ; at maiores crassæ admodum & validæ sunt.

Circiter viginti striæ majusculæ eminent; in quibus mediis exeruntur aculei quidam curvi, singuli certis intervallis inter se distantes; in canaliculis vero nulli dantur aculei.

Ad imas valvarum oras striæ & canaliculi sibi mutuò committuntur, & respondent.

Ipsæ testæ ad cardinem tribus articulis conjunguntur per modum ginglymi; ita ut eminentes utrinq; mucrones mutuâ insertione, uterq; in oppositæ testæ acetabula cohærent.

Ei color albidus, etiam cùm adeat summa cuticula: intus candidus.

Ambitus ad amissim ferè rotundus, ut in neutrum latus magis procedat.

Ad ostium fluminis *Tees* & in litore juxta *Scarborough*, post magnas procellas hæ testæ inveniuntur.

Locns.

TITU-

## TITULUS XXXIV.

*Pedunculus vulgaris, albidus, rotundus, circiter 26 striis  
majusculis, at planioribus donatus. The Tinkle.*

**H**ÆC testa à summo ad imam oram raro dígitum su- *Descriptio.*  
perat. Ejus verò latitudo paulo major est. At ex  
his altero tanto maiores & amplius vidi.

Huic color albidus extrà, intus candidus. Tribus arti-  
culis per modum ginglymi ad cardinem connectuntur te-  
stæ; & in his apophyses mucronatae.

Utraq; testa æqualis, & admodum concava, præ cæ-  
teris superioribus sui generis.

Ex altero latere testa in angulum procedit; ex altero  
rotundatur.

In his circiter 26 strias numerare licet, at non multùm  
eminent, sed planiores sunt; canaliculi inter strias exigui  
sunt.

Passim in litore arenoso magnâ copiâ reperiuntur; & à *Locus.*  
nostris ad viëtum colliguntur ab autumno ad ultimum usq;  
ver.

Gratissimi saporis sunt, & tam crudi quàm cocti edun-  
tur, perinde ut ostrea.

## C A P. III.

## De Tellinis.

*A Pedunculis differunt. 1. Quod binis musculis dominantur. 2. Figurâ rhomboide.*

---

## T I T U L U S XXXV.

*Tellina intus ex viola purpurascaens, in ambitu serrata.*

Descrip.<sup>io.</sup>

**H**ÆC pulchra testa est : à cardine ad basin digitii tres partes non excedit : à latere verò ad latus ferè se- quidigitum implet.

Extrinsecus albet ; intus ex violâ purpurascit.

Modicè crassa est. Ipse umbo exiguis & acutus. U- traq; testa parilis, & minùs concavæ.

Ex alterâ parte in angulum procedit ; ex alterâ magis in longitudinem diffunditur, at ambitu rotundo & obtuso.

Minutissimis & creberrimis striis & nihil eminentibus sulcatur : item ejus oræ imæ crenulis minutissimis in modum serræ denticulantur.

Locis.

Ad ostium fluminis Tees & in litore juxta Scarborough inveniuntur ; at è rarioribus conchyliis sunt.

M E M-

MEMBRUM II.

*De Cochleis bivalvibus, alterâ parte aut utrâq; natura-  
liter semper apertis aut hiantibus.*

---

CAP. I.

*De Conchis inclusilibus sive hiantibus, levibus.*

---

TITULUS XXXVI.

*Concha levís, alterâ tantum parte clusilis, apophysí ad-  
modum prominente latâq; prædita.*

**H**ÆC testa modicè crassa est.

Vetustæ & detritæ testæ albidae; vivos pisces non- *Descriptio.*  
dum vidi.

A latere ad latus paululum duos digitos excedit, à car-  
dine ad inam oram vix sesquidigitum lata.

Quâ parte clusilis, magis concava est, & in ambitu ob-  
tuso rotundatur; alterâ vero parte adversâ & semper hi-  
ante; minùs elata & veluti prærupta est.

In exteriore superficie leviter rugosa, intus levís est.

Ipsæ umbo, pro testæ modulo, exiguis est. Ei verò u-  
nicus in cardine articulus; ubi in alterâ è testis acetabu-  
lum sive sinus insignis est; in alterâ apophysis admodum  
prominens & lata, & instar cochlearis cujusdam sinuata  
est.

Ad ostium fluminis *Tees* non raræ.

*Locus.*

TITU-

## TITULUS XXXVII.

*Concha fusca, longissima, angustissimâq; musculo ad cardinem nigro ; quibusdam Sæculi dicta.*

*Descriptio.*

**H**ÆC testa 7 minimum digitos longa ; vix unum latata est. Huic summa cuticula sive membrana, quâ tegitur, subfuscata est ; intus albet.

Est etiam testa tenuis, lœvis, modicè concava.

Utraq; testa æqualis ; musculo nigro conjunguntur ; ipse a. cardo prope alteram partem ; in altera è testis duæ exiguae apophyses dentiformes, in alterâ tenuis velut lamella in binos alterius dentes excepta.

Utraq; pars extrema retusa, & quasi prærupta ; utraq; semper aperta & naturaliter hians.

*Locus.*

Post magnas procellas hybernas copiosè in litore juxta Scarborough, & alibi colliguntur.

## CAP. II.

*De Conchis naturaliter hiantibus, striatis.*

## TITULUS XXXVIII.

*Concha alterâ parte dimidiâ striis undatim crispatis donata, alterâ lœvis ; apophysē longâ, angustâ, recurvâ, dentiformi. An è Peloridibus antiquorum ?*

*Descriptio.*

**H**ÆC testa insolitâ admodum figurâ est ; similem certè non vidi : an ad Peloridas quorundam accentenda, & quod prodigiosa sit, & quod utrinq; semper naturaliter

turaliter pateat? Hæc a. requirunt authores ex vocis variâ interpretatione.

Modicè crassâ est; à latere ad latus paulo supra duos digitos lata, à cardine ad imam oram digitum non multum excedit.

Pars gibba per medium distinguitur unico latiusculo sulco, rugis transversis striato; altera medietas lævis aut certè leviter rugosa, altera densis striis undatim crispis, & à latere ad latus procedentibus donatur; ipsæ etiam eadem striæ versus extimam oram quibusdam aculeis eminentibus exasperantur: illa a. medietas, quæ lævis est, in ambitu rotundatur, atq; in aciem quandam finitur; hæc verò quæ crispa, in acutum mucronem procedit; ab ipso a. cardine ad istum mucronem quasi quædam fimbria tenuis reflectitur.

Pars concava lævis; at è regione sulci paululùm elata.

In utrâq; testâ mira apophysis, dentiformis, dimidium digitum longa, angusta, leviter curva, mucronata, & in ipso mucrone modicè cava.

Hæc admodum frequentes ad ostium fluminis *Tees* ripâ *Locus.*  
*Eboracensi.*

### TITULUS XXXIX.

*Concha candida, dupliciter striata, & veluti aculeata.*

I Llud fatendum est, me dubitâsse an hæc testa proximè *D. scriptis.*  
superiori conchæ subjici & adnecti deberet, quod for-  
tè hæc utrinq; clusilis sit: tamen quod hæc tam multis  
notis cum illa conveniret, eas disjungere nolui. In hac  
ad cardinem datur similis fimbria reflexa. 2. Asperitate &  
undatis striis. 3. Apophysî longâ & angustâ.

E conchis longis Aldrovandi esse video.

C c

Tenuis:

Tenuis & fragilis admodum testa est. Colore candidissimo ; at qualis is sit in vivis, nescio. Sesquidigitum longa, dimidium lata. Admodum concava, & angusta ; & ad modum cylindri rotundatur : hinc eam ex antiquorum *dactylis* esse existimo.

Striae crebræ à latere ad latus procurrunt, aliæq; transversæ, at paulo rariores eminent, maximè versus illam partem, quæ cardini vicinior ; ubi striae etiam undantur, ut in proximè superiore dictum est, & velut aculeis quibusdam exasperantur.

Item in alterâ parte rotundatur, in alterâ in mucronem procedit, velut in pyloride.

*Ad ostium fluminis Tees*, at rariores sunt.

*Dactyl.*

---

C O C H.

---

COCHLEARUM MARINARUM

ANGLIAE

SECTIO III.

*De Cochleis Univalvibus.*

---

CAP. I.

*De Cochleis univalvibus, loco mobilibus, vertice integro.*

---

TITULUS XL.

*Patella ex livido cinerea, striata. A Flither, Limper, or Paphell.*

**E**X his maxima testa à vertice ad imam marginem descriptio. paulo supra digitum excessit; ejus a. aperturæ diametruſ duos digitos patuit.

Ipsa verò apertura ſive basis non ad amuſim rotundatur, ſed paulo longius ex alterâ parte ferè procedit: at ſemper æqualis eſt ipsa basis, unde conſtat ipsum animal ſe de loco in locum movere poſſe.

Testæ extima pars ferè ſtrīis, iisq; interdum multū e-minentibus, diſtinguitur; at ſine certo numero aut ordine: at in multis eadem ſtrīæ minūs notabiles.

Hæc testa crassa & valida eſt; intūs lēvis & minimè ſtrīata.

Huic color ex livido cinereus ſive maculosus & varius.

Ipſum animal, inquit Bellonius, cornua, ut Limax, exerit; & os & caput habet huic perſimile.

Scopulis litoralibus per omnia maria noſtra magnā copiā Lochs. adhærent.

Lepades à piscatoribus crudæ eduntur, teste Rondeletio apud Aldrovandum.

Harum a. principius usus apud nostros pescatores est, ut è testis exemptæ hamisq; injectæ, ad cæteros pisces capiendos escæ sint.

## C A P. II.

*De Cockleis univalvibus, loco fixis, vertice aperto.*

## T I T U L U S X L I.

*Balanus cinereus, velut è senis laminis striatis compositus, ipso vertice alterâ testâ, bifidâ, rhomboide occluso.*

*Balani parva species, Rond. apud Aldrovandum, p. 523. ejus verò figura ad imam paginam 522. habetur.*

*Descriptio.*

**H**UJUS TESTÆ MAGNITUDO EST AD NUCEM MAJUSCULAM È CO-  
RYLO.

Color cinereus, albidoſve.

Patellæ quodammodo similis figura.

Scopulis verè adfigitur, non pro arbitrio adhæret, unde per verticem viatum sumit. Illud a. inde fit manifestum; quod si ostreis aut lapidi adhæreat, ejus basis, post separationem à re, cui adhæsit, vestigia rei repræsentat eiq; aptatur.

Ipsa a. testa ex sex laminis striatis constat; sc. tribus majoribus, totidémq; minoribus. Ipse a. vertex alterâ quasi bifidâ clauditur, ut hujus operculi figura quadrata sive rhomboides sit.

*Locus.*



Passim in scopulis, item navium carinis, musculis, ostreis, &c. adhæret.

Harum carnem coctam animi causâ liberalius gustavi; mihiq; primò grata visa est; postea quovis pipere amarior, linguamq; meam diu pupugit.

C O C H-









COCHLITARUM  
ANGLIAE  
SIVE

*Lapidum ad Cochlearum quandam imaginem figuratorum*

L I B E R.



# P R A E F A T I O.

**M**arinam supellecilem nostræ Insulæ proximo libro diligenter exposui; hoc verò subterraneos ejusdem loci Cochlitæ, sive Lapidæ ad Cochlearum quandam imaginem figuratos indicare aggrediar. Non autem ignoro, has rerum viventium imagines multorum ingenia fatigasse. At eorum sententias non utiq; examinandas putavi, cùm id ab amicissimo viro D. J. Ray, pro suâ quâ pollet eximiâ doctrinâ, novissimè factum esse video. Sed ipsas res coram Lectoribus sisto; ipsæ loquuntur. Si tamen eorum sententiae qui hos lapides terrigenos esse judicârunt, favere videar, non temerè id facio. Nam ex his nostris, ut opinor, observationibus manifestum fiet, aut ita eos ortos esse, aut ipsa animalia, quæ verè & ex toto referant, in rerum natura desisse generari; siquidem universis Cochleis aliæ figuræ, atq; Cochlitis aliæ.

Quasi verò id argumentum, à rerum utriusq; generis dissimilitudine sumptum (quod tamen unicum in animo penitus discutiendum habui) ad rem prorsus conficiendam non satis esset; singuli ferè tituli alia quoq; ex abundanti suppetunt. Quorum nonnulla, ab aliis fortè omissa, paucis præfabor.

Quorundam Cochlearum, etiam Bivalvium, enor-mem magnitudinem, quam maximè supra modum Cochlearum in nostro mari observatarum.

In ipsis submarinis rupibus æquè frequenter ac in mediterraneis inveniri: adeò ut ipsa quæ referant animalia,

## Præfatio.

malia, ibidem expectare debeamus, quod ab ipsis locis,  
ubi aliquando in vivis fuerunt, mare nondum recessit.

Universos Cochlitas tam solidos quam crustaceos ex  
purâ & merâ lapideâ materiâ concretos esse; ut ex so-  
lidis quidam ex utriusq; generis slice: ex Cochlitis  
verò crustaceis, quâ sui parte Cochleas maximè repræ-  
sentant, plerosq; è selenite, aut alio quodam simili fluore  
resplendente constare. Huc facit membranaceos quo-  
dam Pectinitas ex mero pyrite velut soluto conflatos.

Item Cochlitarum quorundam velut rudimenta &  
maximè imperfectas figurâ passim in rupibus observare  
licet: siquidem ex ipsis iisdem Cochlitis sunt, qui na-  
turaliter bifores, qui univalves, qui ex utraq; altera,  
aut alias quasi unâ tertiatâ aut quamvis minore parte  
mutilati & defectivi inveniantur. At hæc omnia  
ita evenire credibile est, vel propter loci angustiam, in-  
quo primitùs concrevère, vel ob materiæ penuriam.  
Idem crystallis variorum generum aliisq; lapidibus fi-  
guratis, quales sunt \* Trochitæ, contigit. Quemadmo-  
dem verò in crystallis defectivis suæ notæ sunt; ita &  
in Cochlitis quomodocunq; imperfectis, quædam tamen  
non obscura, certè harum rerum peritis, indicia discre-  
tiva insunt.

\* Dactylite.

\* Musæ. p. 87.

Illud, quamvis minimè contra nos facit, non præ-  
tereundum silentio duxi, quod Wormius \* de Ostra-  
citis nostris retulit. Ostracites seu Ostreæ, inquit  
ille, in lapidem calcantinum conversæ, omni sui parte  
integram ex Angliâ ad me sunt transmissæ, figurâ ex-  
ternâ & testis, omnino quod erant, referentes; sed  
duplo aut triplo ponderostores, colore nigricante, odore  
sulphureo, vel pulveris pyriti, ex illarum corpore vitrioli  
& sulphuris quasi flos quidam exsudavit, imò ipse-  
met in humido facile dissoluebantur, etiam aëri hu-  
midiori saltem expositæ. Ad Littus septentrionale Insulæ  
Sheppey

## Præfatio.

Sheppey in Cantio Angliae reperiuntur. Hæc ille. Imprimis notandum est, esse littus marinum, ubi hæc inventa sunt, proprio scilicet Ostreorum loco: deinde idem de aliis quibuscunq; Conchylis marinis ibidem repertis observari posse credibile est; immo ipsos Conchitas, si quos Terræ natura ibidem gignat, ita penitus posse imbui, nihil dubito, cum idem alibi frequenter occurrit. Inter omnes sanè succos lapidescentes, (è quibus tamen non nisi unum & alterum novi) ille qui è pyrite sive vitriolicus, & cochleas & universa tanquam in suam naturam convertere potes est. De altero verò succo Calcario, illud testor, me post indefessam diligentiam tandem incidisse in quasdam Cochlearum terrestrium testas, eo succo & intus refertas, & extrà coniectas, at ipsas testas omnino nullam mutationem inde subiisse, vel materiam, vel crassitie, vel pondere; sed facile agnosci potuere, pro eo quod unquam fuerunt, sc. pro exuviis Cochlearum terrestrium. Sed de his succis alibi fusiùs tractare meditor.

At quomodo cunq; se res habeat, operæ pretium me facturum puto, cum, si non utiq; perdita (nam alii dicunt, animalia in nescio quâ profundiori marinâ abyssâ latè posse) at hactenus recondita, adeòq; prorsus nova in lucem proferam.

Illud unum de Figuris, Lector, te scire volo, tuásq; idcirco gratias expecto, eas me summâ diligentiam ad ipsos lapides depingendas curâsse, cum res ipsas verbis satis exprimere haud potui. Figuræ autem descriptionibus magno adjumento sunt; siquidem hac ratione ipsæ res velut in conspectum quendam adductæ, memorie & intelligentiæ magnopere subveniunt.

Cum verò hunc librum ad finem perduxeram ecce produxit in lucem Historia Naturalis agri Oxoniensis, omni literarum genere referta, ab eruditissimo viro D. Plott,

## Præfatio.

Anglicè scripta. Inter alia verò hoc ipsum argumentum de Cœchlitarum origine fusè & doctissimè tractavit. Quoniam autem inibi multæ Lapidum figuræ exhibentur, quas adhuc mihi videre non contigit, illas huic nostræ methodo accommodandas & inserendas putavi, ne quid sciens omittarem, quod nostra tellus uspiam ferat. Ac, si idem diligentissimus Author incepturn opus usq; promoveat, nullus dubito, quin, tantam Insulam penitus rimando, multo plures hujus generis lapides figuratos quam vel ipse, aut ego adhuc descripsérimus, apud nos reperiet. Mihimetipſi etiam restant, non pauca aliorum Cœchlitarum fragmenta, quorum quia notæ characteristicæ non adhuc rectè essequuntus sum, in præsenti non libenter edo; quod entium multiplicationem supervacaneam, hujusmodi Historiæ commune vitium, maximè vito & abhorreo. Adeòq; illos in aliud terræ phus deferendos esse censeo.

---

Lapidum

*Lapidum Anglie ad Cochlearum quendam modum  
figuratorum Tabula.*

Turbinati, h. e. unâ velut Testâ, in conum procedente donati :

Intorti, sive anfractuosî,

Quorum Orbes in se convolvuntur, quibusdam *Ammonis cornua* dicti.

Utrinque ad Umbilicum æqualiter concavi :

{ Strati.

{ Læves.

Ex alterâ tantum parte.

Umbilico utrinque prominulo.

Buccinorum in modum producuntur :

{ Strati.

{ Læves.

{ Productiores.

{ Figurâ compactili sive Cochleæ-formes.

Qui Helicem, sive volutam non habent :

Strati subrotundi, ut Echinitæ.

Striis in omnes lapidis partes æqualiter procedentibus.

Striis inæqualiter procedentibus.

Læves in longum acumen fastigiati, ut Belemnites.

Bivalves :

Læves,

Utrâq; testâ æquali sive æqualiter concavâ.

Figurâ ex alterâ cardinis parte diffusiore.

Ex utraque cardinis parte æqualiter diffusi, minusq; profundè à cardine ad oram demissi.

A cardine ad imum marginem productiores.

Ventricosi, quibusdam Bucarditæ.

Testis inæqualibus & dissimilibus,

{ Ostracitæ.

{ Conchitæ rostrati.

Striati,

{ Auriti, Pectinitæ.

{ Sine auribus, Pectunculitæ.











# COCHLITARUM ANGLIÆ

## PARS I.

*De Lapidibus Turbinatis.*

### SECTIO I.

*De Lapidibus turbinatis, Intortis.*

### MEMBRUM I.

*De Lapidibus Turbinatis, Intortis, quorum Orbes, serpentum in modum in se convolvuntur, quibusdam Ammonis Cornua dicta.*

### ARTICULUS I.

*De Ammonis Cornubus, utrinq; ad umbilicum æquilater concavis.*

### CAP. I.

*De Ammonis cornubus striatis.*

### TITULUS I.

*Ammonis cornu maximum, striis crebris in ipso ambitu parùm eminentibus, aliisq; utrinq; ad latera raris, crassis, elatis.*

*An 15. Tab. 5. D. Plott? in eo tantùm à nostro differre videtur, quòd ejus lapidi dorsum lœve est.*

**H**I C noster lapis 13 digitos in diametro colligit ; at Descriptio. tres tantùm in ambitu crassus est. Ad umbilicum utrinq; æquè concavus est, & ibidem idcirco multo minùs crassus est. Quatuor.

Quatuor tantum orbes numerare licet.

Eius extimus ambitus, sive spina planior est; at striis transversis crebris, exiguis, parum eminentibus distinctus est. Item ex utrâq; parte extimi orbis aliæ quoq; transversæ striæ; quæ ut crassæ & elatæ, ita raræ, vix amplius 12 sunt. In secundo verò Orbe, ut ille minor est, ita ipsæ striæ & multo crebriores minorēsq; sunt; atq; eâdem ratione in reliquis intimioribus orbibus ad centrum usq; striæ & numero augeri & minui videntur.

Huic color albidus est; alium verò hujus generis lapidem sublividum, æneóq; quodam splendore relucentem, fabam magnitudine vix excedentem, vidi.

Locus.

Maximum è Lapidicinâ calcariâ juxta Nunnington opidulum agri Eboracensis habui: at alterum minimum in submarinis rupibus, maris recessu nudatis, juxta Spiton ejusdem agri inveni.

## TITULUS II.

*Ammonis Cornu, spinâ in ambitu eminente, striis lateralibus paulo ultra medium tantum partem Orbis extimi pertingentibus.*

Descriptio.

**T**IC lapis quatuor digitos in diametro implet; at paululùm uno digito crassior est.

In extimo ambitu velut spinam, hoc est, unam striam acutam eminentemq; inter duos profundiores sulcos medianos habet: hujus autem spinæ unitas nusquam interrumptitur.

Strix verò laterales curvæ procedunt; at orbis non multo amplius quam tres partes occupant; in que magnum hujus speciei discrimen.

Neq; in hoc lapide amplius quatuor orbes numerare potui.

potui. Huic lapidi color ferè lividus, certè si ex rupibus aluminosis exempti sint : alias autem ex his & fuscis & ferrugineos vidimus.

Maximè in fractis articulos quosdam observare licet ; at in nonnullis iidem ipsis etiam extrinsecùs apparent, sc. quodam opere foliaceo singulos articulos distinguente. Intus ferè materiâ quâdam crystallinâ suffarcinantur. Ceterum pars crustacea interdum ex ferri glebâ constat.

Horum a. lapidum magnam copiam vidi in rupe *Lecas,* minosâ juxta *Whitby* agri Eboracensis.

---

### T I T U L U S III.

*Ammonis cornu, spinâ in ambitu eminente, striis lateribus ex toto Orbem extimum trajicientibus.*

10. 14. Tab. 5. D. Plott, attende descriptiones.

**H**Orum lapidum innumeros vidimus mediæ magnitudinis ; at aliorum fragmenta ingentia alicubi à me inventa sunt.

Quem verò describo, duos tantum digitos in diametro colligit ; idem vix dimidium crassus est.

Orbium numerus circiter quaternus. In ejus ambitu velut acuta spina inter duos sulcos media eminet : tamen id non est perpetuum ; nam in multis sulci vel utiq; desunt, vel leviter admodum insculpti sunt.

Striae laterales orbem ex toto trajiciunt ; ipsæ ferè & crebræ & eminentes : at nec in his striis idem numerus & elevatio est. Alia etiam occurunt singularia, ut aliquibus quidem quasi aculei in summis ad spinam striis.

Item in nonnullis articuli foliaceâ quadam picturâ facile discernendi. Articulorum autem apophyses, sive tubercula, circiter senæ sunt.

**Huic.**

Locus.

Huic color ferrugineus; nec dubito, quin ex iis sint, qui ex merâ ferri glebâ constent.

Hos lapides in rivulo juxta *Bugthorp* agri *Eboracensis* oppidulum copiose invenimus. Item indecensu colli supra *Monasterium Byland* dictum, in lapide velut arenaeo cinereoq; inclusos. Item in *Lapidicinis* juxta *Hinderskelfe & Nunnington*; ubi horum lapidum ingentia fragmента habentur.

N. B. In Conchitæ rostrati, infrà describendi, Titulo 45. externâ parte, hujus cornu Ammonis orbes striatos profundè velut insculptos vidimus, eûmq; apud nos servamus; sanè ac si ejus matricis fusoriæ altera pars dimidia esset. Id quod, ex mente *stenonis*, Dani, istius Conchitæ mollitiem arguere videtur. Contra verò illud facit; quod si quando animal fuit, Testam ex naturæ lege indies ab exiguo ovo increscere, proximéq; à parvo indurescere necesse sit: at conchites in justa ejus magnitudine cornu Ammonis impressionem recepit, scilicet dum durus erat; quod absurdum & à rei natura maximè alienum est.

#### TITULUS IV.

*Ammonis cornu striis lateralibus in medio ambitu ad acutos angulos concurrentibus.*

Descriptio.

**H**IIC lapis è majoribus est, quantum è quibusdam fragmentis conjicere licet; siquidem mihi est unius orbis fragmentum, sesquidigitum latum; at id minùs crassum, quam reliqui mediocres.

In plerisq; striæ laterales & crebræ & eminentes: in non nullis verò multo elatiores; & in aliis eadem admodum raræ & ex longis intervallis: intérq; strias unius & ejusdem

dem lapidis interdum aliæ alias altitudine & tenuitate multum excedunt. Item striæ laterales in majoribus paulum undantur ; & universis, pro perpetuâ distinctione, in medio lapidis ambitu ad angulos acutos coœunt & committuntur. Angulorum autem apices crassius lapidis caput spectant.

In his quoq; lapidibus articulos animadverti.

Item ex his, qui hoplitæ sunt, id est, qui armaturâ quâdam ænæ lucente donantur ; adeoq; de pyritarum natura eatenus participant. Præterea supra ipsam quoq; armaturam, nescio quam materiam tenuem, & margaritarum splendoris æmulam inductam notavi : ac si cuiusdam Testæ marinæ quædam reliquæ essent. Ut rectè ante me Clarissimus Hookius noster observavit.

In rivulo, sæpius memorando, juxta Bugthorp ; item in ipso maris Litore prope Scarborough agri Eboracensis, & alibi ejusdem oræ maritimæ, nempe non longè à Spiton in rupibus submarinis hi lapides à me reperti sunt.

*Micrographia  
Locus.*

## TITULUS V.

*Ammonis Cornu 5 anfractuum, singulis striis ipsam spissam trajicientibus, sibiq; invicem ad alterum latens, ubi terminantur, adplicitis.*

Hujus figuram, rudem licet, nobis primùm exhibuit J. Bauhinus, H. Font. Boll. pagg. 5, 6, 7, 8, 10. item 12. Tab. 5. D. Plott.

**H**IC lapis modicæ magnitudinis est ; ejus diameter *Descriptio.* tres digitos raro explet.

In illo quinq; circumvolutiones numerare licet ; idem earum numerus & in maximis & in minimis est, quos fabas equinas vix excedentes vidi.

Striæ huic crebræ, ad ambitum quasi multiplicatae & implexæ: sed si rem paulo curiosius consideres, nihil etiam ibidem illis ordinatus est; nimurum singulæ spinam trajiciunt, & ad invicem altera alteræ adplicita, ex altero, circiter medio an paulo minùs, latere finiuntur. Atq; hæc nota characteristica longè insignis est: at plurimæ varietates sunt in crassitudine, raritate & densitate striarum; item aliis sunt quidam Aculei è striis lateralibus eminentes; aliis extimus ambitus latissimus præ cæteris & in aciem depresso est, &c.

In his quoq; lapidibus & articulos foliaceâ quâdam picturâ conspicuos, & alios plurimos Hoplitas, h. e. velut armaturâ coloris auricalcei ornatos, sc. eatenus pyritæ participantes.

In rupibus aluminosis juxta *Whitby* admodum frequentes sunt, & passim in litore marino ab ostio fluminis *Tees*, ad albos usq; scopulos à *Spiton* denominatos. Item in vicinia *Wansford* agri *Huntingtoniensis*.

Ferè autem medio quodam lapide sphærico, aut paulo depresso inclusi sunt; cuius latera disrupta, exento Ammonis cornu, matricis cujusdam fusorizæ duo dimidia repræsentant. Atq; hæc ipsæ pilæ non rarò, maximâ sui parte, è pyrita sunt.

## TITULUS VI.

*Ammonis Cornu striis lateralibus versus ambitum furcatum*  
Ex D. Plott 11. Tab. 5.

**I**S lapis mediæ magnitudinis est: subflavescit: striæ laterales ex ejus media parte ferè singulares procedunt, at pleræq; cædem antequam ad ipsum ambitum pertingant, bifurcantur; dorsum multum protuberat; tamen id quoq; striatur. Juxta-

Juxta Cleydon oppidulum agri Oxoniensis reperiuntur. Locus.

---

## TITULUS VII.

*Ammonis cornu striis lateralibus versus spinam concurrentibus, & in Tuberula quædam unitis, aliisq; minus eminentibus dorsum trajicientibus.*

*Ex D. Plott 13. Tab. 5.*

**H**UJUS lapidis striæ pleræq; juxta ambitum in quædam Tuberula coëunt: ipsum verò dorsum latiusculum & eminens aliis striis trajicitur.

Ex his alii molles, alii duri lapides sunt.

In argillâ subcæruleâ juxta Great-Rolwright, ejusdem Locus. agri, à Templo versus orientem reperiuntur.

---

## CAP. II.

*De Ammonis Cornubus, utrinq; ad umbilicum æquè ca-  
vis, levibus.*

---

## TITULUS VIII.

*Ammonis cornu, lave, pellucidum, crebris articulis, si  
lumi objiciatur, velut undatis distinctum.*

**H**IC lapis exiguus est; neq; enim in diametro dimidiatur Descriptio. diam unciam implet.

Lævis, & pellucidus est; si tamén inter lumen & ocu-  
lum ponatur, crebros ejus articulos, velut striis undatis

distinctos, observare facile est. Figura autem depressa est, aliquantóq; magis ad ambitum.

Medius verò lapis haud parvo foramine pertunditur ; at id fracti lapidis vitium videtur : cùmq; adeò is integer fuit, ibidem mediis aliquot spiris impletum fuisse, creditibile est.

Locus.

Ex hâc specie hunc unum in rivulo juxta Bugthorp inveni.

## ARTICULUS II.

*De Ammonis cornubus, ex alterâ tantùm parte ad umbilicum cavis.*

## TITULUS IX.

*Ammonis cornu lave ex alterâ tantùm parte ad umbilicum cavum, spiris ferè teretibus.*

An 12. Tab. 6. D. Plott.

Descriptio.

**H**I C lapis lævis est, nec ullis omnino striis donatur. Magnitudine verò multùm variat : etenim ex his minimos habui lenticulares ; aliósq; in diametro ad sexquidigitum patentes vidi.

His verò omnibus orbes subteretes : ita in circumvolutione ordinantur, ut qui umbilico propiores, paululum Cochlearum more extra planum egrediantur.


Quatuor tantùm spiras numerare potui.

Ipsius autem lapidis color sublividus, qualis est rupes calcaria plumbifera, è qua exemptus est.

Locus.

In quibusdam Lapidicinis inter montes Cravenenses agri Eboracensis







L

D.

Lt

Eboracensis inventi sunt ; privatim *in a Stone Quarrie  
betwixt Ashton-Tarne and Frier-head.*

---

ARTICULUS III.

*De Ammonis cornu, ex utrâq; parte ad umbilicum æ-  
què prominulo.*

---

TITULUS X.

*Ammonis cornu vix duorum Orbium, ferè reticulato  
quodam opere depictum, umbilico utring; leviter pro-  
minulo.*

**H**IC lapis perpusillus est, quantum hactenus obser- *Descriptio.*  
vavi, ex iis autem aliquot centenos vidi. Lenticu-  
lam raro excedunt ; alii in diametro quartam digiti par-  
tem implent.

Prima spira sive orbis latissimus est, & planior, quam  
in ullo lapide supradescripto : versus caput autem is adeò  
extenuatur in aciem, ut penè acutus sit, cum universi su-  
periores velut præruptis capitibus sint.

Ultra secundam verò spiram vix continuatur ejus cir-  
cumvolutio. Huic apex sive umbilicus ex. utraq; parte  
leviter prominulus.

Hic quoq; sæpe hoplites & armaturâ velut æneâ nitet :  
ferè verò albidum colorem habet opere quodam reticula-  
to eleganter depictum, sive ad imaginem quandam Litera-  
rum Sinensium, nigris lineis.

In profundis cuniculis, unde Carbones fossiles, juxta *Loca.*  
*Coln* in agro Lancastriensi, copiosè inveniuntur.

Eorum autem Matrices sunt quidam lapides sive duri  
Nodi.

Nodi lapidei ferè rotundi; at ut omnium magnitudinum, ita & penè figurarum. Horum quidem Nodorum figuræ adeò variæ sunt, ut omnigenos ferè fructus aliásq; nescio quas res & naturæ & artis, quales multæ apud Aldrovandum habentur, haud malè repræsentent; ut sunt Diorchitæ, Triorchitæ, Boletitæ, Cucurbitæ, Phialitæ & id genus infinita alia.

Hi autem Nodi plerunq; copiosius inveniuntur, in eo rupis strato, quod nostri *Soap-scale* appellant, idq; ferè proximè super ipsos carbones incubit, unde ipsos Nodos *Soap-vallis* nominant. Alibi verò in viciniâ *Halifax* eosdem nodos *Beaume-potts* vocari audio.

In mediis verò hujusmodi pilis horum figuratorum lapidum plurimos unà nidulantes invenies. Jucundum spectaculum!

## MEMBRUM II.

*De Lapidibus Turbinatis, quorum Orbes Buccinorum in modum producuntur.*

### ARTICULUS I.

*De Buccinis lapideis, striatis.*

### TITULUS XI.

*Buccinites magnus, ventricosus, & striis & rugis quibusdam inordinatis donatus.*

*Descriptio.*

**H**I C inter majores numerandus est; Buccinis quibusdam marinis par & quodammodo similis, at minime

mè idem. A basi ad mucronem duos digitos & dimidium implet ; in ipsius verò basis diametro paulo minor est, adeòq; linea octuncialis ejus basin vix circumambit : ipsaq; ejus basis planior est, itaq; non malè Trochites appellari possit.

Eadem basis striis crebris & minutis, tamen satis eminentibus distinguitur ; eadēmq; striæ secundūm omnes spiras ad ipsum usq; mucronem procedunt.

Sex minimum anfractus, unum altero minutiore numere rare licet.

Item in singulis orbibus præter strias sunt etiam quædam rugæ transversæ ipsis striis paulo eminentiores, asperiores, inordinatae.

Hunc lapidem in Rivulo juxta *Bugthorp* inveni.

1821.5.

---

## TITULUS XII.

*Buccinites exiguis, striatus, striâ mediâ singulorum orbiū paulo eminentiore.*

**H**IC lapis in minimis numerandus est, inter senos ferrè orbes finitur.

Ejus basis paulo magis eminent, quam in proximè superiore ; atq; huic etiam similes striæ, ex spirarum dubibus procedentes ; media autem stria in singulis orbibus maximè super cæteras eminent. Item è striis quædam ex innumeris quasi punctulis eminentibus sive exiguis Tuberculis constare videntur.

Hic paulo productior & angustior est pro magnitudinis ratione, quam proximè superior ; at totâ longitudine vix dimidiunciam explet. Ei color subfuscus est.

Hunc quoq; in eodem Rivulo juxta *Bugthorp* inveni.

Loca.

---

T I T U-

## TITULUS XIII.

*Strombites eleganter striatus dimidium digitum longitudine vix exprens.*

*Ex D. Plott Fig. 2. Tab. 4.*

*Juxta Heddington agri Oxoniensis repertus est.*

## ARTICULUS II.

*De Buccinis lapideis, levibus.*

## CAP. I.

*De Buccinitis levibus, figurâ productiore.*

## TITULUS XIV.

*Buccinites levis, albidus, spiris numerosis, inter se haud contiguis.*

*An I. Tab. 4. D. Plott?*

*descriptio.*

**H**UNC lapidem ex toto integrum adhuc non vidi : hat illum ad plures digitos produci ex fragmentis credibile est. Ejus alterum caput crassius linea triuncialis vix circumambit : paulatim in mucronem tenuem acutumq; ex numerosis spiris desinat.

Ipsæ autem spiræ lœves planioresq; sunt, aut certè mediis earum partibus leviter rotundatae. Item altera alteræ haud ullatenus superinjicitur, neq; inter se quidem contingunt, ut

ut in universis animalium cochleis, quantum haec tenus vidi.  
Ipsa autem intervalla, quæ spiris intersunt, materiâ quâ-  
dam crystallinâ ferè replentur.

Huic color albidus, & materia calcaria, qualis rupes est,  
unde excisa est.

Ex his aliquot è Lapidicinis, quæ sunt juxta *Hinder-* Loca.  
*skelfe & Newton* truncatos habui; aliosq; ipso itinere,  
quod ad *Whitby* dicit, 3 circiter milliaribus ultra *Picker-*  
*ing* oppidum agri Eboracensis.

---

## TITULUS XV.

*Buccinites lœvis, sublividus, spiris octonis arctè inter  
se conjunctis.*

**H**I C lapis lœvis est, longitudine digitum raro im- Descriptio.  
plet; saepius dimidio minor est. Eadēmq; ferè men-  
sura basin circumambit, à basi in tenuem acutūmq; mu-  
cronem paulatim minuitur.

In integro lapide circiter 8 spiras numerare licet; hæ  
verò arctissimè inter se conjunguntur; parùm aut nihil  
eminent, sed extimo ambitu velut planæ sunt. Ei color sub-  
lividus, & è materiâ calcariâ est, quale est saxum, in quo  
inventus est.

Ex his aliquot invenimus in Lapidicinis saxi plumbiferi Loca.  
regionis montosæ *Craven* dictæ.

## CAP. II.

*De Buccinitis lœvibus, figurâ compactili, quos privatim Cochlitæ vocari malimus.*

## TITULUS XVI.

*Cochlites lœvis, ore ad amissim rotundo exiguo.*

*Descriptio.*

**H**IC lapis in basi vix tres partes digiti implet; & paulo minùs altus est. Primus ejus Orbis ore rotundo aperitur; certè circulus magis exactè describi non potest.

Item in primo orbe extrinsecus unica lacuna, sive sulcus leniter impressus est; à quo aliquot obscura lineamenta hinc & illinc obliquè procedunt; aliàs lœvis est.

Non amplius quatuor Orbes numerare licet, qui breviorem etiam, altero alteri superinjecto, figuram efficiunt.

Præterea in mediâ basi est quoddam foramen sive sinus, in quem specillum satis profundè demitti potest; atq; id more quarundam Cochlearum ex animalibus.

Huic color albidus, è saxo calcario albido in Lapidicinis juxta Whitwell agri Eboracensis exemptus est.

*Locus.*

## TITULUS XVII.

*Cochleomorphites sex spirarum.  
Ex D. Plott Fig. 11. Tab. 6.*

**J**uxta Teynton & Shotover hill agri Oxoniensis inventus.

SECTIO

SECTIO II.

*De lapidibus Turbinatis, helicem non habentibus.*

---

ARTICULUS I.

*De Lapidibus sine ullâ volutâ Turbinatis, striatis, sub-rotundis, pleriq; Echiniteæ dicti.*

---

CAP. I.

*De Echinitis striis in omnes lapidis partes æqualiter procedentibus.*

---

TITULUS XVIII.

*Echinites siliceus, vertice fastigiato.*

13. Tab. 2. D. Plott.

Hujus generis lapides plurimos habeo ; at magnitudine discrepant ; ex iis illum, quem depingi feci, describam : à vertice ad basin sesquidigitum altus est ; ad eandemq; ferè mensuram ejus diameter patet.

A vertice ad basin quinæ striæ duplicatæ procedunt, in mediâ basi rursus coëntes, lapidemq; in totidem æquales partes secant.

Ipsæ autem striæ è multis exiguis lineolis transversis constant ; atq; hæ lineolæ in aliis multo cœbriores, in aliis longiores, in aliis ex binis rotundioribus foraminibus, in aliis ex iisdem simplicibus sunt.

*De Lapidibus Turbinatis.*

Ipsa verò basis plana, nisi in ejus medio, ubi leviter cava-  
vus rotundusq; sinus est : horum itidem lapidum vertices  
variant, at in plerisq; magis fastigiati sunt.

Ejus materia è silice propriè sic dicto est.

Alii extrinsecus læves & perpoliti ; alii scabri & inæ-  
quales sunt.

Color varius, interdum albidos, subfuscus, pellucidus.  
Ipsi è medio nigro silice ex his aliquot exemimus.

locus. Hi lapides in partibus Angliae Australibus, ubi nigri  
silices abundant, copiosè habentur.

## TITULUS XIX.

*Echinites orbiculatus, depresso, siliceus ; quibusdam  
Ombria. Gesn. de figuris Lapid. p. 61. Aldrov. Mus.  
Mett. p. 61.*

*Descriptio.*

locus. **H**IC lapis exiguus est, vix tres digitii latitudi-  
ne ; crassitie verò non ultra quartam partem implet.

Ex utraq; parte, etiam ubi in proximè superiore ver-  
tex eminet, & planus & æquali ferè cavitate donatus.

Quinæ duplicitæ striæ ejus latera ex æquis intervallis  
distinguunt ; eæ autem ex exiguis *Tuberculis* constant.

Item hic lapis ex vero silice est.

Ex his aliquot in agro *Norfolkensi* collectos habemus.

## TITULUS XX.

*Echinites parvulus striis capillaceis undiq; insignitus.  
Ex D. Plott Fig. 9. Tab. 8.*

Juxta Teynton agri Oxoniensis inventus est.

TITU-

TITULUS XXI.

*Echinites vertice planiore, striis è Tuberibus quibusdam grandioribus conflatis donatus; ex ovis anguinis quorundam.*

**H**IC lapis Ovi dimidii gallinacei magnitudinem implet; digitum altus, sesquidigitum in diametro ad basin colligit. Ipsa basis plana, vertice paulo angustiore; at eodem depresso & minus fastigato.

A Vertice quinæ duplicitæ striæ æqualiter procedunt, & mediâ basi concurrunt. Hæ autem striæ è Tuberculis majusculis multumq; eminentibus constant, eadémq; certis nec brevibus intervallis à se invicem distant; præter quæ sunt etiam frequentes quædam verruculæ undiq; dispersæ.

Ipse lapis albus ex saxo calcis est.

Hunc lapidem è Lapidicinâ juxta Hinderskelfe habui. *Locus.*

TITULUS XXII.

*Echinites albido-cinereus extrà, ex parte internâ sili- ceus, nigricans.*

*Ex D. Plott Fig. 4. Tab. 5.*

**E**X toto tenuissimis laminis micantibus, ex adverso lapidis dispositis, contegitur: ex quibus etiam Tuberula & sinus constant.

Juxta Stonor-house agri Oxoniensis inventus est.

TITU

## TITULUS XXIII.

*Echinites Ovarius.**Ex D. Plott Fig. 5. Tab. 5.*

Juxta Teynton agri Oxoniensis inventus est.

## TITULUS XXIV.

*Echinites ovarius parvus.**Ex D. Plott Fig. 6. Tab. 5.*

**A** Proximè superiore differt, quòd huic exiguo æquè magna Tubercula, at multo pauciora.  
Ibidem ubi proximè superior repertus est.

## TITULUS XXV.

*Echinites velut laminis quinangularibus distinctus.**Ex D. Plott Fig. 3. Tab. 5.**An echinus lapis Aldrovandi de Testaceis lib. 3. cap. 40?**Descriptio.*

**H** U I C durities velut silicea : color subflavus : primùm quinis modicè rectis lineis divisus ex utraq; parte duplice punctorum serie exornatis, ab umbilico protuberante in lapidis basi ascendentibus ad alterum similem in ejus vertice ; sed rosæ in modum foliaceo. Deinde rursus aliis quinis ferratis lineis subdivisus, antequam ad umbilicum pertingant, finitis : quo fit, ut universa spatia lineis interjecta quinguangula sint ; ad similitudinem squamarum cuiusdam Testudinis.

*L. 6. 715.*

Juxta Stonor-houſe agri Oxoniensis inventus est.

C A P.

CAP. II.

*De Echinitis, striis inæqualiter procedentibus.*

TITULUS XXVI.

*Echinites è lapide Selenite, quinis radiis è duplice serie transversarum lineolarum conflatis.*

*An 12. Tab. 2. D. Plott?*

**H**IC mediocris lapis est; ex alterâ parte paululum *Descriptio.*  
gibbus; ex alterâ, quam basin voco, planior est.  
Deinde haud æqualiter rotundatur; sed ex alterâ ambitus parte paulo angustior est, ex adversâ parte sinu quodam velut inter binas nates diducitur. Iste verò sinus modioli & umbilici à quibusdam appellantur.

Item huic quinæ velut fasciæ, inæqualiter procedentes, è duplice serie lineolarum transversarum conflatae. Et ut circa medium verticem incipiunt, ita ad medium basin rursus concurrunt; sc. utrobiq; sinu quodam cavo excipiuntur.

Ipse autem lapis quasi Selenites est; adeò ex vario situ radios instar Lunæ micantes spargit: at eum è laminis adversim positis, extrinsecus certè, constare videtur; an verò alia quædam materia his subsit, aut eadem laminæ ex toto lapidem conficiant, periculum facere nolui, quod hic mihi solus lapis hujus generis sit.

In saxo albido calcario inventus est in quâdam Lapidicinâ juxta *Newton-Grange* agri Eboracensis: illúmq; ab amicissimo viro D<sup>o</sup> *Cumber* acceptum fero.

TITU-

## TITULUS XXVII.

*Echinites præter quinas strias, annulis exiguis innumeris insignitus.*

*Ex D. Plott Fig. 9, 10. Tab. 2.*

**H**I C lapis materiâ quâdam è laminis conflatâ contegitur; ipsæ a. laminæ obliquè positæ sunt.

Figura depressior est: subflavus. Ejus radii ex duplice serie transversarum lineolarum constant: ex omni parte exiguis annulis elegantissimè delineatis exornatur.

*Locus.*

Hi lapides juxta *Tangleys*, *Fulbrook*, & *Burford* agri Oxoniensis oppidula quâm copiosissimè reperti sunt.

## TITULUS XXVIII.

*Echinites præter radios & annulis duplicatis insignitus.*

*Ex D. Plott 11. Tab. 2. item 9. Tab. 7.*

**E**NIGRO silice; radii autem è duplice punctorum serie, quibus singulis singulæ transversæ lineolæ sunt; item huic alia puncta in mediis annulis duplicatis; quorum mediis spatiis simplex, à finitis verò radiis duplex ordo procedit.

Puncta verò ita in mediis annulis posita, leviter tantum excavantur, at radii, ut ad medium lapidem extenduntur, ita profundè insidunt.

Juxta *Ashton Rowant* agri Oxoniensis inventus est.

TITU-

TITULUS XXIX.

*Echinites, radiorum punctis versus marginem annulis ovalibus inclusis.*

*Ex D. Plott Fig. 14. Tab. 2.*

**H**UI C lapidi Modiolus non intra radios, velut in superioribus conclusus est, sed ad marginem usq; extensus eminet; à quo centro velut duplices radii procedunt, è duplicatâ punctorum serie constantes, quæ versus marginem expansa annulis simplicibus includuntur. Ipsi autem annuli, singuli bina puncta circumambiunt, figurâ ovali sunt.

Extrinsecus cinereus; at intus è nigro silice constat.

Inter *Ewelm & Brightwell* agri Oxoniensis inventus est.

TITULUS XXX.

*Echinites punctis prominentibus.*

*Ex D. Plott Fig. 1, 2. Tab. 3.*

**H**I C lapis extrinsecus cinereus; intus è silice nigro. Huic umbilicus superiori similis est; radii autem ab eo descendentes ex toto differunt; horum autem universa puncta prominent, cùm illorum cava sint: & cùm illi in duplicatis virgulis punctisq; processerint, quæ prope marginem in ovalibus annulis inclusa sunt; horum duplia puncta protuberantia, medio ad marginem itinere, in simplicia versa sunt, quamvis multo ampliora. Deinde cùm jam radii simplicibus punctis procedentes & in umbilico, ex altera parte non mediâ basi posito, concurrentes

& diversimodè basin trajicientes, radiorum virgulis aliis brevioribus aliis longioribus, iridis florem quodammodo repræsentant.

Hūjus verò lapidis partes protuberantes universæ cavæ sunt, ut ex earum fracturâ apparet: unde suspicari fas est, aliorum lapidum puncta profundiora olim elata fuisse, perinde ut in hoc; at temporum injuriâ præfracta & de-trita fuisse.

Juxta Pyrton agri Oxoniensis inventus est.

## ARTICULUS II.

*De Lapidibus sine ullâ volutâ Turbinatis, lœvibus, in longum acumen fastigiatis; plerisq; Belemnitæ didi.*

## TITULUS XXXI.

*Belemnites niger, maximus, basi foratâ.*

*Descriptio.*

**H**IC prægrandis lapis est; at quamvis ex iis ferè in-numeros vidi, tamen paucos maximos integros. Unius fragmentum apud me servo quatuor digitos longum, & quod triuncialis linea vix circumambit.

Omnium, certè integrorum basis aliquousq; forata est; reliquus verò lapis versus mueronem ex toto solidus est.

Partem vero cavam modò hæc, modò illa materia op-plet: at quod sit etiam naturaliter in aliquibus materia quædam, tanquam propria lapidis medulla, ex ejus con-crematione didici. Etenim Selenitæ instar in albissimam valentissimamq; calcem, medullâ exceptâ, ustulatur; quæ tamen, etiam postquam ignem experta est, nigricat; eaq; ex annulis quibusdam, Entrochorum more dispositis, con-stat.

In

In ipso verò lapide materia striis ad medullam tendentibus distinguitur.

Perfricatus cornu combustum aut quoddam bitumen olet.

Hi etiam interdum armaturā ænei coloris micant; & tūm eatenus pyritæ naturam induunt.

Huic color niger; interdūm pellucidus.

In tota illa agri Eboracensis regione montosâ, qui *locus*.  
*Blackmore* appellatur, præcipue abundant: item in *Rivulo*  
juxta *Bugthorp* & alibi reperti sunt.

N. B. Diu dubitavi, illāne solida horum lapidum fragmenta, quæ apud me sunt, & de quibus apud plerosq; hujusmodi Historiæ authores lego, alteram speciem constituant: ipsi mecum diligentius videant; ego admodum incertus sum, quo ea à superioribus distinguam.

---

### T I T U L U S XXXII.

*Belemnites minimus*, ferè *cujusdam succini instar* &  
*pellucidus* & *coloratus*; *quibusdam Lapis Lyncurius*  
*dicitur*.

**H**I C lapis rarò duos digitos longitudine explet; cras- *Descriptio-*  
sitie pennam anserinam haud superat.

Huic color succini æmulus; pellucidus.

Basis in hoc quoq; interdum leviter forata, səpiùs solida est: ferè in acumen longum, velut ille alter maximus, fastigiatur: tamen variè etiam ex suâ naturâ definit; si quidem illud acumen modò tenuc, modò ventricosius, modò obtusius est.

Præterea est ferè quædam fissura una aut plures tam in hoc, quædam in illo superiore lapide; est tamen ubi in utroq; desiderantur.

In hoc quoq; quædam inordinatæ striæ ad centrum procedunt.

S. C. H.


Hunc lapidem plurimis in locis apud nos quâm copiofissimè inveni : at perpetuò in terrâ rubrâ ferreâ, sive ea mollior gleba, sive saxea sit.

*In all the Cliffs, as you ascend the Yorkshire and Lincolnshire Wooldes for above 100 miles in compass ; as at Spiton, Lawnsborough, Castour, Tedford, Cawkwell.*

N. Ad calculum, morbum regium, ventris tormina prodeesse dicitur.

---

C O C H-



33



33



34



35



36



37




38




39



40



41



42



43



44



45



45




46



47







COCHLITARUM ANGLIÆ  
P A R S II.

*De Lapidibus Bivalvibus.*

M E M B R U M I.

*De Lapidibus bivalvibus, lœvibus.*

A R T I C U L U S I.

*De Lapidibus bivalvibus, lœvibus, utrâq; valvâ eque  
cavâ.*

C A P. I.

*De Conchitis, figurâ ex alterâ cardinis parte diffusorâ.*

T I T U L U S XXXIII.

*Conchites major, rugosus, ad figuram triquetram acce-  
dens.*

**H**I C lapis ad maximos accedit ; scilicet à latere ad la- Descriptio-  
tus tres circiter digitos, à cardine ad imam oram .  
duos tantum patet.

Ipse cardo ad alteram partem rotundam magis inclina-  
tur ; altera verò & adversa pars in acutiorem angulum  
longius procedit ; adeò ut ad figuram velut triquetram ac-  
cedit.

Sub ipso cardine ad rotundum angulum est quidam si-  
nus, in plerisq; altius foratus, cui similem in ullis anima-  
lium Conchis non animadverti. Utraq;

Utraq; valva similis & æqualis est ; minus in dorsum elongatæ gibbâve ; extrinsecus grandibus rugis transversis & inordinatis distincta.

Valvæ admodum crassæ & validæ sunt ; è materiâ quâdam splendente, Selenitæ instar, constant, idq; in novissimè fractis luculenter observare licet. Huic lapidi color albidus, & interdum sublividus est.

Ex his multos bifores & integros invenio ; at ex iis etiam sunt, quos disjunctos & naturaliter sigillatim concretos reperies.

Quemadmodum verò externâ facie, ita & internâ & concavâ sui parte satis benè animalium Conchas referunt ; adeò ut summum naturæ artificium nunquam satis admirari possumus ; scilicet quâm nihil ibidem desideretur, quod uspiam in viventium Testis observamus : nimirùm eadem hic ad cardinem apophyses, etiam vinculorum sive Musculturum vestigia insignia, ut illuc, sunt.

Locus.

Ex his multos è ripis rivuli juxta Bugthorp effodimus ; aliósq; in arena maritimâ juxta Scarborough invenimus.

### TITULUS XXXIV.

*Conchites sublividus, ex alterâ parte velut mucronatus, ex alterâ subrotundus, è rupibus aluminosis.*

Descriptio.

**H**IIC lapis rarò nucem majusculam ex avellanâ excedit ; quanivis id genus decuplo maiores vidi. At hic, quém è multis céntris maximum elegi, à latere ad latus digitum tantum implet ; à cardine verò ad imum marginem digitii quartâ parte minor est.

Extrinsecus admodum gibbus, & ventricosus est.

Ex alterâ parte subrotundus, in quam cardo positus est ; ex alterâ adversâ in acutum mucronem producitur ; ab eâ quoq;

quoq; parte sinus est, in quo medio quasi quædam æies eminet: quâ solâ notâ, ab omnibus Animalium Conchis, quantum notavi, discernendus est.

Huic color sublividus est, perinde ut tota rupes unde exemptus est.

Ex toto lœvis est: materia, quâ constat, Selenitæ instar micat; admodum crassa est.

Hos bifores integrōsq; semper inveni.

Horum lapidum ingens copia in rupe aluminosa, juxta *Locus.* Whitby, reperitur.

### TITULUS XXXV.

*Conchites leviter rugosus, depresso, figurâ quodammodo Musculorum è fluviatilibus, è Ferri fodinis.*

**H**IC lapis inter mediocrem numerandus est: sesqui- *Descriptio.* digitum latus; à cardine verò ad imum marginem vix digitum attingit.

Ipse cardo ad alteram partem, quæ etiam rotundatur, magis spectat; ex adversâ verò parte in acutorem angulum procurrit; depresso est: atq; hæc omnia ad modum quorundam Musculorum Fluviatilium.

Leviter rugosus est: huic color interdum subniger; ferè cinereus: pars crustacea, animalium testis respondens modicè crassa est; ac novissimè fracta, Selenitæ instar resplendet.

Innumeros unà concretos vidimus in quodam lapide *Locus.* nigro, ad carbonum fossiliū naturam accedente; iisdemq; fodinis non longè à celebri oppido *Hallifax* effuso.

Item in similibus fodinis prope *Leedes* ejusdem agri.

Idem Conchites in Ferri fodinis juxta *Adderton*, & in vicinia *Bently*: ubi ingentia saxa ex hoc conchita cum ferri.

*De Lapidibus Bivalvibus.*

ferri metallo commista habentur; adeoq; iidem conchitæ, quatenus cavi sunt, ferri glebam in se continent.

Hæc autem saxa nostri homines in laminas secant, & in pulcherrimum marmor lævigant: ex his Mensas in Villa *Whitley-hall* dictâ admodum venustas vidimus.

**C A P. II.**

*De Conchitis ex utraq; parte æqualiter diffusis; at ab ipso cardine ad oram angustioribus.*

**TITULUS XXXVI.**

*Conchites albidus, oblongus & angustus.*

*Descriptio.*

**H**IC lapis duos circiter digitos longus est; at admodum angustus, instar siliquæ fabæ equinæ. Utraq; valva similis & modicè elata est in dorsum; item utraq; pars in acutiorem angulum similiter procedit.

Ipse verò cardo longior & planior est; ex adverso oræ subito extenuantur.

Materia, è qua constat, cuidam micanti fluori similis est; lapidemq; in se calcarium albidum complexus est.

Pholades apud Aldrovandum depictos multùm refert.

Hos in Lapidicina juxta *Newton* in vicinia *Hemsley* atri Eboracensis, ferè in summis saxi stratis invenimus.

*Locus.*

**C A P.**

C A P. III.

*De Conchitis à cardine ad imum marginem demissioribus.*

T I T U L U S XXXVII.

*Conchites maximus, margine lato, & ad alteram ejus partem sinu ampio donatus.*

**H**IC lapis inter maximos numerari debet. In dia-<sup>Dscriptio-</sup> metro duos digitos & dimidium implet ; at ex his duplo minimum majores & ingentes lapides vidimus ; at truncatos.

Ejus margo sive ima ora latissima rotundatur, ipsius cardinis umbones exigui, utrinq; æquales, & modicè rostrati : ad alteram cardinis partem amplius sinus, ex introrsum depresso testis est ; ex adversâ verò parte potius leviter eminet.

Modicè gibbus est : huic color cinereus, albidus ; lævis est ; si striæ quidem sint, visum ferè effugiunt.

Quod in hoc lapide Testæ respondet, admodum tenue & tenerrimum est. Interdum argillam induratam, interdum saxum calcis, interdum metallum ferri in se continent.

Ex his aliquot bifores, alios verò plurimos univalves sive singulares invenimus.

Hos lapides in rivulo juxta *Bugthorp*, item in Lapi-<sup>Loches.</sup> ciâ juxta *Lawnsborough*, maximos verò juxta *Bruffe* a- gri Eboracensis oppidula & alibi in ferri fodinis invenimus.

Item alicubi est in vicinia *Crake*, ubi iidem marmor elegans quoddam cinereum constituunt.

H h

T I T U-

## TITULUS XXXVIII.

*Conchites rugosus, ad figuram quodammodo Musculi marini; è silice propriè sic dicto.*

*Descriptio.*

**H**IC lapis admodum imperfectus est: tamen, quòd illum sic tantùm sàpè invenimus, utiq; describendas esse videtur.

Inter majores ponendus est. In diametro paulo amplius duos digitos colligit. Ejus margo rotundari videtur: ad cardinem verò paulatim angustior est & quodammodo rostratus ad modum Musculi marini.

Admodum rugosus est; eiq; color ferrugineus aut subflavus, qualis extimus ferè lapis est.

Biforem illum, imò ne alteram quidem è valvis ex toto perfectam, nusquam inveni.

Illud maximè notandum est in hoc lapide, nihil esse, quod Testæ simile sit, præter ipsam figuram; cùm ex toto solidus sis sit, & siliceus, & sine omni crustâ; adeóq; pura puta figura est, à vi lapidis insita effigiata.

*Locus.*

Plurimas velut pilas, aut lapides quàm proximè sphæricos juxta Bugthorp, & alibi in vicinis agris collegi: hi verò meri silices albidi sunt.

Ac in his mediis de industria fractis jám descriptorum Conchitarum figurás sàpiùs observavimus.

---

TITU-

TITULUS XXXIX.

*Conchites Mytuloides.*

*Ex D. Plott Fig. 1. Tab. 5. an 2. ejusdem Tabulæ?*

**H**I lapides cavi non sunt; sed terrâ quadam lapidosâ flavescente referti: extrinsecus armaturâ quâdam albâ resplendente contecti; longisq; lineamentis ex lapi- dis figura donati.

In effodiendo puteo juxta *Cleydon* agri Oxoniensis in- venti sunt.

---

C A P. IV.

*De Conchitis insigniter Ventricosis; quibusdam Bucar- ditæ dicti.*

---

TITULUS XL.

*Bucardites ex albido flavescens, levis.*

*Ex D. Plott Fig. 2. Tab. 7.*

**I**N lapidicinis juxta *Heddington* agri Oxoniensis copio- sè repertī.

---

TITULUS XLI.

*Bucardites costis donatus.*

*Ex D. Plott Fig. 3. Tab. 7.*

**E**X his aliquot habuit Author, 2. libras pendentes, de- cēmq; digitos in ambitu.

Juxta Brise Norton & Witney, & North-Leigh agri  
Oxonensis inventi.

---

## TITULUS XLII.

*Bucardites reticulatus.*

*Ex D. Plott Fig. 4. Tab. 7.*

Locus. **H**IC lapis elegantissimè reticulatus est ex quodam  
lapide albescente alicujus fluoris instar. Quamvis  
ad dimidium ferè præfractus, 20 tamen libras pendebat.

In cujusdam collis jugo ad plagam orientalem oppiduli  
Shetford agri Oxonensis.

---

## ARTICULUS II.

*De Conchitis levibus, anomis, i. e. valvis magnitu-  
dine & figurâ, aut utroq; modo inæqualibus, dissi-  
milibusq;.*

---

## CAP. I.

*De Lapidibus Ostreorum in modum figuratis.*

---

## TITULUS XLIII.

*Ostracites maximus, rugosus & asper.*  
*19. Tab. 4. D. Plott.*

*Descriptio.*

**H**IC ingens lapis est, ponderosus, validus, admodum  
crassus, certè quàm longissimè supra modum om-  
nium Conchyliorum. Haud

Haud primâ facie Ostreo vulgari adeò dissimilis, quin minùs diligentes, harúmq; rerum imperitos decipere pos-  
sit.

Figurâ subrotundâ est, quaquaversus mensuratus in diametro ad tres, aliquando ad 5. digitos patet: sesquidigitum crassus; de aliquibus, quos apud me servo, loquor; nam ex his etiam minutulos vidi.

Ex his alii valdè cavi sunt; adeóq; in dorsum gibbi; alii & omnium longè maximi parùm cavi. Intus verò lèves; in quâ parte etiam quædam non obscura velut vinculorum vestigia.

Extrinsecus autem admodum rugosi, pleriq; & asperi: modò sublividi: modò albidi.

Neq; illud tacendum duxi, ibidem velut quoddam vermiculatum opus aliquando adhærere; perinde ut in Testis quibusdam marinis observamus.

Materia, quæ Testis respondet, verè ex naturâ Selenitæ est.

Bifores integros adhuc non vidimus; ut de alterâ è testis, an sit inæqualis, nihil certum statuere possumus; tamen quia Ostrea quâm proximè referant, illos se Ostreorum more habere, si quando uspiam integri reperiantur, nihil dubito.

Item his umbo ad cardinem leviter rostratus est, qui tamen in ostreis paulùm aliter est.

Hi lapides juxta oppidum celebre *Huntington* copiosè Lochs. reperiuntur; qui ferè sublividi sunt, & cavi.

Item in Lapidicinâ juxta *Hinderskelfe* agri Eboracensis, ex iis, magnitudine & pondere & crassitie præ cæteris insignes ipse eximi: at hi albidi & parùm cavi fuerunt; & qui ad ostrea vulgaria multo magis accederent.

## TITULUS XLIV.

*Ostracites minor, cardine angustiore, & ad imum paulo minùs latus, quam ipsa parte mediâ; musculi marinii instar.*

*Descriptio.*

**H**I C quoq; lapis anomius est, & uncialis, pro magnitudine validus, modicè in dorsum elatus.

Ipse cardo angustior est, à quo paulatim latefecit; at ipso ambitu rursus paulo strictior est, ad modum musculi marinii.

Leviter rugosus & albidus est.

Utraq; valva paululum gibba est.

*Locus.*

Biforem illum semper inveni, sc. in rivulo juxta Bugthorp agri Eboracensis.

## C A P. II.

*De Conchitis levibus, valvis disparibus, rostratis.*

## TITULUS XLV.

*Conchites anomius rugosus, rostro subtereti & insigniter adunco donatus.*

18. Tab. 4. D. Plott.

*Descriptio.*

**H**I C lapis maximis anumerandus est; utpote qui tres digitos minimum longus est, validus, admodum crassus.

Huic figura subteres & angustior est; à rostro paulatim latefecit, ambitu rotundo finitur.

Rugosus;

Rugosus; est etiam quædam singularis lacuna sive sulcus, ad alteram tantum partem leviter impressus, à cardine ad imam oram procedens.

E valvis altera insigni rostro adunco donatur; altera planior, & figurâ & magnitudine ita dissimili, ut potius alteræ operculum quoddam esse videatur, perinde ut in quibusdam Turbinibus marinis observamus; illud tamen obstat, ut cum ea opercula ipsis animalibus non conchis jungantur, hæc nostra alteræ per ginglymon connexa sit.

Huic color ferè albidus, interdum sublividus; materia ex fluorum natura.

In utraq; valva musculi quædam vestigia & lata & admodum profundè insculpta, adeoque maximè conspicua sunt.

Ex his fortè paucos bifores & integros inveni, quos apud me servo; at multò sæpius singulares occurunt. Imò Opercula (ita ea nobis distinctionis causâ, appellare licet) in aliquibus locis sola reperiuntur, ut in Lapidicina juxta Hinderskelfe & alibi in vicinia: ubi ex his plurima, at sine ullo conchite adunco, quantum observare licuit. Itaque si opercula alteram lapidis speciem facias; aut ullos Conchitas singulares reputes, quod integræ & bifores nondum tibi occurserunt. Mihi quidem illud credibile est, Cochlitæ, ut aliquando, temporis & loci injuriâ, mutilari possint, ita eodem modo integros, modò ex diuidiâ, aut minore sui parte etiam naturaliter concretos esse. At quomodo unq; ab integritate deficiant, suum tamen perpetuò characterem, si benè intelligatur & attendatur, exprimunt.

Hi lapides plurimis in locis agri Eboracenſis longè omnium copiosissimè habentur. Ut in rivulo juxta Bugthorp & in vicinia in Lapidicinis juxta Lawnsborough &c. Item juxta Burton Stather agri Lincolnienſis & in vicinia eius oppiduli, &c.

## TITULUS XLVI.

*Conchites anomius, rostro prominulo, & veluti pertusus donatus.*

De purpura,  
p. 22.

*Concha anomia, i. Vertice rostrato Fab. Columnæ.\*  
Fig. 8. Tab. 4. D. Plott.*

Descriptio.

HIC lapis è minoribus est, à vertice ad imum marginem circiter digitum expletus; at latitudine ex tertia parte minor est. A vertice paulatim latescit; inpus ambitus rotundatur. Plerique compressiores sunt; at ex his aliquot ventricosiores vidimus. Utraque valva in dorsum modicè elata est; ea verò media, quæ vertice rostrato donatur, proprius rostrum, in quoddam fastigium leniter eminet. Et valvis altera vertice prominulo donatur, rostrum alicujus adunci in modum; is verò veluti pertusus & subteres est.

Ferè a. in hoc lapide, ea pars, quæ testam refert, admodum tenuis & albida est, fluorisq; cuiusdam micantis æmula. At in iis sunt, qui ex toto solidi & pellucidi sunt, id genus silicum instar, quos nostri Pebles appellant.

Alii verò, qui cavi sunt, interdum ferri glebam, interdum crystallos quoisdam continent.

Ex his nullum nisi biforem adhuc inveni.





Locus.

Horum lapidum ingentem copiam in quâdam fossâ fabulosâ juxta Gunnerby, uno circiter milliario ab oppido celebri Grantham invenimus.

Nihil uspiam inter marinas Conchas huic simile inventum est. Ita Fabius Columna è Nobilum Italorum stirpe; Mirum quidem, inquit ille, hujusmodi Testas recentes & vivas hodie non reperiri; quamobrem è longa maris alluvione profectas & advectas censemus potius, quam natu-ram desiliè similes parere.

TITUL.









TITULUS XLVII.

*Conchites anomius tenuis & compressior, latiusculo &  
rotundo ambitu.*

**H**IC lapis inter minores ponendus est ; circiter digiti latus, à cardine verò ad imum ambitum paulo minor est. Ipse cardo in medio lapide ponitur, ut neutram partem magis spectet ; latera latiuscula, utrinq; æquè rotundantur.

Huic præterea figura tenuis & compressa est.

In anomiiis rostratis numerari debet ; quod in alterâ valvâ huic vertex leviter propendens ; & cui submissior vertex est, ejus media pars paulo minus in dorsum elata est.

Lævis est & colore sublivido.

Hos Lapi des in saxo plumbifero regionis montosæ *Cra- locus;*  
*ven dictæ, juxta Stock & Braughton inveni.*

I i

M E M

## MEMBRUM II.

*De Lapidibus bivalvibus, striatis.*

## CAP. I.

*De Lapidibus bivalvibus, striatis, auritis, quibusdam  
Pectinitæ dicti.*

## TITULUS XLVIII.

*Pectinites rarioribus striis.*

*An 10. 12. 13. Tab. 4. D. Plott?*

Descriptio.

**H**IC lapis, quem describo, exiguis est, vix Uncialis; at ex his aliquot vidi, qui duos digitos à vertice adimum ambitum implerent.

Huic auriculæ striatæ; at in hoc striæ & raræ & eminentes; item illas aliæ lineolæ exiguae & capillares traiiciunt.

Pectinum more paulatim à cardine latescit & imo ambitu rotundatur; admodum leviter gibbus est.

Hunc lapidem nusquam bisorem adhuc inveni; at sæpius defectivum, vel auriculis, vel majore etiam sui parte; quicq; sic quidem consideranti facile agnoscendus esset.

Huic valde tenuis materia crustacea; at ex natura Selinitæ cuiusdam.

Huic color sublividus, sæpius ferrugineus, & albidus.

In Lapidicinis saxi albidi calcarii, quæ juxta *Hinderskelfe* & *Thornton* in vicinia *Pickering* agri Eboracensis, copiæ habentur.

locus.

TITU-

TITULUS XLIX.

*Pectinites membranaceus, densè striatus, è pyrite in lapide nigro fissili.*

**H**O S lapides meras imagines aut pectinum umbras a- Descriptio.  
liquis jure dicat; certè vix aliud, nisi eorum figurae in Pyrite membranaceo sunt.

Ipse autem lapis, in quo delineati sunt, niger & fissilis est; scilicet è multis tenuissimis laminis, altera alteræ superinjecta, singulæq; ad crassitudinem pergameni, constant. In singulis autem laminis horum Pectinitarum plures Figuræ eleganter admodum effigiantur; aliæ minutæ; aliae majusculæ; aliæ integræ; aliæ ex parte tantum; at universæ sibi similes sunt.

Ex his majores in diametro duos digitos impletant; in quibus striæ admodum crebræ & minutæ; etiam eadem in auriculis similiter. Hæ autem minimè eminent, ut nec ipsi Pectinitæ ullâ ex parte; ita prorsus Tabulam pictam aut figuram chartæ impressam repræsentant.

Multi velut ex auro resplendent; adeò ut in iis certè, si quæ materia subsit, ea ex pyrite est.

Ex fodinis carbonum Fossilium juxta *Hallifax.*

*Lacut.*

TITULUS L.

*Pectinites minor, striis capillaris donatus; è saxo calcario plumbifero.*

**H**IC omnium longè elegans lapis est propter strias capillares. In minoribus numerandus est; sc. dimidium

dium digitum à vertice ad imum ambitum implet; à latere verò ad latus paulo amplior est.

In dorsum modicè elatus: in quo medio in quibusdam quædam Lacuna à vertice ad imum ambitum procedit.

Strias & aures itidem striatas, pectinum more, habet; at hæ striæ adeò minutæ & creberrimæ sunt, ut visum, minus certè curiosum penè effugiant; singulæ ad capillorum minutiem.

Huic aures pro lapidis modo amplæ; is valdè tenuis & fragilis est; sublividus, & instar Selenitæ noviter fractus renitet.

Plurimos hujus generis lapides in ripa Lapidosa Rivuli per oppidulum *Stock* regionis montosæ *Craven* dictæ transcurrentis inveni. Item à *Beresford* agri *Staffordiensis* alios habui.

Hunc biforem nondum vidi.

## TITULUS LI.

Pectinites striis duplicitibus & tenuissimis & densissimis, & æquè profundè insculptis; ex quibus quæ secundum lapidis longitudinem prosedunt, ad cardinem, ut in aliis pectinitis sit, non concurrant; aliae verò transversæ singulæ ad cardinem spectant:

Huic color subrufus; suæq; auriculæ sunt.

Ex Dr. Plott Fig. 11. Tab. 4.

**I**N lapidicinis oppiduli *Heddington* agri *Oxonensis* repertus est.

CAP.

C A P. II.

*De Lapidibus bivalvibus, striatis, non auritis; à me  
Pectunculitæ nominati.*

---

T I T U L U S L I I .

*Pectunculites, densussimis & minus profundè insculptis  
striis donatus.*

*An Fig. 3. Tab. 4. D. Plott?*

**H**I C lapis inter mediocres numerandus est; ei color subrufus. Cætera in Titulo expressi.  
Hunc biforem, & vix integrum hactenus vidi.  
In Rivulo juxta Bugthorp inventus est.

---

T I T U L U S L I I I .

*Pectunculites cinereus, striis ferè ad alteram è vertice  
partem inclinatis.*

*An Fig. 14, 15, 17. D. Plott?*

**H**I C lapis mediocribus annumerandus est; raro sels-  
quiuncialis; paulo magis tamen in longitudinem  
patet, quæ à vertice ad imum ambitum reputanda est; ex  
alterâ ferè parte paulo productior est, & in hanc & striæ  
& vertex inclinari videntur.

Ipsæ verò striæ distinctè eminent & modicè densantur.  
Leniter gibbus est: colore albido: ex tenui materia  
Selenitæ æmula.

Biforem adhuc nullum vidimus, at biforem esse credi-  
bile.

Locus.

bile est ex parte productâ ; quæ ex parte diversâ in aliis atq; aliis producitur.

In Lapidicinis è saxo calcario albido juxta *Lambsborough* & *Whitwell* agri Eboracensis sat copiosè reperitur.

## TITULUS LIV.

*Pectunculites albidus, striis admodum distinctis & e-latis, ex utrâq; parte gibbus, at ex alterâ paulo planior : è collibus cretaceis.*

Descriptio.

**H**IC integer & admodum elegans lapis est ; modicæ magnitudinis ; scilicet à vertice ad imum marginem circiter duos digitos colligit ; à latere ad latus paulo minor est.

Ab ipso vertice paulatim latescit ; ambitu rotundo definit ; qui à frequentibus etiam striis ibi finitis denticulatur.

Ipsæ striæ & crebræ & multùm eminentes, distinctissimæq; ad summam elegantiam sunt. Item sunt quædam transversæ velut Fasciarum imagines. Ex utrâq; parte modicè gibbus est, at ex alterâ parte paulo depresso ; in quâ parte ipsæ etiam striæ hîc & illîc rarioribus quibusdam Tuberculis exasperantur.

Ea materia, quæ testam refert, & tenuis & albida est, & fluoris cuiusdam instar lucida.

In se complectitur cretam albam.

In collibus cretaceis juxta *Royston* agri Cantabrigiensis inventus est.

Locus.

TITU-

TITULUS LV.

*Pectunculites subspheericus, è saxo calcis plumbifero.*

**E**X his lapidibus unum, nec illum biforem, ingentis *Descriptio.* magnitudinis apud me servo: at reliqui omnes, quos vidi, mediocribus annumerari debent; quorum minorum unus in *Tabula* depictus est.

Hic verò, qui omnium & sui & aliorum generum Cochlitarum bivalvium facile maximus est, infantis caput æquat; nimirum à vertice ad imum marginem senos minimum digitos implet; à latere verò ad latus, propter figuram rotundam, vix deni digitii circumambiunt. In dorsum maximè eminet, & in modum orbicularem gibbus est. Item in illo prægrandi Cochlite, de quo jam loquimur, singulæ etiam striæ, pro lapidis magnitudine, minimum ferè digitum crassitie implerent. At in modicæ magnitudinis lapidibus striæ & minutiores & minus eminent.

Ipse quoq; vertex admodum incurvatur. His color sublividus est.

Ex his maximus juxta *Keighley* inventus est: alii aliis in *Locis.* locis regionis montosæ *Craven* dictæ in saxo calcis sublivido plumbiferóq; reperti sunt. Item alias habui ex agro *Staffordiensi* in saxo calcis cinereo, eóq; tamen etiam plumbifero.

TITULUS LVI.

*Pectunculites anomius, cui insignis quedam Lacuna per medium dorsum rectâ procedit.*

13. Tab. 3. 6. Tab. 4. D. Plott.

**H**I C lapis modicæ magnitudinis est; à latere ad latus *Descriptio.* ferè sesquidigitum explet; à vertice ad imum ambitum

bitum uncialis est. In dorsum modicè elatus.

Medium dorsum profundior quædam lacuna rectâ dividit; item ad imam illam lacunam ipse margo labri cujusdam instar paulo productior est. Reliquæ etiam striæ amplæ & torosæ.

Ipse vertex ex altera parte paulo angustior & aliquantulum rostratus est; adeòq; inter anomios ponendus est.

Juxta cervices quasi humeri acuti eminent, ut in pectenitis, si aures iis demptæ essent.

Insignem crassitudinem horum lapidum, quâ parte testas referunt, satis mirari nequeo; certè multūm supra modum omnium viventium Concharum. At his eadem ferè materia, quæ reliquis plerisq; figuratis corporibus, in iisdem rupibus inventis, ut Trochitis, de quibus alibi \* fusè tractavi, sc. è ejusdam fluoris natura.

Ex his innumeros in saxo calcario sublivido, plumbiferóq; quodam oppidulo regionis *Craven*, *Stock* dicto inventi. Ubi omnes, quantum vidi, singulares fuerunt.

At ex agro Staffordiensи bifores cinereos habemus; & ex ipsis submarinis rupibus juxta *Scarborough* bifores solidos, pellucidos, & quasi siliceos ipse exempti.

Imò unūm apud me servò ex silice propriè sic dicto albo & non pellucido, quod experimentum de chalybe caput abundè testatur.

N. B. Reliquis omnibus, exceptis iis, qui justa *Stock* inventi sunt, isti humeri angulosi deesse videntur; imò aliquibus & labrum & lacuna haud ita conspicua sunt; easdem varietates plurimas in crystallis quibuscunq; observare licet.

\* Philosoph.  
Transact. dict.  
D. Oldenburgh  
n. 100. p. 6181.  
Locus.

## TITULUS LVII.

*Pedunculites anomius trilobus. Concha altera anomia  
striata r̄gibos rarior. I. Fab. Col. \**

\* *Depurpurea,*  
*p. 22.*

**H**UIC lapidi rara admodum Figura est, & cui similis nusquam, quod novi, inter conchas viventes, reperitur; ut autem rara, ita haud inelegans forma est.

Huic modica magnitudo est; maximam è multis describam; à vertice ad imum ambitum digitalis, at paulo latior est.

Utraq; valva quasi triloba est; at inter se dissimiles; siquidem è valvis illa, quæ ventricosior, minor est, eadémq; sub alterius vertice leviter rostrato inferitur: hujus verò minoris media pars multùm protuberat, versùsq; imum ejus marginem duæ hinc inde lacunæ, in plerisq; fatis depresso, illam quasi in tres lobos diducere videntur; at ea tamen una est, quamvis, ut rectè Fabius Columna, è tribus testis simul junctis constare videtur.

Altera è valvis, cuius vertex rostratus est, medium lobum in sinum amplum depresso & paulo productiore habet: duo autem ejus reliqui lobi & paulo breviores sunt & admodum eminent. Hac parte, inquit Fab. Columna hic conchites Aviculam alis expansis incurvam representare videtur.

Striarum & modus & numerus minùs certus est; siquidem in aliis pauciores, in aliis crebriores & minùs elatæ videntur: in plerisq; margines denticulantur ob strias eò usq; productas & ibidem profundius sulcatas: è contrà versus verticem eadem striæ leviter insculptæ, & penè obliterantur.

Ex his alii crustis Selenitæ cuiusdam æmulis conteguntur, glebam aluminosam, aut ferream, aut alterius nescio

K k

cuius

cujus naturæ terram complexi: alii ex toto solidi, pellucidi, quasi silicei.

Hos lapides bifores integrōsq; semper & ubiq; invenimus. At ex his tamen alii multi ferè plani & sine lobis sunt; alii vix striis donati.

LXXX.

Hic lapis in multis Angliæ locis frequens est: ut in Fossis fabulosis juxta *Gunnerby* agri Lincolniensis. Item in faxo plumbifero agri Derbyensis. Item in submarinis rubibus aluminosis ad *Spiton* agri Eboracensis.

## TITULUS LVIII.

*Pectunculites striis latinisculis undatis, concham Tridacnam Aldrovandi quodammodo referens.*

*Ex D. Plott Fig. 4. Tab. 4.*

**H**UNC juxta *Great Rolwright* agri Oxoniensis in argillâ sublividâ; è quâ constare videtur: materia tamen æneâ resplendente ex parte contegitur.

## TITULUS LIX.

*Pectunculites striis densis & minutis transversis circularibus, utraq; valva admodum gibba.*

*E*s solidō lapide cinereo, quale est ipsum saxum, è quo exemptus est.

*Ex D. Plott Fig. 5. Tab. 4.*

**H**IC lapis in Lapidicinis juxta *Heddington* agri Oxoniensis inventus est.

FINIS.

---

## Typographorum lapsus sic corige.

**P**Ag. 8. lin. 9. lego eos, p. 25. l. 1. adde folii cuiusdam, p. 28. l. 25. dele vero,  
p. 29. l. 23. leg. minimè, rantum juxta ovorum, p. 33. l. 4. dele quòd, leg.  
ut, p. 39. l. 9. leg. nimirum; ibid. l. 30. leg. viridia, p. 41. l. 15. leg. trans-  
versæ, p. 42. l. 6. leg. ipsius, p. 48. l. 3. leg. nudari; ibid. l. 4. leg. qui, p. 112.  
leg. ipsum, idem ad p. 136, 137. 125. 140. p. 113. l. 25. leg. multiplici, p. 124.  
l. 6. leg. hæ, p. 132. l. 10. leg. cæruleus, p. 133. l. 16. leg. clauduntur, p. 141.  
l. 21. leg. conchylis; & l. penult. conchylia, p. 155. l. 10. leg. dicta, p. 181. l. 4.  
leg. expositum; ibid. l. 12. leg. alto, p. 194. l. 12. leg. pyloride. Prefat. in Cohlitis  
ultim. pag. l. 13. leg. assequutus, p. 205. l. ult. leg. crassus.

Et si quæ alia Errata sunt, candido Lectori emendanda  
permittuntur.

---











2298 }

enclosed

filmed gravestones

Holiday Inn

SMITHSONIAN INSTITUTION LIBRARIES



3 9088 01348 7707